

ԹՈՒԹԵՆ

ՄԵԼՔՈՆՅԱՆ



ՊԿՆԱՐԿ ՍՏԱՄԲՈՒԼԻ
ՀԱՅ ՀԱՄԱՅՆՆԵՐԻ
ՊԱՏՄՈՒԹՅԱՆ

1920-ականներից Մինչև մեր օրերը

93 (=919,81)(56)

✓

ՀՀ ԳԱԱ ՄՐԵՎԵԼԱԳԻՏՈՒԹՅԱՆ ԻՆՍԻՏՈՒՏ

ՀՀ ՍՓՅՈՒՌԻ ՆԱԽԱՐԱՐՈՒԹՅՈՒՆ

ՈՐԻՔԵՆ ՄԵԼՔՈՆՅԱՆ

ԱԿՆԱՐԿ ԱՏՎԱԲՈՒԼԻ

ՀԱՅ ՀԱՄԱՅՆՔԻ ՊԱՏՄՈՒԹՅԱՆ

(1920-ականներից մինչև մեր օրերը)

Դ 96093

Երևան

ՎՄՎ - Պրինտ 2010



**National Academy of Sciences of The Republic of Armenia
Institute of Oriental Studies
Ministry of Diaspora**

Ruben Melkonyan

**Review of History of the Armenian
Community in Istanbul
(1920-till present days)**

**Yerevan
VMV-Print 2010**

ՀՏԴ 941 (479.25)

ԳՄԴ 63.3 (2Հ)

Մ 537

Գիրքը իրատարակվում է ՀՀ ԳԱԱ
Արևելագիտության ինստիտուտի
գիտական խորհրդի որոշմամբ

Ուսումնասիրությունը կատարվել է
ՀՀ Սփյուռքի նախարարության
տրամադրած դրամաշնորհով:

Գրքի տպագրությունն իրականացվել է

Հայ Առաքելական եկեղեցու Գուգարաց թեմի առաջնորդ,
Գերաշնորհ տեր Սեպուհ Եպիսկոպոս Չուզյանի մեկենասությամբ:

Պատասխանատու Խմբագիր
պ.գ.դ., պրոֆ. Ռուբեն Սաֆրաստյան

Սելքոնյան Ռուբեն

Մ 537 Ակնարկ Ստամբուլի հայ համայնքի պատմության (1920-ական-ներից մինչև մեր օրերը) /Ռ. Սելքոնյան; Պատ. Խմբ.՝ Ռ. Սաֆրաստյան; ՀՀ ԳԱԱ Արևելագիտության ինստ.; ՀՀ Սփյուռքի նախարար. - Եր.: ՎՄՎ Պրինտ, 2010. - 104 էջ:

Սույն ուսումնասիրության շրջանակներում Հայաստանի Հանրապետությունում առաջին անգամ քննության են առնվում Ստամբուլի հայ համայնքի 20-րդ դարի պատմության և արդի մի շարք կարևոր խնդիրներ: Հատուկ ուշադրություն է դարձվում Պոլսո Հայոց պատրիարքության, դպրոցների, ինչպես նաև համայնքային կալվածքների հետ առնչվող հարցերին: Քննության է առնվում հանրապետական Թուրքիայի իշխանությունների քաղաքականությունը տեղի հայության նկատմամբ: Նախատեսվում է մասնագետների, ուսանողների, ինչպես նաև ընթերցողների լայն շրջանակի համար:

ՀՏԴ 941 (479.25)
ԳՄԴ 63.3 (2Հ)

ISBN 978-9939-60-045-1

© Ռ. Սելքոնյան 2010

ԵՐԿՈՒ ԽՈՍՔ

Հայաստանի և Թուրքիո հայության միջև 100 տարվա խարպած հոգեոր և մշակութային կյանքը վերստին կամրջելու անկեղծ ու բարի ցանկությամբ՝ սիրով ստանձնեցի սույն գրքի տպագրության մեկենասությունը ի հիշատակ իմ ծնողաց՝ ԱԴՅԱՍԱՆՑԻ ՍԱՐԳԻՍ ԵՎ ՌԻՐՖԱՑԻ ՎԱՐԴԱՆՈՒԾ ԶՈՒԼԶՅԱՆ ԱՄՈՒՍԻՆՆԵՐԻ, և առ ի պանծացում հիշատակի պատմական Հայաստանի տարածքում 1915 թվականի ցեղասպանությունից մազապուրծ, զավառի բեկված ու ճղատված քրիստոնյա հայության, ովքեր տասնամյակներ շարունակ իրենց բնօրրանում իրավագրկված, ունեզրկված, Հայ ինքնությունն ու հավատքը հոգիներում անթեղած, ջերմեռանդ աղոթքներով անվերջ Աստծո ողորմածությանը ապավինած, սակայն քաջարար իրենց ազգային գիտակցությանը հավատարմորեն կառչած մեր ազնվագույն եղբայրներն են:

Մեր նպատակն է՝ սույն գրքի միջոցով Հայաստանի և Սփյուռքի մեր հայրենակիցներին բավարար տեղեկատվությամբ ճանաչելի դարձնել Թուրքիո հայ իրականությունը, նրանց հոգեմտավոր մաքառումները, պատմական, մշակութային, հոգեոր, կրթական, եկեղեցական ասպարեզներում ունեցած դերակատարությունն ու հայ աշխարհին բերած ակնառու և ծանրակշիռ նպաստը:

, Թուրքիայի բոնապետական, ազգայնական իշխանությունների կողմից քուրքահայությունն ըստ արժանվույն գնահատանքի և ուշադրության թեև չի արժանացել ու հաճախ էլ հալածվել է, սակայն անուրանալի փաստ է հայության մեծ ավանդն այդ երկրի տարբեր ոլորտներում:

Գիրքը ՀՀ անկախությունից ի վեր Թուրքիո Հանրապետության հայության մասին գրված առաջին աշխատությունն է, որ իբրև համեստ հուշակոթող ընձայվում է նրանց խնկելի հիշատակին, ովքեր, անասելի գրկանքներ կրելով հանդերձ, մնացին ՀԱՅ: Հուսով ենք՝ այն լայն պատկերացում և գիտելիքներ կհա-

ղորդի հետաքրքրասեր դասախոսներին, ուսուցիչներին և ուսումնատենչ ուսանողությանը:

Մեր հայրական սերը, գնահատանքն ու օրինությունն ենք քերում գրքի հեղինակ՝ Երևանի պետական համալսարանի արևելագիտության ֆակուլտետի դեկանի տեղակալ, բանասիրական գիտությունների թեկնածու, դոցենտ տիար Ռուբեն Մելքոնյանին, որ խոնարհաբար ստանձնեց և անխոնջ ու համակողմանի ուսումնասիրությամբ, բազմարովանդակ թեմաներով հարստացրեց սույն աշխատությունը:

Օրինությամբ՝

Մելքոնի Եպիսկոպոս Չուջյան

Առաջնորդ Գուգարաց թեմի

ԱՌԱՋԱԲԱՆ

Բուն Հայաստանից դուրս գտնվող հայկական գաղթօջախների խնդիրները միշտ էլ գտնվել են տարբեր գիտնականների, ուսումնասիրողների ուշադրության կենտրոնում: Դարերի ընթացքում Ստամբուլում (Պոլտում) ձևավորվել է յուրահատուկ և կարևոր հայկական գաղթօջախ, որը մեր օրերն է հասել զգայիռնեն վերափոխված և նորանոր խնդիրներով: Ստամբուլի հայ համայնքի մասին կան բարձրարժեք աշխատություններ¹, որոնցով հստակ պատկերացում ենք կազմում անցյալում համայնքի վիճակի և կյանքի վերաբերյալ, սակայն այսօրվա Ստամբուլի հայերի խնդիրներին նվիրված համապարփակ ուսումնասիրություն Հայաստանում դեռևս չէր արվել: Հայաստանի և աշխարհասփյութ հայերին Ստամբուլի հայության այսօրվա խնդիրները համառոտ ներկայացնելու համար էլ ձեռնարկել ենք սույն ուսումնասիրությունը: Այն չի հավակնում լինել ամբողջական, այլ նախնական պատկերացում է տալիս ստամբուլահայ համայնքի այսօրվա վիճակի մասին:

Այս գիրքը, ըստ էության, 2009թ. տպագրված «Ստամբուլի հայ համայնքի արդի իրավիճակը» (հեղինակներ՝ Արտեմ Ավագյան, Ռուբեն Մելքոնյան) գրքի լրամշակված և բարեփոխված տարբերակն է: Ստամբուլի հայ համայնքի այսօրվա վիճակի ուսումնասիրությունը կարևորել էր Հայաստանի Հանրապետության Սփյուռքի նախարարությունը, որի տրամադրած դրամաշնորհով էլ անցկացվեց ուսումնասիրությունը: Սակայն 2009թ. տպագրված գրքի սահմանափակ քանակը և լրամշակման կարիքն օրակարգային դարձրեցին ուսումնասիրության վերանայումն ու վերահրատարակումը: Այդ գործում ստացանք Հայ Առաքելական Եկեղեցու Գուգարաց թեմի առաջնորդ, Գերաշնորհ տեր Սեպուհ Եպիսկոպոս Չուղյանի պատրաստակամ աջակ-

¹ Այդ աշխատությունների շարքում հատկապես ցանկանում ենք առանձնացնել Յ.Սիրունու «Պոլիս եւ իր դերը» քառահատոր գիրքը՝ տպագրված Բեյրութում և Անթիլիասում 1965-1988 թվականներին:

ցությունը, և իենց նրա մեկենասությամբ էլ տպագրվեց սույն գիրը: Սակայն Սեպուհ Սրբազնը հանդես եկավ ոչ միայն որպես մեկենաս, այլև, որ ավելի կարևոր է, գիտական խորհրդատու: Սրբազն իոր արժեքավոր դիտողություններն ու կողմնորոշիչ առաջարկությունները մեծապես հարստացրեցին աշխատանքը, որի համար հայտնում ենք մեր շնորհակալությունը: Հատուկ շնորհակալություն ենք հայտնում պատմական գիտությունների դոկտոր, ՀՀ ԱԳՆ Թուրքիայի բաժնի ղեկավար Արտեն Ավագյանին, որը սիրահոժար մեզ տրամադրեց Ստամբուլի հայկական համայնքի կալվածքներին, տնտեսական կյանքին, կրթական խնդիրներին վերաբերող իր հեղինակած նյութերը, որոնք ամբողջությամբ կամ մասնակի տեղ են գտել սույն գրքում: Աշխատանքը կատարելիս իրենց արժեքավոր խորհուրդներով, ինչպես նաև գրականությամբ մեզ մեծապես օգնել են ԵՊՀ քուրքագիտության ամբիոնի վարիչ, պատմական գիտությունների թեկնածու, դոցենտ Ալեքսանդր Սաֆարյանը, ՀՀ Սփյուռքի նախարարության Սերծավոր և Մլուշին Արևելքի հայ համայնքների վարչության պետ, պատմական գիտությունների թեկնածու Արթուր Դումանյանը, պոլսահայ մտավորական Տիրան Լոքմազյովյանը, պոլսահայ լրագրող Ալին Օզինյանը, որոնց նույնպես հայտնում ենք մեր շնորհակալությունը:

Կարծում ենք, կատարված ուսումնասիրությունը մի համեստ նպաստ է պոլսահայ համայնքի արդի վիճակի և խնդիրների մասին պատկերացում կազմելու հարցում, որը կարող է հենք հանդիսանալ հետագա հետազոտությունների համար:

Ռուբեն Սելյոնյան

«Մենք ապրում ենք ամենաազատ երկրում՝
Թուրքիայում, որտեղ թուրքը այս երկրի
միակ տերն ու տիրակալն է: Մարդիկ,
ովքեր ծագումով մաքուր թուրքեր չեն,
այս երկրում ունեն միայն ստրուկ,
ճորտ լինելու իրավունք»²:

Մահմութ Էսսար,
Թուրքիայի Հանրապետության
արդարադատության նախարար,
1930թ.:

ՍՏԱՄԲՈՒԼԻ ՀԱՅ ՀԱՍՏԱՏՔԸ ՀԱՆՐԱՊԵՏԱԿԱՆ ԹՈՒՐՔԻԱՅՈՒՄ. ՊԱՏՍԱԿԱՆ ՀԱՍԱՌՈՏ ԱԿՆԱՐԿ

Հայերի ներկայությունը Բյուզանդիայի կայսրությունում և
մասնավորապես մայրաքաղաք Կոստանդնուպոլսում դարերի
պատմություն ունի: Հայերը որոշակի դեր են ունեցել այդ պե-
տության ռազմական, տնտեսական, քաղաքական համակարգե-
րում. ավելորդ չեն հիշել, որ հայկական ծագմամբ կայսերական
դինաստիան 867-1056թթ. իշխել է բյուզանդական կայսրությու-
նում: 1453թ. թուրքերի կողմից Կոստանդնուպոլիս քաղաքի գրա-
վումից հետո և հետագա դարերում օսմանյան սուլթանները
կայսրության տարբեր շրջաններից նաև հայերի էին տեղափո-
խում անվանափոխյալ Ստամբուլ: 1461թ. հիմնադրվում է Պոլսոն
Հայոց պատրիարքությունը, և սուլթան Մեհմեթ Բ-ն Բուրսայից
հրավիրում է տեղի առաջնորդ Հովհակիմ Եպիսկոպոսին, որն էլ
դառնում է նորաստեղծ պատրիարքության առաջնորդը: Սա-
կայն միայն 1543 թվականին Աստվածատոր Ա-ից սկսած են կի-
րառում պատրիարք տիտղոսը³: Պոլսոն Հայոց պատրիարքությու-
նը դարձավ կայսրության առաքելադավան հայության հոգեոր և

² Аванесов С., Положение национальных меньшинств в Турции, Ереван, 1963, стр. 14.

³ Seropyan V., Ermeni Patrikliği, - Dünden bugüne İstanbul Ansiklopedisi, İstanbul, 1994, s. 188.

ազգային կենտրոնն ու կառավարման կարևոր կառույցը: Օսմանյան կայսրությունում հայերը հույների և հրեաների հետ միասին ստացան «միլլերի» (ազգ) կարգավիճակ, և մայրաքաղաք Ստամբուլում զարգացավ ուժեղ հայկական համայնք, որն իր պատմության ընթացքում ստեղծեց յուրօրինակ մշակույթ, գրականություն, հիմնեց Եկեղեցիներ, դպրոցներ և այլ հաստատություններ:

Ընդհանրապես անհերքելի փաստ է, որ հայությունը մեծ ավանդ է ունեցել Օսմանյան կայսրության հասարակական, մշակութային կյանքում, տվել քազմաքիչ հայտնի անուններ այդ ասպարեզներում: Հայտնի է հայազգի ամիրաների, ճարտարապետների, բժիշկների, մանկավարժների, արվեստագետների լրջագույն նպաստն օսմանյան պետության տարբեր ոլորտներում: Սակայն հարկ է նկատել, որ օսմանյան տիրապետության տակ գտնվող հայությունը մշտապես ենթարկվել է պետական հալածանքի, որից անմասն չի մնացել նաև պոլսահայությունը: Ցավոք, դարեր տևած այդ քաղաքականությունը երբեմն իր ազդեցությունն է ունեցել քուրքական տիրապետության տակ գտնվող հայերի հոգեկերտվածքի վրա, և, օրինակ՝ 19-րդ դարի վերջին Կոստանդնուպոլիս այցելած դոկտ. Վիլյամ Գուդելը այսպես է նկարագրում պոլսահայությանը. «*Չորսդարյա տառապանքները, հալածանքներն ու տագնապը խոր հետք են քողել ողջ համայնքի վրա... հարատե վախը, տանջանքներն ու նվաստացումները ջնջել են արիության բոլոր հետքերը*»⁴:

Օսմանյան կայսրությունը քազմազգ, քազմեթնիկ և քազմակրոն պետություն էր, սակայն տարբեր հանգամանքների հետևանքով՝ ցեղասպանություններ, էթնիկ զոումներ, քոնի կրոնափոխություն, ձուլում, բնակչության փոխանակում և այլն, Թուրքիայի Հանրապետությունը ժառանգեց մի երկիր, որտեղ բնակչության մեծամասնությունը մուսուլման էր և կային անհամեմատ ավելի փոքր թվով այլակրոններ: 1923թ. Լոզանի պայմանագրով այդ այլակրոնների երեք համայնք՝ հայկականը, հունականը և հրեակա-

⁴ Սասունյան Հ., Հայերը պետք է խիզախ և կանխարգելիչ քայլեր ծեռնարկեն թշնամական գործողություններին հակազդելու համար. www.7or.am/hy/news/2010-06-23/15456/

նը, ճանաչվեցին որպես փոքրամասնություն: Հարկ է ուշադրություն դարձնել, որ Թուրքիայում էթնոկրոնական այլ խմբեր, ինչպիսիք են, օրինակ, ասորիները, լազերը և այլն, չստացան առանձին իրավունքներ ու կարգավիճակ:

Անհրաժեշտ է հստակ շեշտել, որ հանրապետական Թուրքիայում ոչ մուսուլման փոքրամասնությունների նկատմամբ պետության վերաբերմունքը մնաց նույն թշնամականը, իսկ հալածանքները շարունակվեցին իին մեթոդների նորօրյա դրսերումներով: Այն, որ Թուրքիայի Հանրապետության ստեղծման արդեն սկզբնական շրջանում պետության և պետական գործիչների վերաբերմունքը փոքրամասնությունների նկատմամբ ծայրահեղ անհանդուրժողական էր, փաստում են հենց քուրք տարբեր դեկավարների հայտարարությունները: Այստեղ հարկ ենք համարում մեջբերել Թուրքիայի Հանրապետության հիմնադիր նախագահ Մուսքաֆա Քեմալ Աքարտուրքին և Թուրքիայի առաջին վարչապետ Իսմեր Ինենյուին վերագրվող մի տարածված ավանդագրույց, որը լավագույնս ի ցույց է դնում պետական մոտեցումը փոքրամասնությունների հարցին: Այսպես, հանրապետության առաջին տարիներին վարչապետ Իսմեր Ինենյուն պատրաստվում է Թուրքիայի Ազգային մեծ ժողովի հաստատմանը ներկայացնել փոքրամասնությունների մասին օրինագիծ և այն քննարկելու համար այցելում է նախագահ Աքարտուրքին, որը նրան ընդունում է նախագահական պալատի ծաղկանոցում, որտեղ լինում են քաղմատեսակ ծաղիկներ: Լսելով վարչապետ Ինենյուի՝ փոքրամասնություններին վերաբերող օրինագծի հարցը՝ Աքարտուրքը հետագում է դրա քննարկումը հաջորդ օրվան: Վարչապետի գնալուց հետո նախագահը կարգադրում է արմատախիլ անել պարտեզի բոլոր ծաղիկները և քողմել միայն կակաչները: Հաջորդ օրը Իսմեր Ինենյուն, գալով Աքարտուրքի մոտ, անմիջապես նկատում է, որ ծաղկանոցում մնացել են միայն կակաչները: Ինենյուի՝ ինչո՞ւ են արմատախիլ արվել մյուս ծաղիկները հարցին Աքարտուրքը պատասխանում է. «Փոքրամասնություններին հանեցի քափեցի»⁵:

⁵ <http://www.bakterim.net/ataturk-ve-ilkeleri/167159-ataturkten-muhtesem-bir-ders-konu-azinliklar.html>

Ահա իենց այս թափանցիկ ակնարկն էլ դառնում է Թուրքիայի Հանրապետության պաշտոնական քաղաքականությունը փոքրամասնությունների նկատմամբ: Այսինքն՝ Թուրքիայում կարող են լիարժեք քաղաքացի համարվել միայն թուրքերը, իսկ մնացած բոլորը կամ պետք է հեռանան, կամ կոտորվեն, կամ թուրքացվեն: Այդ վերաբերմունքն ավելի կոնկրետ սահմանում է Թուրքիայի վարչապետ, հետազայում նախագահ Իսմեր Ինենյուն 1925թ. Անկարայում, «քուրքական օջախների» համագումարում իր ելույթի ժամանակ հայտարարելով. «*Մենք բացահայտ ազգայնամոլներ ենք: Մենք ցանկացած զնով պետք է քուրքացնենք նրանց, ովքեր ապրում են մեր հայրենիքում*»⁶:

Աղբյուրները փաստում են, որ 19-րդ դարի սկզբին Ստամբուլի հայերի թիվը հասնում էր 150 հազարի, իսկ արդեն 1880-ականներին՝ 250 հազարի⁷: 1915-23թթ. Հայոց ցեղասպանությունից հետո և Թուրքիայի Հանրապետության ձևավորման առաջին տարիներին ստամբուլահայերի թվաքանակի մասին տարբեր թվեր են նշվում: Այսօր Թուրքիայում, ըստ պաշտոնական տվյալների, կան շուրջ 55-60 հազար առաքելադավան հայեր⁸, որոնք հիմնականում բնակվում են Ստամբուլում: Ավելորդ չեն նշել, որ ներկայումս Ստամբուլից դուրս սակավաթիվ քրիստոնյա հայեր են մնացել⁹, որոնց մեծ վերապահությամբ է հնարավոր

⁶ Ավանեսով Ս., նշված աշխ., էջ 13:

⁷ Pamukciyan K., İstanbul'da Ermeniler; İstanbul yazıları: Ermeni kaynaklarından tarihe katkılar- I, İstanbul, 2002, s. 9.

⁸ Dışişleri: Azınlık sayısı 89 bin, - Milliyet, 12.12.2008.

⁹ Պաշտոնական տվյալների սակավության պայմաններում Թուրքիայի տարբեր գավառներում բնակվող հայերի այսօրվա թվաքանակի մասին որոշ փաստեր են փոխանցում այդ վայրեր այցելող գրոսաշրջիկներն ու ուխտավորները: Այսպես, 2009թ. պատմական Հայաստանի տարբեր վայրեր են այցելել Հայ Առաքելական Եկեղեցու Գուգարաց և Շիրակի թեմերի առաջնորդներ Սեպուհ Եպիսկոպոս Չուլջյանն ու Միքայել Եպիսկոպոս Աջապահյանը: Հետազայում Սեպուհ Սրբազնը թղթին է հանձնել իր տպավորություններն այցից, որտեղ այսպիսի տողեր կան. «Հանդիպեցինք ու գրուցեցինք Եյազրդում-Խարբերդում բնակվող հայերի հետ, որոնց թիվը հասնում է հիսուներկուսի: Նոյն կերպ՝ Սեբաստիայում բնակվում են Վաթունինգ հայեր, Կեսարիայում՝ չորս, այն էլ միայն տղամարդ, իսկենդերունում՝ ութսուն և Աղամայում՝ վեց»: Տե՛ս S. Սեպուհ Եպիսկոպոս Չուլջյան, Ուխտագնացություն Արևմտյան Հայաստան, Ազգ (մշակութ. հավելված), 12. 09. 2009:

համայնք համարել, և թուրքական մամուլում կարելի է հանդիպել, օրինակ, «Դիարբեքիրի վերջին հայը»¹⁰ կամ «Արարկիրի վերջին հայը» վերտառությամբ հոդվածների: Ըստ տարբեր աղբյուրների, քացի Ստամբուլից, հայեր կան Մալաթիայում, Սվագում (Սեբաստիա), Կայսերիում (Կեսարիա), Անկարայում, Իսրբենդերունում, Անթաքյայում, Աղանայում և Էլյազլում (Խարբերդ): Թուրքիայում միակ գյուղը, որը բնակեցված է առաքելադավան հայերով, Հաքայի (նախկին Ալեքսանդրետի սանջար) Վարժովը գյուղն է:

Հայերի թվաքանակի նվազումն արտահայտված է նաև մարդահամարներում, որոնք հանրապետական Թուրքիայում սկսել են անցկացվել 1927 թվականից: Մինչև 1965թ. մարդահամարը հարցարանում նշված էր մայրենի լեզվի տողը, և հարցումն էլ կատարվում էր ըստ այդ սկզբունքի: Այս մեթոդը, սակայն, չէր կարող տալ հստակ պատկերը, քանի որ, հատկապես գավառներում, հայերը գրկված էին մայրենիին տիրապետելու հնարավորությունից և շատ հաճախ թրքախոս կամ քրդախոս էին: Թուրքիայում 1927-1965թ. անցկացված 7 մարդահամարների պարզությունը ցույց էն տալիս հայերենը որպես մայրենի լեզու նշողների թվի անկում¹².

Մարդահամարի թվականը	Մայրենի լեզուն (հայերեն)	Թուրքիայի ընդհանուր բնակչությունը
1927	67.754	13.629.488
1935	57.599	16.157.450
1945	47.728	18.790.174
1950	52.776	20.947.188
1955	56.235	24.064.763
1960	52.756	27.754.820
1965	33.094	31.391.421

¹⁰ Matur B., Diyarbakır'ın son Ermeni'si, - Zaman, 02.12.2008.

¹¹ Kaplan S., 1915-te ne oldu?, İstanbul, 2005, 2-inci baskı, s. 169.

¹² Ulu C., Türkiye Cumhuriyeti'nde Ermeniler, Ankara, 2009, s. 312.

Իսկ ըստ նահանգների՝ հայախոսների թվաքանակի անկման պատկերը հետևյալն է¹³.

Բնակավայրը	1927թ.	1935թ.	1965թ.
Յողաք	1801	889	118
Սվագ (Սեբաստիա)	4122	2094	117
Դիարբերիր	955	582	132
Էլյազր (Խարբերդ)	2399	707	2
Էրզրում (Կարին)	14	37	13
Կայսերի (Կեսարիա)	435	845	9
Մալաթիա	2625	1614	148
Ստամբուլ	45255	39831	29479
Ընդհանուրը	67754	57599	33094

Թուրքիայի Հանրապետությունում հայերի թվաքանակի կտրուկ նվազումն ունի մի քանի պատճառ, որոնց մեջ ամենակարևորը և որոշիչը պետական հալածանքի և խորականության քաղաքանությունն ու դրանից բխող արտագաղթերն են: Թուրքիայում հայերի նկատմամբ խորական քաղաքանության տարբեր դրսերումների հանդիպում ենք հանրապետության հոչակման արդեն առաջին տարիներին: Այսպես, 1929թ. ամռանը և դրան հաջորդող ամիսներին մոտ 30.000 հայ է աքսորվել Խարբերդի, Դիարբերիրի և Մարդինի նահանգներից¹⁴: Թուրքիայում ԱՄՆ դեսպան Ռոբերտ Սքիների՝ 1934թ. մարտի 2-ին ԱՄՆ արտաքին գործերի նախարարին ուղարկած գեկուցագրում, որը պահպել է «հույժ գաղտնի» դասիչի տակ, ներկայացվում է Թուրքիայի արևելյան շրջաններից հայերի՝ այդ թվականների աքսորի մասին: Այսպես, նշվում է, որ 1934թ. սկզբներին թուրքական իշխանությունները սկսել են գավառներից հայերին

¹³ Koçoğlu Y., Azınlık gençleri anlatıyor, İstanbul, 2004, s. 122.

¹⁴ Walker C., Armenia: The survival of a nation, London, 1980, p. 348, նույնը տես նաև. Hofman T., Armenians in Turkey today (second edition), Uppsala, 2003, p. 15.

աքսորել Ստամբուլ: Վերջինները ստիպված են եղել շատ էժան գներով վաճառել իրենց ունեցվածքը (որը դեսպանը նույնական է համարում ունեցվածքը լրելուն) և գնալ Ստամբուլ, որտեղ Հայոց պատրիարքարանը, բարեգործական տարբեր ընկերություններ փորձել են օգնել զաղթականներին աշխատանք գտնել, իսկ մինչ այդ ամեն ինչ արել են նրանց պահելու, ապաստարան և սնունդ տալու համար¹⁵:

Ազգային փոքրամասնությունների և մասնավորապես հայերի դեմ իրականացված Թուրքիայի պետական քաղաքականության դրսեորումներից առանձնացնենք հատկապես ներքոհիշյալ երեքը, որոնք եական նշանակություն են ունեցել ազգային փոքրամասնությունների արտագաղթի և ներկայիս պատկերի ստեղծման համար.

- 1. 20 դասակարգի գինակոչ (1941-42թ.)**
- 2. Ունեցվածքի հարկ (1942-44թ.)**
- 3. 1955թ. սեպտեմբերի 6-7-ի դեպքերը**

20 դասակարգի գինակոչ. Կարելի է ասել, որ Թուրքիայի Հանրապետությունում փոքրամասնությունների դեմ կիրառված խտրական քաղաքականության ամենաքիչ ուսումնասիրված և արծարծված խնդիրը 1941թ. իշխող Ժողովրդա-հանրապետական կուսակցության (CHP) կառավարության կազմակերպած, այսպես կոչված, 20 դասակարգի գինակոչն է: Այն տարածվել է հիմնականում հայերի, հույնների և հրեաների վրա, հապշտապ բանակ է զորակոչվել այդ փոքրամասնությունների չափահաս տղամարդկանց մեծ մասը (ըստ տարբեր աղբյուրների՝ 18-48¹⁶, 26-45¹⁷, 18-60¹⁸ տարեկան տղամարդիկ): Ուշագրավ է, որ զորա-

¹⁵ Records of the Department of state Relating to the Internal Affairs of Turkey, 1930-1944. Ամերիկյան դեսպան Ոոբերտ Սքիններից ԱՄՆ արտգործնախարարին, 867.4016 հայերը, նույնը տես նաև Aktar A., Varlık vergisi ve "Türkleştirme" politikaları, İstanbul, 2000, s. 93.

¹⁶ Սիմոնյան <.. Թուրք-հայկական հարաբերությունների պատմությունից. Երևան, 1991, էջ 504:

¹⁷ Коçoğlu Y., Hatırılıyorum Türkiye'de Gayrimüslim Hayatları, İstanbul, 2003, s. 40.

¹⁸ Аванесов С., նշված աշխ., էջ 162:

կոչվել են նույնիսկ նրանք, որոնք նոր էին վերադարձել զինծառայությունից և պահեստագորային էին¹⁹: Զորակոչն անցկացվել է խիստ գաղտնիության պայմաններում, և հնարավորինս թույլ չի տրվել տեղեկատվության արտահոսք²⁰, սակայն այս զորակոչի ամենակարևոր առանձնահատկությունն այն է, որ կիրառվել է բացառապես ոչ մուսուլման քաղաքացիների նկատմամբ²¹: Ազգությամբ իրեա հետազոտող Ուժաք Բալին ականատեսների հետ զրույցների արդյունքում ձեռք է բերել տվյալներ, որոնք փաստում են, որ զորակոչելիս հաշվի չի առնվել ոչ մի հանգամանք. անգամ տարվել են հաշմանդամները, կույրեր, այլ արատներ ունեցողներ: Ի դեպ, հայազգի Սարգիս Չերքեզյանը, որը նույնպես ենթարկվել է այս զորակոչին, հետազայում պատմում է, որ իրենց հետ ծառայության են զորակոչվել անգամ հոգեկան խանգարում ունեցող մարդիկ, որոնց միակ «մեղք» ազգային փոքրամասնությանը պատկանելն էր²²: Սակայն այդ զորակոչվածները չեն կարող լիարժեք զինվոր համարվել, քանի որ նրանց չեր տրվել գենք, և նրանք չեն կրել զինվորական համագույսությունը: Այդ ամենը վերապրողները հետազայում պատմել են, որ նրանց տրվել է աղքահավաքի հանդերձանք, որը ժողովրդի մեջ հայտնի էր «հինգ կոճականի» անվամբ: Ոչ մուսուլման տղամարդկանցից ձևավորվել էին աշխատանքային գումարտակներ, որտեղ չեն եղել մուսուլմաններ, ինչը խորացրել է կասկածը և տարածված այն վարկածը, որ նրանց հավաքել են հարմար պահին ոչնչացնելու համար, ինչպես եղել է Առաջին համաշխարհային պատերազմի տարիներին օսմանյան բանակի հայազգի զինվորականների հետ:

Ուշագրավ է նաև այն հանգամանքը, որ թուրքական պետությունը երեք ոչ մուսուլման փոքրամասնությունների հանդեպ ուներ տարբերակված մոտեցում և ակնհայտորեն բացասաբար էր վերաբերվում հատկապես հայերին՝ կապված նրանց հանդեպ

¹⁹ Bali R., "Yirmi kura ihtiyaçları" olayı, - Tarih ve Toplum, 1998, sayı 175, s. 4.

²⁰ Նույն տեղում, էջ 9:

²¹ Նույն տեղում, էջ 4:

²² Çerkezyan S., Dünya Hepimize Yeter, İstanbul, 2003, s. 121.

Հ Յ Ե Զ Հ Յ Ե Զ


անվատահության հետ²³: Խոսելով 20 դասակարգի զինակոչի պատճառների և նպատակների մասին՝ պետք է նշել, որ սակավաթիվ աղբյուրներում կան որոշակի ենթադրություններ, իսկ ականատես վերապրողների պատմածները գալիս են հաստատելու այն վարկածը, որ դա խոշոր առումով էթնիկ զոում էր՝ ածանցյալ այլ նպատակներով: Գերիշխող և տարածված տեսակետն այն է, որ Երկրորդ համաշխարհային պատերազմի տարիներին Թուրքիան, ցանկանալով մտնել պատերազմի մեջ Գերմանիայի կողմից, նախապես հավաքել է ոչ հուսալի, «5-րդ շարասյուն» համարվող ոչ մուտուման բնակչության տղամարդկանց՝ ոչնչացնելու նպատակով:

Ինչեւ, շուրջ մեկ տարի տևած այս ծառայությունը խոր հետք է քողել փոքրամասնությունների վրա: Ավելորդ չեն նշել, որ ծառայության ընթացքում զորակոչվածների շրջանում վատ պայմանների հետևանքով զրանցվել են մահվան, հիվանդությունների բազմաթիվ դեպքեր: Չորակոչ անվանված այս էթնիկ խորականության բացահայտ դրսերումը Թուրքիայի փոքրամասնությունների շրջանում էլ ավելի է խորացրել վախի և անվատահության մթնոլորտը, ինչը ստիպել է շատերին լրջորեն մտածել Թուրքիայից արտագաղթելու մասին:

Ունեցվածքի հարկ. 20 դասակարգի զինակոչից շատ շանգած՝ 1942թ. նոյեմբերին, իշխող Ժողովրդա-հանրապետական կուսակցությունը՝ ի դեմս Թուրքիայի կառավարության և վարչապետ Շյուրրու Սարաջօղլուի, Ազգային մեծ ժողովի հաստամանն է ներկայացնում, այլևս կոչված, ունեցվածքի հարկի մասին օրենքը, որն ընդունվում է նույն թվականի նոյեմբերի 11-ին միաձայն քվեարկությամբ²⁴: Սակայն դեռևս օրենքի ընդունումից առաջ Թուրքիայի ֆինանսների նախարարությունը պահանջել էր նահանգների ֆինանսական վարչություններից, բանկերից, անվանգության ծառայությունից փոքրամասնությունների նյութա-

²³ Коçoğlu Y., նշված աշխ., էջ 40:

²⁴ Akar R., Aşkale Yolcuları (Varlık Vergisi ve Çalışma Kampları), İstanbul, 2006, s. 72.



կան վիճակի մասին տվյալներ²⁵: Անզեն աշքով անգամ նկատելի էր, որ օրենքը բացահայտորեն ուղղված էր ազգային-կրոնական փոքրամասնությունների դեմ: Այսպես, ունեցվածքի հարկի մասին օրենքը հարկատուններին բաժանում էր 4 խմբի, այն էլ՝ ըստ կրոնական պատկանելության:

1. մուսուլմաններ
2. ոչ մուսուլմաններ
3. հավատափոխներ
4. օտարահայատակներ:

Ըստ այդ օրենքի, ոչ մուսուլմանները (հայեր, հույններ, հրեաներ), մուսուլմանների համեմատ վճարում էին քառասնապատիկ կամ հիսնապատիկ ավելի հարկ: Փաստորեն, խախտվել էր սահմանադրական այն դրույթը, համաձայն որի՝ բոլորը, այդ թվում և ոչ մուսուլմանները, Թուրքիայի իրավահավասար քաղաքացիներ էին, և ուշադրություն է գրավում այն, որ 20-րդ դարի կեսերին անգամ Թուրքիայում մարդիկ հարկվում էին ոչ թե ըստ ունեցվածքի, այլ ըստ էթնիկ ու կրոնական պատկանելության: Սա, միևնույն ժամանակ, Լոզանի պայմանագրի 39-րդ հոդվածի խախտում է, քանի որ այնտեղ հստակ նշված է. «Թուրքիայի բոլոր բնակիչները, առանց կրոնական խորականության, օրենքի առաջ պետք է լինեն իրավահավասար»:

Պետության հրամանով ստեղծվել են հատուկ հանձնաժողովներ, որոնք պետք է սահմանեին քաղաքացիների հարկաշափերը, ընդ որում՝ նրանք կամայական էին այդ հարցում: Հարկ է հատուկ շեշտել, որ այդ հանձնաժողովների անհիմն կերպով սահմանած հարկաշափը հարկատուն իրավունք չուներ բողոքարկելու: Իրենց ունեցվածքի արժեքը մի քանի անգամ գերազանցող հարկը չվճարելու դեպքում փոքրամասնությունների գույքը պետականացվում էր և վաճառվում աճուրդով: Եթե այդ պարագայում էլ գումարը չէր բավարարում հարկը վճարելուն, ա-

²⁵ Նույն տեղում, էջ 67-68:

պա նրանց աքսորում էին տաժանակրության, որպեսզի աշխատելով վճարեին հարկը: Տաժանակրության հիմնական վայրերից էր ցուրտ կլիմայով հայտնի Երզրումի նահանգի Աշքալե զավառ:

Պոլսահայ համայնքում տարածված է Ունեցվածքի հարկի վճարման օրերին մի քանի խոշոր սեփականատերերի հետ պատահած մի դեպք, որն առավելապես վերագրվում է հայազգի գործարար Թոքաթլյանին: Մեջքերվող օրինակը լավագույնս ցույց է տալիս հարկաշափի նշանակման գործընթացի խիստ կամայական լինելը: Թոքաթլյանին այն ժամանակվա համար խոշոր հարկ էին նշանակել՝ 1 մլն լիրա, իուս ունենալով, որ չի կարողանա վճարել այդ գումարը և նրա ունեցվածքը կպետականացվի: Սակայն Թոքաթլյանը հավաքում է այդ գումարը կանխիկ, ներկայանում Ստամբուլի հարկային վարչություն և հանձնում պայուսակը: Թուրք պաշտոնյաները, իրար նայելով, անմիջապես հայտնում են նրան, որ սխալմունք է տեղի ունեցել, նրա հարկը ոչ թե 1 մլն, այլ 10 մլն բուրքական լիրա է և սխալմամբ մեկ զրո չի գրվել: Լսելով այս լուրը՝ Թոքաթլյանը սրտի կաթված է ստանում:

Ունեցվածքի հարկի ընդունման պաշտոնական պատճառաբանությունը, ըստ վարչապետ Սարաջօղուի, այն էր, որ դա ուղղված էր բուրքական լիրայի արժեքորմանը, շրջանառության մեջ եղած դրամի նվազեցմանը, միևնույն ժամանակ՝ ուղղված էր սև շուկայի, գների աճի և սպեկուլյանտների դեմ²⁶: Սակայն օրենքի ընդունումից կարճ ժամանակ անց՝ 1943թ. հունվարի 21-ին, «Զումհուրիյեթ» թերթում տպագրված նրա մտքերը շատ ավելի անկեղծ էին և բացահայտում էին հարկի իրական նպատակը. «Օրենքն իր ողջ խստությամբ կիրառվելու է այն մարդկանց նկատմամբ, ովքեր օգտվելով այս երկրի հյուրընկալությունից՝ հարստացել են, բայց, չնայած ոյրան, այս դժվարին պահին խուսափում են կատարել իրենց պարտականությունները»²⁷:

²⁶ Akar R., նշված աշխ., էջ 58:

²⁷ Նույն տեղում, էջ 11:

Խնդրի ուսումնասիրությունը քոյլ է տալիս պնդել, որ այս հարկատեսակի կիրառումն առավելապես քաղաքական, այլ ոչ քետնատեսական բնույթ ուներ: Այնուամենայնիվ, Թուրքիայի բյուջեն լուրջ աճ է արձանագրել ունեցվածքի հարկի կիրառումից հետո: Այսպես, 1943թ. երկրի բյուջեն կազմել է 486.717.349 լիրա, իսկ 1944թ., այսինքն՝ ունեցվածքի հարկից հետո այն կազմել է 952.434.417 լիրա²⁸:

Կարելի է նշել, որ ունեցվածքի հարկի հետևանքները քազմաշերտ են. նախ՝ տնտեսությունը խոշոր առումով թուրքացվեց, քանի որ սնանկացված ոչ մուսուլման գործարարների փոխարեն շուկա եկան նրանց ունեցվածքին էժան գմերով տիրացած նոր հարուստները, որոնք բոլորը մուսուլմաններ էին: Հատկապես կարելոր է շեշտել, որ ունեցվածքի հարկի պատճառով գրեթե ամբողջովին վերացավ թուրքահայ բուրժուազիան: Սա փոքրամասնությունների նկատմամբ պետականորեն իրականացված հարստահարում էր: Թուրք հետազոտող Ռ.լովկան Աքարը ունեցվածքի հարկն իրավամբ համարում է «փոքրամասնությունների տնտեսական ցեղասպանություն»²⁹:

1955թ. սեպտեմբերի 6-7-ի դեպքերը. 1950 թվականից իշխանության դեկին գտնվող Դեմոկրատական կուսակցությունը (DP) քազմից քննադատել է իր նախորդի՝ Ժողովրդա-հանրապետական կուսակցության քաղաքականությունը փոքրամասնությունների նկատմամբ: Սակայն պատմությունը ցույց տվեց, որ Թուրքիայում, անկախ իշխանության դեկին գտնվող ուժի քաղաքական կողմնորոշումից, փոքրամասնությունների նկատմամբ վերաբերմունքը շարունակում է մնալ մերժողական: Այսպես, 1950-ական թվականներին Թուրքիայում բորբոքվում էին հակահունական տրամադրությունները՝ կապված նաև Կիպրոսի խնդրի հետ: Իշխանությունները տարբեր մեթոդներով էլ ավելի էին թեժացնում այդ տրամադրությունները, և, ի վերջո, 1955թ. սեպ-

²⁸ Çetinoğlu A.S., Varlık Vergisi 1942-1944: Ekonomik ve Kültürel Jenosid, İstanbul, 2009, s. 487.

²⁹ Նույն տեղում, էջ 15:

տեմբերի 6-7-ին հիմնականում Ստամբուլ և Իզմիր քաղաքներում կազմակերպեցին գործողություններ, որոնք հետագայում ստացան «պոգրոմ» որակումը: Պատրվակ ընդունելով Սալոնիկում Աքարտուրքի տաճ ոմբահարումը՝ Ստամբուլում և Իզմիրում տեղի ունեցավ նախօրոք կազմակերպված և զինված ամբոխի հարձակում ազգային փոքրամասնությունների (հիմնականում՝ հույների և հայերի) տների, խանութների, եկեղեցիների վրա, ինչն ուղեկցվեց կոտորածով, թալանով, իրղեհումներով և բռնություններով: Այս դեպքերի ընթացքում հունական և հայկական համայնքները ունեցել են հետևյալ կորուստները. սպանվել են 10-12 անձ, բռնաբարվել 400 կին³⁰, թալանվել և ավերվել են 73 եկեղեցի, 8 սրբատեղի (հունական), 2 վանք, 2 գերեզմանատուն, 21 գործարան, 26 դպրոց, 5 սպորտային ակումբ, 1004 տուն, 4348 խանութ-արհեստանոց, 27 դեղատուն և լաբորատորիա, 110 ճաշարան-սրճարան-հյուրանոց³¹: Այդ ամենը տեղի է ունեցել քուրքական համապատասխան կառույցների լուս անտարքերության ներքո, ինչը ևս մեկ անգամ հաստատում է դրանց կազմակերպված բնույթը: Միայն ահազին ուշացումով Ստամբուլում հայտարարվել է արտակարգ դրություն և մտցվել զորք, սակայն մինչ այդ զազազած ամբոխը հնարավորություն է ունեցել իրականացնել իրեն տրված հանձնարարությունը: Ավելի ուշ բավական աղմկահարույց բացահայտումներ արվեցին առ այն, որ Սալոնիկում Աքարտուրքի տաճ ոումբ տեղադրած անձը Թուրքիայի հետախուզության աշխատակից է եղել³²:

Սեպտեմբերի 6-7-ի դեպքերը Թուրքիայի ազգային փոքրամասնությունների շատ ներկայացուցիչների համար եղան այն վերջին կաթիլը, որը լցրեց համբերության բաժակը, և նրանցից շատերը վերջնականապես որոշեցին լրել Թուրքիան:

³⁰ Kılıç E., 6-7 Eylül yağma olayları bir MİT organizasyonu, - Sabah, 01.02.2009.

³¹ Macar E., Cumhuriyet döneminde İstanbul Rum Patrikhanesi, İstanbul, 2003, s. 197.

³² Kılıç E., նշված հոդվածը:

Հարկ է նշել նաև, որ վերը թվարկվածներն ազգային փոքրամասնությունների հանդեպ կիրառված խորական քաղաքականության հիմնական, բայց ոչ բոլոր մեթոդներն ու դեպքերն են, քանի որ նման դրսերումներ հանդիպել են այլ ոլորտներում և ամենօրյա կյանքում ևս:

* * *

Հանրապետական Թուրքիայում հայերի գաղթերը կրել են երկու բնույթ՝ ներքին և արտաքին: Ներքին գաղթերը վերաբերել են գավառներում պահպանված հայության բեկորներին, որոնք կանգնած են եղել բարդ երկրնտրանքի առաջ՝ մնալ գավառում և քոնել վերջնական ուժացման ճանապարհը կամ տեղափոխվել Ստամբուլ և ինտեգրվելով հայ համայնքին՝ փորձել վերագտնել աղճատված ինքնությունը: Տարբեր տարիներին գավառներից գաղթած հայերի մեծ մասի համար, ինչպես իրենք են խոստովանում, հիմնական դրդապատճառը եղել է «հայ մնալու ձգտումը»: Խնդիրն այն է, որ գավառներում բացակայել են ամենատարրական պայմանները, որոնք կօգնեին հայերին պահպանել ազգային և կրոնական ինքնությունը. մասնավորապես՝ Հայոց ցեղապանությունից հետո, բացի Ստամբուլից, Թուրքիայի այլ վայրերում գործող հայկական դպրոցներ չեն պահպանվել, եկեղեցիների գերակշիռ մասը փակ էր կամ ավերված: Այս ամենին հավելյալ պետության և հասարակության ճնշումը ստիպել են շատ քրիստոնյա հայերի թաքցնել իրենց էթնիկ և կրոնական պատկանելությունը: 1950-ական թվականներից թափ է առել գավառների քրիստոնյա հայերի ինտենսիվ գաղթը Ստամբուլ: Եթե 1920-40-ական թվականներին Ստամբուլի համայնքի կորիզը և մեծամասնությունը դեռևս կազմում էին բնիկ պոլսեցի (այսինքն՝ ավելի վաղ դարերում Պոլիս տեղափոխված) հայերը, ապա հետագա տարիներին վերջինները հիմնականում գաղթեցին արտասահման, և նրանց փոխարինեցին գավառից եկած հայերը:

Հարկ է նկատել, որ երբեմն հենց Պոլսո Հայոց պատրիարքությունն է ձեռնամուխ եղել զավառներից հայերին Ստամբուլ տեղափոխելու գործին, որպեսզի գոնե այդ կերպ փրկի հայության բեկորները: Հայտնի են Գարեգին Խաչատուրյան, Շնորհը Գալուստյան պատրիարքների գործադրած ջանքերն արդեն քրդախոս և թրքախոս դարձած զավառահայ երեխաներին Ստամբուլի հայկական դպրոցներ տեղափոխելու և հայեցի կրթություն տալու ուղղությամբ: Հիշյալ գործում մեծ դեր ունեն նաև Հայոց եկեղեցու սպասավորներ Տեր Բարդուղ ավագ քահանա Հրքաջյանն ու Տեր Կիրակոս ավագ քահանա Թոքաթլյանը, որոնք անձամբ շրջել են տարբեր զավառներում և հավաքել այլախոս հայ երեխաներին:

Սակայն, պետք է նշել, որ զավառներից հայերի գաղթի հարցում կար նաև խորքային մեկ այլ պատճառ, այն է՝ թուրքական պետական քաղաքականությունը: Այսինքն՝ կարող ենք պնդել, որ պետության նպատակների մեջ էր մտնում Թուրքիայի արևելյան նահանգներում մնացած հայության բեկորների «կամովին» արտագաղթը, որպեսզի հայկական ներկայություն չվերստեղծվեր այդ տարածքներում: Այս նպատակի համար պետությունը գործադրում էր իր լծակները և ստեղծում համապատասխան պայմաններ, որպեսզի հայերը հեռանան արևելյան նահանգներից: Այն, որ սա եղել է պետական քաղաքականություն, ապացուցում է դեռևս 1947 թվականին իշխող Ժողովրդա-հանրապետական կուսակցության 9-րդ բյուրոյի (որը պատասխանատու էր փոքրամասնությունների հարցերի համար) պատրաստած մի գեկույցը, որում մասնավորապես հայերի մասին տեղ են գտել հետևյալ տեսակետները. «Հայեր. Անատոլիայում վերածվել են կամաց-կամաց սակավացող փոքր համայնքի և քաղաքական ինչ-որ եղանակով ճգոտում են ավելացնել իրենց թվաքանակը: Հայերին նախևառաջ Անատոլիայից «մաքրելով» պետք է տեղափոխել Ստամբուլ, այսպիսով հնարավոր կլինի վերահսկողության տակ վերցնել նաև բնակչության աճը»³³: Զեկույցում,

³³ Akar R., նշված աշխ., էջ 190:

հենվելով պատմական փորձի վրա, նշվում է հայերին Ստամբուլ տեղափոխելու համար մի հիմնավորում ևս. «Այս եղանակով և նրանց թվաքանակի աճը կկանխվի, և վաղը, անհրաժեշտության դեպքում, նրանք ավելի հավաքական ծևով կլինեն պետության աշքի առաջ և ձեռքի տակ»: Ըստ այդ գեկույցի, հայերը մի խումբ են, որ չեն ձուլվում, ուստի առաջարկվում է նրանց թվաքանակը պակասեցնել կամ բնակչության փոխանակման, կամ էլ այլ երկրներ նրանց գաղքը ոյուրացնելու միջոցով³⁴: Իսկ հույների համար նշվում է, որ նրանք արդեն վտանգ չեն ներկայացնում և հիմնական խնդիրն է մինչև Կոստանդնուպոլսի գրավման 500-ամյակը՝ 1953թ., Ստամբուլում ոչ մի հույն չքողնելը: Այս նպատակին ծառայեց նաև ավելի ուշ՝ 1964թ. Թուրքիայում բնակվող մոտ հիսուն հազար հույների արտաքսումը Հունաստան: Նշենք, որ 1930թ. Թուրքիայի և Հունաստանի միջև կնքված պայմանագրով ճանաչվում էր երկու երկրների քաղաքացիների բնակության, առևտուվ գրադարձելու, գույք ձեռք բերելու իրավունքը: 1964թ., երբ սրբեցին թուրք-հունական հարաբերությունները՝ կապված Կիպրոսի խնդրի հետ, թուրքական կառավարությունը միակողմանի չեղյալ հայտարարեց 1930 թվականի պայմանագիրը և սկսեց արտաքսել Հունաստանի քաղաքացիներին, որոնք մեծ մասամբ ստամբուլարնակ հույներ էին: Հատկանշական է, որ արտաքսումը տարածվեց ոչ միայն Հունաստանի քաղաքացի հույների, այլև թուրքահայատակ հույների վրա, քանի որ տասնամյակների ընթացքում ծևավորվել էին ընտանիքներ, որտեղ, օրինակ՝ կինը Հունաստանի, իսկ ամուսինը՝ Թուրքիայի քաղաքացիներ էին: Նշենք, որ հույների հետ կապված թուրքական իշխանությունների նպատակն այժմ գրեթե իրագործված է, քանի որ այսօր Ստամբուլում կա ընդամենը 2000 հոգանոց հունական համայնք:

Թուրքիայում հայերի ներքին գաղթից քացի, արդեն 20-րդ դարի կեսերից սկսվել է նաև նրանց արտագաղթը Եվրոպական երկրներ ու ԱՄՆ: Այս հարցում, ինչպես ասվեց, զգալի դեր ունե-

³⁴ Նույն տեղում, էջ 191:

ցավ Թուրքիայի պետական հալածանքի քաղաքականությունը: 1990-ական թվականներից նկատվում է թուրքահայերի արտագաղթի ծավալների որոշ նվազում:

* * *

Հանրապետական Թուրքիայի պատմության ընթացքում հայ համայնքն ակտիվ ներգրավված չի եղել քաղաքական կյանքում, ինչը տարատեսակ բացատրություններ ու պատճառներ ունի: Սակայն ավելորդ չէ նշել, որ մինչև 20-րդ դարի 60-ական թվականները Թուրքիայի օրենսդիր մարմնում եղել են հայազգի մի քանի պատգամավոր, որոնցից, օրինակ, Մկրտիչ Շելեֆյանն ակտիվ դեր է խաղացել համայնքային խնդիրների լուծման գործում: Թուրքիայի Հանրապետության Ազգային մեծ ժողովի առաջին հայազգի պատգամավորը Մյունիփի Բոյան է (1872-1958թթ.), որը երեք անգամ ընտրվել է Հաքարիից, չորս անգամ՝ Վասից³⁵: Սակայն նա կրոնավոխ լինելով և իսլամ ընդունելով՝ խզել է կապը հայկականության հետ. իր գործունեության մեջ էլ հայկական ինքնությունը երբեք ի ցույց չի դրվել: 1935թ. խորհրդարանական ընտրություններում Աֆիոնից պատգամավոր է ընտրվում Պերճ Քերեսթեցյանը (1870-1949թթ.): Նրա կենսագրության մեջ հատկապես առանձնանում է այն դրվագը, երբ 1919թ. տեղեկություն ստանալով Մուսթաֆա Քեմալի (հետագայում՝ Աթաթուրք) դեմ պատրաստվող հարձակման մասին, տեղյակ է պահել վերջինիս և այդպիսով փրկել նրա կյանքը: Հավանաբար, հենց դրանով է պայմանավորված Աթաթուրքի զերմ վերաբերմունքը նրա նկատմամբ և այն, որ 1934թ. Թուրքիայում ազգանվան մասին օրենքի հոչակումից հետո անձամբ նախագահ Աթաթուրքը նրան «շնորհել» է Թուրքեր (քարգմանաբար՝ բուրք զինվոր) ազգանունը:

Թուրքիայում քաղմակուսակցական համակարգի անցնելուց և Դեմոկրատական կուսակցության իշխանության գալուց հետո հայ

³⁵ Özdoğan G., Üstel F., Karakaşlı K., Kentel F., Türkiye'de Ermeniler: Cemaat-Birey-Yurttaş, İstanbul, 2009, s. 291.

համայնքից երեք հոգի ընտրվել են պատգամավոր. 1950-54թ. Անդրե Վահրամ Քայար Քոջաբյուրյանը, 1954-57 և 1957-60թ.՝ Զաքար Թարվերը (որը ձերբակալվել է 1960թ. մայիսի 27-ի զինվորական հեղաշրջումից հետո և ըստ հավաստի տվյալների՝ այդ ժամանակ գլխին ստացած հարվածից մահացել է Յասսըադյի բանում նույն տարվա սեպտեմբերին) և 1957-60թ.՝ Սկրտիչ Շելեֆյանը: 1961-64թ. Թուրքիայի օրենսդիր մարմնում պետության կողմից նշանակվում են երկու հայազգի սենատոր՝ Հերմինե Աղավնի Գալուստյանը և Սահակ Պերճ Թուրանը³⁶: Սակայն, ինչպես նշվեց վերևում, թվարկված բոլոր պատգամավորների շարքում հատկապես առանձնանում է Սկրտիչ Շելեֆյանը, որի նպաստը համայնքային կյանքում զգալի է: Սկրտիչ Շելեֆյանը հայտնի էր իր ջերմ հարաբերություններով վարչապետեր Աղնան Սենյերեսի և Սուլեյման Դեմիրելի հետ, և շնորհիվ այդ կապերի՝ համայնքային մի շարք խնդիրներ իրենց լուծումներն ստացան: Իր մատուցած ծառայությունների հանդեպ հայ համայնքի երախտագիտության նշան կարելի է համարել այն, որ Սկրտիչ Շելեֆյանի մահվան օրը (1987թ. դեկտեմբերի 10) համայնքում և պատրիարքարանում հայտարարվել է սգո օր:

Հետազայում ևս հայ համայնքի առանձին անդամներ փորձել են դիրքեր զբաղեցնել քաղաքական դաշտում և տարբեր կուսակցությունների ցուցակներով առաջադրվել պատգամավոր, քաղաքապետարանների կամ քաղաքետարանների ավագանի: Օրինակ, 1964թ. հայտնի հայ գրող Զավեն Բիբերյանը Թուրքիայի բանվորական կուսակցության ցուցակով առաջադրվում է պատգամավոր, իսկ 1968թ. ընտրվում Ստամբուլի ավագանու խորհրդի անդամ³⁷: Համայնքի առանձին ներկայացուցիչներ, ինչպես Սարգիս Չերքեզովուն, Մասիս Քյուրքչովիլը, Հրանտ Դինքը, Արմենակ Բաքրջյանը (Օրհան Բաքըր), Գրիգոր Ալբունը և ուրիշներ, մասնակցել են ձախակողմյան շարժումներին՝ անդամակցելով տարբեր կուսակցությունների և կազմակերպութ-

³⁶ Նույն տեղում, էջ 294-295:

³⁷ Նույն տեղում, էջ 295:

յունների, սակայն ընդհանուր առմամբ թե՛ համայնքային կառույցները և թե՛ պատրիարքարանն աշխատել են իեռու մնալ քաղաքականությունից:

Այսօր հայազգի հատուկենու գործիչներ կան տեղական ինքնակառավարման ոլորտում, օրինակ՝ Ստամբուլի Շիշլի քաղամասի քաղաքետի տեղակալ Վազգեն Բարընը:

Թուրքահայ համայնքի համար փորձության տարիներ դարձան 1970-80 թվականները, երբ Հայկական հարցի ակտիվացման և ASALA-ի (Հայաստանի ազատագրության հայ գաղտնի բանակ) գործողությունների արդյունքում Թուրքիայում ուժեղացան հակահայկական տրամադրությունները: Այդ տեսակետից առավել դժվար կացություն ստեղծվեց 1982թ. Անկարայի Էսենբողա օդանավակայանում կազմակերպված գործողության և դրան հետևած Լևոն Էրմեքչյանի դատավարության ժամանակ: Թուրքական իշխանություններն իրենց քարոզական քաղաքականության մեջ օգտագործում էին նաև բուրքահայ համայնքին, և ժամանակի պատրիարք Շնորհը արքեպիսկոպոս Գալուստյանը ստիպված եղավ հանդես գալ վերոհիշյալ գործողությունները դատավարտող հայտարարություններով: 1982թ. հայազգի Արքին Փենիքը Ստամբուլի կենտրոնական հրապարակներից մեկում՝ Թարսիմում, ինքնահրկիզվեց ի նշան բողոքի ASALA-ի գործողությունների դեմ: Թուրքական իշխանություններն իրենց հերթին փորձում էին տարանջատում մտցնել «Թուրքիայի Հանրապետության քաղաքացի հայի», «Երկրին մեծ ծառայություններ մատուցած բուրքահայ համայնքի» և Սփյուռքի միջև:

Ստամբուլի հայ համայնքի համար նոր իրավիճակ ստեղծվեց Հայաստանի անկախության վերականգնումից հետո, երբ պոլսահայերը սկսեցին ավելի ակտիվ ընդգրկվել համահայկական գործընթացներին:

Հարկ է նշել, որ անցյալ դարի 60-ական թվականներից սկսած Եվրոպա աշխատելու մեկնած «զասթարբայթեր» բուրքերն այնտեղ ձևավորեցին համայնքներ և հենց իրենք դարձան փոքրամասնություն ու սկսեցին կրել փոքրամասնություն լինելու

«քաղցր և դառը» կողմերը: Այսօր թուրքերն իրենք ել են բախվում ազգային փոքրամասնություն լինելու խնդրին, սակայն աշխարհագրական այլ հարթությունում՝ ազատ և դեմոկրատական Եվրոպայում (առավելապես Գերմանիա, Հոլանդիա, Բելգիա), որ գոյություն ունի միլիոնների հասնող թուրքական համայնք: Պետք է նշել, որ թուրքական իշխանությունները միշտ ուշադրության կենտրոնում են պահել Եվրոպայի թուրքերի խնդիրները և ամեն կերպ նպաստել նրանց շրջանում ազգային-կրոնական ինքնազիտակցության պահպանման գործին՝ այդպիսով պայքարելով նաև ձուլման դեմ: Այս հարցին անդրադարձել է նաև Թուրքիայի վարչապետ Ռեջեփ Էրդողանը՝ կոչ անելով Եվրոպայի թուրքերին ինտեգրվել այն հասարակությանը, որի մեջ ապրում են, սակայն ամեն կերպ խուսափել ձուլումից: Ավելին, նա կարծիք է հայտնել, որ ձուլումը մեղք է մարդկության դեմ.
*«Ոչ մի մարդոց, ոչ մի հասարակությունից չես կարող պահանջել իրաժարվել իր լեզվից, կրոնից, մշակույթից, սովորույթներից: Իսկ եթե պահանջեք, ապա սա մարդկության դեմ մեղք է»*³⁸, - ասել է Էրդողանը: Այս ամենով հանդերձ, Էրդողանն անարձագնք է քողնում իր երկրի փոքրամասնությունների խնդիրները կամ որանց անդրադառնում այն ժամանակ, երբ պահանջում է քաղաքական շահը: Խոսելով Եվրոպայի թուրքերի և Թուրքիայի հայերի կարգավիճակների համեմատության մասին՝ ստամբուլահայ մտավորական Տիրան Լորմազյուզանը մեզ հետ զրոյցում սարկազմով նշում է, որ ինքը՝ որպես Թուրքիայի քաղաքացի հայ, շատ կցանկանար ունենալ Գերմանիայում բնակվող և քաղաքացիություն չունեցող թուրքի իրավունքները:

Թուրքական մամուլում հաճախ կարելի է հանդիպել տարբեր երկրների թուրքական համայնքների հետ կապված խնդիրների բարձրաձայնման և սուր քննադատության: Սակայն եթե իրատես լինենք, ապա անհամեմատ ավելի կոշտ ու դաժան մեթոդներ կիրառվել են Թուրքիայի ազգային փոքրամասնությունների նկատմամբ, ինչը հանգեցրել է նրանց մասնակի կամ լիովին ձուլման:

³⁸ Hürriyet, 03.04.2008.

Ներկայում Թուրքիայում իշխող Արդարություն և զարգացում կուսակցությունը (AKP) բազմից հայտարարել է, որ դեմ է էքսիկ և կրոնական ազգայնականությանը, և վարչապետ Էրդողանը բացահայտ քննադատել, ավելին՝ ֆաշիստական է համարել Թուրքիայի Հանրապետության այն քաղաքականությունը, որի հետևանքով փոքրամասնությունները հեռացան Երկրից³⁹: Սակայն սրան զուգահեռ որոշ քուրք բարձրաստիճան դեկավարների արտահայտությունները շարունակում են մնալ խիստ մտահոգիչ: Դրանցից առանձնացնենք Թուրքիայի պաշտպանության նախարար Վեջողի Գյոնուլի 2008թ. նոյեմբերին Բրյուսելում արած հետևյալ հայտարարությունը. «Եթե այսօր Էզեյան ծովի ավագանում հույները և Թուրքիայի շատ վայրերում հայերը շարունակեին ապրել, արդյոք մենք կարո՞ղ ենք նույն ազգային պետությունը լինել»⁴⁰: Այս հայտարարությունը քուն արձագանք գտավ. վարչապետին ուղղված բաց նամակով հանդես եկան մտավորականներ, պոլսահայեր, տպագրվեցին քննադատող հոդվածներ:

Կարելի է ասել, որ քուրքական իշխանությունները փոքրամասնությունների քեման համարում են իրենց քաղաքական զինանոցի տարրերից մեկը և ըստ նպատակահարմարության կիրառում դա: Հարկ է շեշտել նաև, որ երբեմն փոքրամասնությունների քեման դառնում է շահարկման, ավելին՝ սպառնալիքի առարկա. այդպիսի օրինակներից էր 2010թ. սկզբներին Էրդողանի ոչ ճշգրիտ տվյալներ պարունակող հայտարարությունը Թուրքիայում ապօրինի քնակվող հայաստանցիների մասին, որով նա սպառնում էր վտարել նրանց: Թուրքիայի վարչապետն այդ հայտարարությամբ ևս մեկ անգամ փաստեց, որ հայ-քուրքական հարաբերությունների համատեքստում Թուրքիայում քնակվող հայերին դիտում է որպես շանտաժի առարկա:

³⁹ Erdoğan'dan samimi çıkış, - Agos, 29.05.2009.

⁴⁰ 'Mübadele olmasa, milli devlet olabilir miydi?', - Hürriyet, 11.11.2008.

* * *

Հայտնի է, որ Օսմանյան կայսրությունում, բացի հայ առաքելական համայնքից, 19-րդ դարում պետության կողմից իրավական կարգավիճակ (միլլեք) ստացան նաև հայ կաթոլիկ և ավետարանական համայնքները: Հայության մեջ կաթոլիկության և բողոքականության մոտքը տարբեր աղբյուրներ պայմանավորում են արևմտյան միսիոներական շարժմամբ: Ավելի վաղ կաթոլիկություն ընդունած հայերին 1830թ. օսմանյան սուլթանի հրամանով շնորհվեց «հայ կաթոլիկ ազգ» կարգավիճակը⁴¹: Հայ կաթոլիկները ևս զգալի կորուստներ ունեցան Հայոց ցեղասպանության տարիներին. շուրջ 150 հազարանոց համայնքից ողջ է մնացել 20 հազարը, որոնց մի մասն արտազադել է տարբեր երկրներ՝⁴² Հանրապետական Թուրքիայում հայ կաթոլիկների թիվը շարունակ նվազել է, այսօր հաշվում է շուրջ 3 500 հոգի, որոնք հիմնականում բնակվում են Ստամբուլում ու Անկարայում⁴³: Համայնքին են պատկանում 12 եկեղեցի, սակայն բազմաթիվ հարցերի կողքին, որոնք հատուկ են Թուրքիայի փոքրամասնություններին, հայ կաթոլիկ համայնքն ունի նաև կազմակերպական մի շարք խնդիրներ:

1846թ. Օսմանյան կայսրությունում իրավական կարգավիճակ է տրվել նաև հայ ավետարանական համայնքին՝ հայ առաքելական և կաթոլիկ համայնքների պես ճանաչվելով որպես «հայ բողոքական ազգ (միլլեք)»: Հայոց ցեղասպանությունից առաջ մոտ 60 հազար հաշվող համայնքը ևս ենթարկվեց կոտորածի, ըստ տարբեր աղբյուրների՝ նրանցից միայն 14 հազարին հաջողվեց փրկվել⁴⁴: Այսօր Թուրքիայի հայ ավետարանական համայնքն ունի շուրջ 500 անդամ, 2 եկեղեցի և 1 ուսուց Ստամբուլում:

⁴¹ Սիմավորյան Ա., Թուրքիայի հայ կաթոլիկները, «Գլոբուս» Վերլուծական տեղեկագիր, Երևան, 2010, թիվ 1, էջ 27:

⁴² Նույն տեղում:

⁴³ Նույն տեղում, էջ 28:

⁴⁴ Հովյան Վ., Թուրքիայի հայ բողոքական համայնքը, «Գլոբուս» Վերլուծական տեղեկագիր, Երևան, 2010, թիվ 3, էջ 21:

ՍՏԱՄԲՈՒԼԻ ՀԱՅ ՀԱՍՏԱՏՔԻ ԱՅՍՈՐՎԱ ԽՆԴԻՐՆԵՐԸ

17

Ստամբուլի հայ համայնքի առջև այսօր ծառացել են համայնքային սեփականության, դպրոցների, լեզվի, խառնամունությունների և օրենսդրական մի շարք խնդիրներ:

Թուրքիայում փոքրամասնությունների կարգավիճակի, իրավական և ուսմեցվածքային խնդիրների ի հայտ գալը մեծ մասամբ բխում է Թուրքիայի իշխանությունների կողմից 1923թ. Լոզանի պայմանագրի ոչ մուտուլման փոքրամասնություններին վերաբերող հողվածների (32-45-րդ հողվածներ)՝⁴⁵ պաշտոնական մեկնաբանությունից: Հանրապետական Թուրքիայի իշխանությունները Լոզանի պայմանագրով սահմանված իրավունքները բնութագրում են ոչ թե որպես ազգային, այլ կրոնական փոքրամասնության իրավունքներ՝⁴⁶, այդ պատճառով փոքրամասնությունները չեն կարող կուսակցություններ կամ ազգային հաստատություններ ունենալ: Նաև դրա հետևանքով ստամբուլահայերը ստեղծել են մի շարք համայնքային կառույցներ սանուց կամ եկեղեցական միությունների անվան տակ, ինչպես, օրինակ՝ Եսայան Սանուց միությունը, Կեղրոնական Սանուց միությունը, Սիսիքարյան Սանուց միությունը, Դպրեվանքի Սանուց միությունը և այլն: Սիևույն ժամանակ, քանի որ Լոզանի պայմանագիրը երեք փոքրամասնությունների իրավունքների ընդհանուր սահմանում և իհմնադրույթներ է պարունակում, իսկ համայնքային տարբեր բնագավառներին առնչվող հարցերը կանոնակարգվում են արդեն Թուրքիայի ներքին օրենսդրությամբ, ապա դա երկի իշխանություններին մաներելու լայն դաշտ է ապահովում:

⁴⁵ Ключников Ю., Сабашин А., Международная политика новейшего времени в договорах, итогах и декларациях, выпуск I, Акты Советской дипломатии, часть III, от снятия блокады с Советской России до десятилетия Октябрьской Революции, Москва, 1928, с. 206-207.

⁴⁶ Bebiroğlu M., Patrik, cemaat ve vakıflar, - www.hyetert.com/prnyazi3.asp.

Համայնքային սեփականության և դրա տնօրինման հետ կապված խնդիրներ⁴⁷

Մինչև 2008թ. Համայնքային կալվածքների ու կառույցների և Կալվածքների տնօրինման կարգի վերաբերյալ օրենքներում մասնակի փոփոխություն կատարելը, Թուրքիայի փոքրամասնությունների, այդ թվում նաև հայերի առաջ կանգնած համայնքային սեփականության հետ կապված հիմնախնդիրները բխում էին պետություն-համայնք հարաբերություններից:

1935թ. առաջին անգամ ընդունվեց 2762 թվակիր Կալվածքների օրենքը (Vakıflar Kanunu), որը տարբեր տարիներին որոշ փոփոխությունների ենթարկվելով՝ գործում է մինչև այսօր: Ըստ պրոֆ. Բասրըն Օրանի՝ նման օրենքի ընդունմամբ Աքարտուրը նպատակ էր հետապնդում «կոտրել շարժաթական տնտեսության ողնաշարը և այդպիսով իրականացնել հեղափոխական նպատակները»⁴⁸: Համաձայն օրենքի, փոքրամասնություններին պատկանող ամբողջ անշարժ գույքը հաշվառվում էր, և այդ ունեցվածքի տնօրինման վրա վերահսկողությունն իրականացնում էր Կալվածքների տնօրինությունը: Գույքից ստացված եկամուտը դրվում էր «Վարժք բանկ», և համայնքն իրավունք էր ստանում օգտվել ոչ թե մայր գումարից, այլ այդ գումարի տոկոսներից⁴⁹: Համայնքային խոշոր հաստատությունների, ինչպիսիք են, օրինակ՝ Սուլթան Փռկիչ հայկական հիվանդանոցը, Թոքարլյան հյուրանոցը, հաշվապահությունն իրականացվում էր նույնպես Կալվածքների տնօրինության կողմից: Օրենքը սահմանում է նաև համայնքային կառույցների դեկազար խորհուրդ-

⁴⁷ Համայնքային կալվածքների խնդրին նվիրված այս Ենթագլխի հեղինակն է պ.գ.դ. Արսեն Ավագյանը: Այն տեղ է գտել Ավագյան Ա., Մելքոնյան Ռ., Ստամբուլի հայ համայնքի արդի իրավիճակը, Երևան, 2009, գրքի 32-48 էտերում:

⁴⁸ Cemaat vakıfları. Bugünkü sorunları ve çözüm önerileri, İstanbul Barosu, İnsan hakları merkezi, Azınlık hakları çalışma grubu, İstanbul, 2006, s. 22.

⁴⁹ Kanun Numarası: 2762, Kabul Tarihi: 5/6/1935, - Resmi Gazete, tarih: 13/6/1935, Sayı: 3027, Tertip:3, Cilt: 16, s. 586.

ների ընտրության կարգը, խորհուրդների անդամների թիվը, հաշվետվության ձևերը և այլն:

1936թ. հայկական, հունական և հրեական համայնքներից պահանջվեց ներկայացնել իրենց պատկանող բոլոր համայնքային կալվածքների ցուցակը, որը կցվեց օրենքին որպես հավելված և ստացավ «1936թ. հայտարարագիր» (1936 Beyannamesi) անվանումը⁵⁰: 1936-1971թթ. զանազան դրդապատճառներից ելնելով մի շարք տներ, հողակտորներ կամ կալվածքներ կտակի, նվիրատվության կամ ուղղակի վաճառքի միջոցով փոխանցվեցին համայնքային տարբեր խորհուրդների, սակայն, սկսած 1974 թվականից, թուրքական իշխանությունները հայտարարեցին, որ «1936թ. հայտարարագրում» չնշված կալվածքները չեն կարող համայնքային սեփականություն համարվել: Դրանից հետո վերոնշյալ պատճառաբանությամբ իշխանությունների կողմից մի շարք դատական գործեր հարուցվեցին և Կալվածքները խլվեցին ու պետականացվեցին, այնուհետև վերավաճառվեցին: Այդ ճանապարհով հունական համայնքից առգրավվեց մոտ 400, հայկական համայնքից՝ մոտ 30 անշարժ գույք⁵¹: Փոքրամասնությունների կողմից գանձապետարանի կամ Կալվածքների տնօրինության նկատմամբ հարուցված դատական հայցերը կամ վճռվեցին հօգուտ պետության, կամ դեռևս մնում են անպարտ: Այդ տեսակետից ուշագրավ է Լևոն Բեղրոս Ակոբյանի դատական գործը, որը սկսվել է 1949-ին և դեռ չի ավարտվել⁵²:

Դրա հետ մեկտեղ, թեև օրենքում նշված էր նոր համայնքային կառույցների ստեղծման և դեկավարման կարգը, իրականում պետությունը ոչ միայն չէր արտոնում, այլև արգելակում էր նման կառույցների ստեղծումը: 1953թ. Գարեգին Խաչատրյան պատրիարքի օրոք Թուրքիայի Ազգային մեծ ժողովի հայ պատգամավոր Մկրտիչ Շելեֆյանը կարողացավ ստանալ այն ժամանակա վարչապետ Աղման Մեսիղերեսի հավանությունը Ստամ-

⁵⁰ İhanet değil, vallahı adalet, - Hürriyet, 22.02.2008

⁵¹ Azınlıklar, Vakıflar yasası'nı 'ileri' buldu, - Referans, 22.02.2008.

⁵² Kireçburnu Savaşında ikinci round, - Taraf, 06.12.2007.

բուլի Ուսքյուղար թաղամասում հիմնադրելու Սուրբ խաչ Դպրեվանք հոգեոր դպրոցը, բայց, հաշվի առնելով, որ Դպրեվանքի վերաբերյալ նախարարների խորհրդի որոշումը չընդգրկվեց Կալվածքների օրենքի մեջ, մինչև այսօր Դպրեվանքի կարգավիճակն իրավական առումով հատակեցված չէ, և այն իրավունք չունի դեկավար խորհրդի ընտրություններ կատարել չնայած որ 1957թ. ընտրված խորհրդի անդամներից մի քանիսը մահացել էն:

2008 թվականին, Թուրքիայի օրենսդրական դաշտը ԵՄ երկրներում գործող օրենսդրական դաշտին համապատասխանեցման գործընթացի շրջանակներում, կառավարող Արդարություն և զարգացում կուսակցությունը Կալվածքների և դրանց տնօրինության մասին օրենքներում կարևոր փոփոխություններ կատարելու նախաձեռնությամբ հանդես եկավ, ինչը հասարակական բուռն քննարկումների առարկա դարձավ⁵³: Թուրքիայի նախագահ Ահմեթ Մեզերը վետոյի իրավունք կիրառեց, իսկ Ազգային մեծ ժողովում ԱԶԿ կուսակցության կողմից նախագահի վետոյի հաղթահարումից հետո փոքրամասնությունների նկատմամբ ընդգծված թշնամական վերաբերմունք ունեցող ընդդիմադիր ժողովրդա-հանրապետական և Ազգայնական շարժում կուսակցությունները, պնդելով, որ արված փոփոխությունները «հակասում են Լոզանի պայմանագրին, սահմանադրությանը և հանրապետության իիմնադիր գաղափարախոսությանը», կառավարող կուսակցությանը մեղադրեցին դավաճանության մեջ⁵⁴:

Փոքրամասնությունների տեսակետից ի՞նչ բարենպաստ փոփոխություններ կատարվեցին Կալվածքների օրենքում: Նախկինում սահմանված էր, որ համայնքի ընտրական միավորը շրջանն է: Եկեղեցիները, ինչպես նաև նրանց կից դպրոցներն ու երգչախմբերը դեկավարվում են տվյալ թաղամասում բնակվող փոքրամասնության ներկայացուցիչներից ընտրված թաղային

⁵³ Կալվածքների օրենքում փոփոխություններ կատարելու փորձեր ձեռնարկվել էին նաև մինչև 2008թ., սակայն դրանք արդյունք չեն ունեցել: Այսպես, վարչապետ Թուրքութ Օգալը 1987թ. նման հիմնավորում էր ներկայացրել Թուրքիայի Ազգային մեծ ժողով, սակայն այդ օրենսդրական նախաձեռնությանն ընթացք չէր տրվել: Տես. TBMM Arşivi, Sayı: K.K.Gn.Md. 18/101-2093/04142. 6.7.1987.

⁵⁴ Bu kanun ihanet mi?, - Yeni Gazetem Efe, 22.02.2008.

խորհրդի կողմից: Այսպես, օրինակ՝ Բաքըրքյոյ թաղամասում բնակվող հայն իրավունք չուներ ընտրվել Քեյօղլուի թաղային խորհրդի անդամ. սա լրացուցիչ դժվարություններ առաջացրեց համայնքային կալվածքների և կառույցների պահպանան ու զարգացման համար հատկապես Ստամբուլում հայերի թվի նվազման և նախկինում հայաշատ շրջանների հայաքափման պարագայում: 2008թ. փոփոխություններում Կալվածքների օրենքի 29-րդ հոդվածում նշվում է, որ համայնքի դիմումի դեպքում և համապատասխան որոշումից հետո, եթե տվյալ վայրում բավականաչափ հայ չի բնակվում, ապա ընտրական շրջանը կարող է մեծացվել և ընդգրկել ոչ թե թաղամասը կամ շրջանը, այլ հոծ զանգված ունեցող ամբողջ նահանգը, կամ նման նահանգի բացակայության դեպքում՝ փոքրամասնության ներկայացուցիչներով առավել բնակեցված վայրը, այսինքն՝ Ստամբուլը⁵⁵: Հաշվի առնելով, որ Թուրքիայի զավառներում սակավաթիվ հայ բնակչություն է մնացել, օրենքի այս կետը թույլ է տալիս պոլսահայ համայնքին միջոցներ ձեռնարկել Կայսերիում (Կեսարիայում), Դիարբեքիրում, Խոքենդերունում գտնվող հայկական գործող եկեղեցիները և կառույցները պահպանելու համար՝ դեկավար խորհրդի անդամներ ընտրելով Ստամբուլից⁵⁶: 2008թ. օրենքը հեշտացնում է նաև նոր համայնքային կառույցների հիմնադրման գործընթացը:

Համայնքային հաստատությունների դեկավար խորհուրդների ընտրությունը իրականացվում է չորս տարին մեկ: Խորհուրդը կարող է լինել երեք հոգուց ոչ պակաս և յոթ հոգուց ոչ ավելի⁵⁷: Ընտրելու իրավունք ունեն 18 տարին լրացած տվյալ փոքրամասնությանը պատկանող Թուրքիայի քաղաքացիներ: Դեկավար խորհրդի անդամ լինելու համար պարտադիր է երկու կետ՝ ունենալ առնվազն նախնական կրթություն և չլինել դատված

⁵⁵ Kanun No 5737, Vakıflar Kanunu, kabul tarihi: 20/2/2008, - Resmi Gazete, 27 Şubat 2008, sayı 26800, s. 103, Vakıflar Genel Müdürlüğü'nden: Vakıflar Yönetmenliği, - Resmi Gazete, 27 Eylül 2008, sayı: 27010.

⁵⁶ Bebiroğlu M., Vakıflar ve cemaat vakıflar – Faaliyette bulunan vakıflar, - www.hyetert.com/prnyazi3.asp?

⁵⁷ Kanun No 5737, Vakıflar Kanunu, kabul tarihi: 20/2/2008, - Resmi Gazete, 27 Şubat 2008, sayı: 26800.

Թուրքիայի Քրեական օրենսգրքի որոշակի հոդվածներով, որոնց մասին նշված է օրենքի 9-րդ կետում⁵⁸: Իսկ Կալվածքների տնօրինությունում, որը կազմված է 15 հոգուց և փորրամասնությունների կալվածքների, կառույցների վերահսկման ու տնօրինման բարձրագույն մարմինն է, միայն մեկ ներկայացուցիչ կա հայ համայնքից, որը ներկայացնում է բոլոր համայնքային կառույցները:

2008թ. Կալվածքների ղեկավարման կարգի վերաբերյալ օրենքի 35-րդ հոդվածով առաջին անգամ ճանաչվել է արտասահմանից նվիրատվություն և ֆինանսական օգնություն ստանալու համայնքային կառույցների իրավունքը: Նման նվիրատվություններ կամ գումարներ ստանալու համար հարկավոր չէ հատուկ քույլտվություն, միակ պայմանն այն է, որ այդ գումարները պետք է փոխանցվեն բանկի միջոցով⁵⁹: Այս կետը կարևոր է այն տեսակետից, որ անիրաժեշտության ղեպրում տեսականորեն հնարավորություն է տալիս համայնքի տնօրինության տակ գտնվող այս կամ այն պատմամշակութային կառույցի վերանորոգման կամ պահպանման համար անիրաժեշտ գումար նվիրատվության տեսքով փոխանցել Հայաստանից կամ Սփյուռքից:

Ներկայումս հայ առաքելական համայնքին պատկանող 39 հաստատություններից 5-ը համահամայնքային են՝ դրանք են.

1. Յեղիքուլեկի Սուլթան Փրկիչ հայկական հիվանդանոցը⁶⁰,
2. Քարագյողյան որբանոցը,
3. Քալֆայան որբանոցը,
4. Կեղրոնական վարժարանը,
5. Սուլթան Խաչ Դարեկանը:

⁵⁸ Նույն տեղում: Կալվածքների մասին օրենքի 7-րդ կետով սահմանվում է նաև, որ 10 տարվա ընթացքում կառույցի ղեկավար կամ ղեկավար խորհուրդ չկազմելու դեպքում, այդ կառույցի տնօրինությունը, դատարանի որոշմամբ, անցնում է Կալվածքների գլխավոր տնօրինությանը, տես. Kanun No 5737, Vakıflar Kanunu, kabul tarihi: 20/2/2008, - Resmi Gazete, 27 Şubat 2008, sayı 26800.

⁵⁹ Bebiroğlu M., Vakıflar ve Cemaat vakıflar – Faaliyette bulunan vakıflar, - www.hyetert.com/prnyazi3.asp?s.

⁶⁰ Ստամբուլահայ համայնքի ամենամեծ հաստատությունն է, որն ունի իրեն պատկանող մի շարք կալվածքներ:

Համահամայնքային հաստատություններ են համարվում նաև երեք գերեզմանատները (Շիշլի, Բալըրլը և Ուսքյուղար), որոնց տնօրինումը, սակայն, փաստացի իրականացնում է Կ.Պոլսի Հայոց պատրիարքարանը:

Կալվածքների և դրանց տնօրինման կարգում օրենքների 2008թ. փոփոխության արդյունք կհանդիսանա այն, որ 1936թ. հոչակագրում նշված, սակայն հետագա տարիներին գանձապետարանին անցած երեք փոքրամասնությունների սեփականությունները կվերադարձվեն համայնքներին: Գոյություն ունի նաև 160⁶¹ տարբեր տեսակի անշարժ գույք (քնակարաններ, շենքեր, հողատարածքներ), որոնք 1936-1971թթ. նվիրատվության, կտակի կամ գնման միջոցով ձեռք են բերվել տարբեր համայնքային կառույցների կողմից, սակայն պետությունն առգրավել է դրանք 1974 թվականից հետո⁶²: Փոփոխված օրենքը նախատեսում է դրանք համայնքներին վերադարձնելու մեխանիզմ: Ընդդիմությունը մեղադրում է կառավարությանը, որ օրենքն այժմ թույլ է տալիս փոքրամասնություններին պահանջել գանձապետարանում գրանցված 59 կալվածքները, որոնք 10 տարվա ընթացքում հոգաբարձուների խորհուրդ չճշավորելու կամ որոշ շրջաններում համայնք շմբալու պատճառով դարձել են պետության սեփականությունը⁶³, ինչպես նաև փոքրամասնությունները մեծաքանակ հողային սեփականություն կստանան⁶⁴:

Բոլոր դրական կողմերի հետ մեկտեղ 2008թ. օրենքը պոլսահայ համայնքի համար երկու կարևոր խնդիրների լուծման մեխանիզմ չի նախատեսում: Առաջինը վերաբերում է նրան, որ

⁶¹ Դրանցից 18-ի սեփականության վկայականները պատկանում են տարբեր եկեղեցիների, 28-ի սեփականության վկայականները Վճռաբեկ դատարանի կողմից չեղյալ են հայտարարվել, տնօրինման իրավունքը հանձնվել է Կալվածքների հոգաբարձության խորհրդին, 114-ը գտնվում է գանձապետարանի վերահսկողության տակ, տե՛ս. İhanet değil, vallahi adalet, - Hürriyet, 22.02.2008.

⁶² Vakıflar Kanunu ileri adımı, ama hala eksikler var, - Referans, 22.02.2008.

⁶³ İhanet değil, vallahi adalet, - Hürriyet, 22.02.2008.

⁶⁴ Ազգայնականներին մոտ կանգնած «Օռթադոքու» օրաթերթի լրագրող Թայլան Սորգունը նշում է, որ, օրինակ, Հայաստանը կարող է իրավական պահանջներ ներկայացնել Աղթամարի վերաբերյալ, տե՛ս Taylan, Sorgun, Yeni Vakıflar Kanunu tamam. Dönelim mi 9 Haziran 1919'a? - Ortadoğu, 22.02.2008.

օրենքը չի նախատեսում պետության կողմից բռնագրավված գերեզմանոցների տարածքների վերադարձում կամ փոխհատուցում⁶⁵: Հանրապետության շրջանում ճանապարհաշինության կամ այլ պատրվակներով հայ առաքելական (Օրթաքյոյ, Բեղիքքաշ) և կաթոլիկ (Սուրբ Հակոբ) համայնքներին պատկանող գերեզմանների տարածքներ են վերցվել: Հատկապես հայ կաթոլիկ համայնքը մեծ վնաս է կրել, քանի որ Սուրբ Հակոբ գերեզմանոցը գտնվում էր Ստամբուլի կենտրոններից մեկում (Թաքսիմ հրապարակի մոտ), այն ամբողջովին ոչնչացվել է և որևէ հատուցում չի տրվել:

Երկրորդ՝ ընդունված օրենքում որևէ խոր չկա գանձապետարանի կողմից երրորդ անձանց համայնքային կալվածքների վաճառման դեպքում փոխհատուցում տրամադրելու մասին: Նման կալվածքները վերադարձնելու կամ փոխհատուցում ստանալու համար թուրքահայ համայնքը պետք է դիմի դատական ատյաններին, կամ, Թուրքիայում հնարավորությունների սպառման դեպքում, Եվրոպայի մարդու իրավունքների դատարան⁶⁶:

Համայնքին պատկանող սեփականության և դրանց վարձակալումից ստացված գումարների հարցում ստամբուլահայ համայնքի խնդիրն այն է, որ ոչ բոլոր թաղամասերում գտնվող սեփականություններն են եկամտաբեր: Եթե Բեյօղլու թաղամասի հոգաբարձուների խորհուրդը կարողանում է սեփականության վարձակալումից ստացված եկամուտներով ապահովել Եսայան դպրոցի բյուջեն և մի շարք կառույցների գործունեությունը, ապա Օրթաքյոյի հոգաբարձուների խորհուրդը ստիպված է դպրոցի բյուջեի տարեկան բացը լրացնելու համար «սիրո սեղան» կազմակերպել և նվիրատվություններ ակնկալել: Հոգաբարձուների կամ թաղային խորհրդի նյութական կարողություններն ազդում են նաև համայնքային կյանքում նրա խաղացած դերի և նշանակության վրա:

Ի տարբերություն հայ առաքելական համայնքի՝ Ստամբուլի հայ կաթոլիկ համայնքի սակավաթվության պայմաններում հա-

⁶⁵ Vakıflar Kanunu ileri adım, ama hala eksikler var, - Referans, 22.02.2008.

⁶⁶ Vakıflar Yasa tasarısı tazminatın onunu açar, - Referans, 06.12.2007.

մայնքային սեփականությունից ստացվող եկամուտները բավարում են դպրոցների և այլ հայ կաթոլիկ հաստատությունների պահպանմանը։ Հարկ է նշել, որ հայ կաթոլիկ համայնքին պատկանող մի քանի կարեւոր հասնատություններ, ինչպես Սուրբ Հակոբ հիվանդանոցը, Սխիթարյան վարժարանը, գտնվում են Ստամբուլի կենտրոնում, և նրանց սեփականություն հանդիսացող շենքերի վարձակալությունից զգալի գումարներ են ստացվում։ 2005թ. հայ կաթոլիկ համայնքն իրավունք ստացավ առևտրական կենտրոն իիմնել 1980-ական թթ. հրկիզված «Շան» կինոթատրոնի տեղում, ինչը զգալի եկամուտ կբերի համայնքին։

Կրթական խնդիրներ

Կրթությունը միշտ կարեւոր տեղ է գրաղեցրել հայության կյանքում, աշխարհի տարբեր վայրերում հաստատված հայերը իիմնադրել ու զարգացրել են ազգային դպրոցներ։ Պատահական չէ, որ 19-րդ դարի վերջին Պոլսում եղել է շուրջ 90 հայկական դպրոց, որոնցից 40-ը՝ քաղային, իսկ 50-ը՝ մասնավոր⁶⁷։ Այդ նույն ժամանակաշրջանում Պոլսի 454 դպրոցներից 174-ը պատկանում էին ոչ մուսուլմաններին (հայերին, հույներին, հրեաներին), իսկ այդ դպրոցներում գրանցված էր Ստամբուլի ընդհանուր աշակերտության մոտ կեսը՝ 16.248-ը⁶⁸։ Արդեն 1914թ. Պոլսում գործել է 64 հայկական դպրոց, որտեղ ուսանել է 25 հազար աշակերտ⁶⁹։

Թուրքական աղբյուրները, խոսելով Օսմանյան կայսրության շրջանում բացված և գործող հայկական դպրոցների մասին, դրանք մեծ մասամբ ներկայացնում են որպես հակապետական, իմա՝ հակաթուրքական գաղափարներ ձևավորող օջախներ, որտեղ այդ տրամադրություններն էլ ավելի էին ակ-

⁶⁷ Հայ Սփյուռք հանրագիտարան, Երևան, 2003, էջ 181։

⁶⁸ Alkan M. Ö., Tanzimat'tan Cumhuriyet'e modernleşme sürecinde eğitim istatistikleri, Tarihsel istatistikler dizisi, Devlet İstatistik Kurumu, sayı 6, s. 18.

⁶⁹ Հայ Սփյուռք հանրագիտարան, Երևան, 2003, էջ 181։

տիվանում Օսմանյան կայսրությունում արևմտյան միսիոներական կազմակերպությունների գործունեությանը զուգահեռ: Միսիոներներին ազգային-կրոնական փոքրամասնությունները և հատկապես հայերը, ըստ թուրքական աղբյուրների, դիտում էին որպես իրենց «անջատողական ձգտումներին» աջակցող ուժեր⁷⁰: Ավելի ծայրահեղական դիրքորոշում ունեցող թուրք հեղինակները գտնում են, որ «*Օսմանյան կայսրությունը քանդել, մասնատել ձգողող խմակերիալիստական արևմտյան պետությունները համագործակցել են ազգային փոքրամասնությունների հետ, որոնց դպրոցներում կրթություն են ստացել հետազայում իրենց համար աշխատող հոգևորականներ և լրտեսներ»⁷¹:*

Թուրքիայի Հանրապետությունում հայերի կրթական և հայկական վարժարաններ ունենալու իրավունքը հաստատված է Լոգանի պայմանագրի 40 և 41-րդ հոդվածներով⁷²: Պոլսուն հայկական դպրոցներն իրենց կառուցվածքները համապատասխանեցնում են Թուրքիայի ընդհանուր կրթական համակարգում տեղի ունեցող փոփոխություններին, և այսօր դրանցում ուսումնառությունը եռաստիճան է. մանկապարտեզ՝ 1 կամ 2 տարի, նախակրթարան՝ 8 տարի, լիցեյ՝ 3 տարի⁷³: Ներկայումս Ստամբուլի հայ համայնքի կրթական խնդիրները մասն են կազմում ընդհանրապես Թուրքիայի ազգային փոքրամասնությունների կրթական խնդիրների, և այս առումով հետաքրքիր փաստեր են հրապարակվել 2009թ. Եվրամիության աջակցությամբ պատրաստված «Թուրքիայում խորականության դեմ պայքարը և փոքրամասնությունների իրավունքների աջակցությունը» գեկույցում: Այսպես, ըստ այդ գեկույցում տեղ գտած տվյալների՝ որոշակիորեն երևում է Թուրքիայում ազգային փոքրամասնություն-

⁷⁰ Haydaroglu P., Osmanlı İmparatorluğu'nda yabancı okullar, Ankara, 1990, s. 180.

⁷¹ Kılıç R., Osmanlı Türkiye'sinde azınlık okulları (19. yüzyıl), -

<http://www.hyetert.com/yazi3.asp?s=1&Id=374&DilId=1>

⁷² Գույումճեան Ս., Ակնարկ մը՝ ստանպուլահայ վարժարաններու իրականութեան, Ստանպուլ, 2010, էջ 24:

⁷³ Նույն տեղում, էջ 11:

Աերի դպրոցների և աշակերտների թվի նվազում, ինչը մեծապես կապված է պետության վարած քաղաքականության հետ, որտեղ գերիշխում են ձուլման տարրերը: Ընդ որում, զեկույցի այն հատվածը, որը վերաբերում է կրթական վիճակին, վերնագրված է քավական խոսուն. «Մոռանա՞լ, թե՝ ձուլում. փոքրամասնությունները Թուրքիայի կրթական համակարգում»⁷⁴: Ըստ ներկայացված տվյալների, 1930-31թթ. Թուրքիայում եղել է փոքրամասնությունների 117 դպրոց, իսկ 1995-96թթ. դրանց թիվը իջել է 34-ի⁷⁵:

Թուրքիայի Հանրապետության հիմնադրման առաջին տարում՝ 1923-ին, Ստամբուլում եղել է 47 հայկական դպրոց⁷⁶, 1972-73 ուստարում դրանց թիվն իջել է 32-ի՝ 7366 աշակերտով, 1999-2000 ուստարում՝ 18-ի՝ 3786 աշակերտով, իսկ 2009-2010-ին արդեն 16-ի՝ 3029 աշակերտով⁷⁷: Ինչպես տեսնում ենք, ազգային փոքրամասնությունների նկատմամբ պետական քաղաքականության հետևանքով 40 տարվա (1972-2010թթ.) ընթացքում հայ համայնքը կորցրել է իր դպրոցների և աշակերտության կեսը: Ըստ պոլսահայ մանկավարժ Կարո Փայլանի. «Ամեն տարի 150-200 աշակերտ ենք կորցնում, և եթե այսպես շարունակվի, ապա առաջիկա տարիներին ստիպված կլինենք 6-7 դպրոց փակել»⁷⁸:

Թուրքիայում հայկական դպրոցների թվաքանակի անկումը հիմնականում կապված է աշակերտների թվի նվազման հետ, որն ունի մի քանի պատճառ: Սակայն, հարկ է նշել, որ քուրքական պետական քաղաքականությունը ևս նպաստել է տարատեսակ խնդիրների ի հայտ գալուն: Այսպես, 1924թ. մարտի 3-ին Թուրքիայում ընդունվում է օրենք «Կրթության

⁷⁴ Unutmak mı, asimilasyon mu? Türkiye'nin eğitim sisteminde azınlıklar, - <http://www.hyetert.com/yazi3.asp?s=1&Id=409&DilId=1>

⁷⁵ Cumhuriyet dönemi İstanbul istatistikleri, Eğitim İstanbul I (İlk, Orta, Lise, 1928 - 1996), İstanbul Külliyyatı, İstanbul, 1998, s. 14.

⁷⁶ Özdoğan G., Üstel F., ... նշված աշխ., էջ 194.

⁷⁷ Գույումճեան Ս., նշված աշխ., էջ 51:

⁷⁸ Unutmak mı, asimilasyon mu? Türkiye'nin eğitim sisteminde azınlıklar, - <http://www.hyetert.com/yazi3.asp?s=1&Id=409&DilId=1>

նույնականացման» մասին, որը պահանջում էր Թուրքիայի տարածքում բոլոր կրթական հաստատություններին իրենց գործունեությունը համապատասխանեցնել լաիցիզմի (աշխարհիկության) սկզբունքներին: Այն պոլսահայ կրթական հաստատությունների համար լուրջ դժվարություններ առաջ բերեց, քանի որ ազգային կրթօջախներում դասավանդում էին նաև հոգևորականները, իսկ այդ օրենքի պահանջով նրանց մուտքը դպրոց արգելվեց: Բացի այդ, հայկական դպրոցներում դասավանդող ուսուցիչները ստիպված եղան որակավորման քննություններ հանձնել ստեղծված պետական հանձնաժողովներում, ձեռք բերել համապատասխան վկայականներ և նոր միայն իրավունք ստանալ դասավանդել հայկական դպրոցներում: Հարկ է նշել, որ կրթության նախարարության մասնավոր կրթական հաստատությունների 26810 թվակիր հրահանգի 32-րդ հոդվածի ե) կետում հատուկ նշվում է, որ «*դպրոցներում պաշտոնավարող Թուրքիայի քաղաքացիների համար պայման է հանդիսանում թուրքերնի իմացությունը, թուրքերնի ճիշտ և կանոնակարգված օգտագործումը: Անհրաժեշտության դեպքում այդ դասախոսները պետք է թուրքերնի քննություն հանձննեն»⁷⁹: 1937թ. Թուրքիայի կրթության նախարարության կողմից ընդունվեց մի օրենք, որը պարտավորեցնում էր ազգային փոքրամասնությունների դպրոցներում պարտադիր ունենալ թուրք փոխտնօրեն՝ աշակերտներին «*թուրքական մշակույթին համապատասխան դաստիարակելու համար*»⁸⁰: Ուշագրավ է, որ շատ հաճախ փոխտնօրենի պաշտոնին նշանակվում են ազգայնամոլական կողմնորոշում ունեցող մարդիկ: Փոքրամասնությունների դպրոցներում «Թուրքիայի պատմություն» և «*Քաղաքացիական պաշտպանություն*» առարկաները պարտադիր դասավանդում են ազգությամբ թուրք*

⁷⁹ T.C. Resmi Gazete, 8 Mart 2008, sayı: 26810.

⁸⁰ Özdoğan G., Üstel F.,.....նշված աշխ., էջ 195-196:

մասնագետներ: Փոքրամասնություններին պատկանող դպրոցներում ուսումնական գործընթացի կազմակերպման և վերահսկողության սահմանման խնդիրները կարգավորվում են կրթության նախարարության մասնավոր կրթական հաստատությունների 26810 թվակիր հրահանգով, որի հիմք հանդիսանում է 8/2/2007 թվականի 5580 թվակիր Հատուկ կրթական հաստատությունների մասին օրենքը⁸¹:

Թուրքիայի Եվրամիության անդամակցելու գործընթացի համատեքստում մի շաբթ հետազոտություններ են անցկացվում այդ երկրում մարդու իրավունքների ոլորտի վերաբերյալ: Հետազոտություններից մեկում ազգային փոքրամասնությունների կրթական վիճակի հետ կապված խորհուրդներ կան՝ ուղղված քուրքական կառավարությանը, որոնք են՝ վերացնել փոքրամասնությունների դպրոցներում փոխառությունի և քուրքական մշակույթի ուսուցչի պարտադիր քուրք լինելու պայմանը⁸²:

Ինչպես նշվեց վերևում, այսօր Ստամբուլում գործում է հայկական ընդամենը 16 կրթօջախ: Վերջին տարիներին աշակերտների թվի նվազման և ֆինանսական խնդիրների պատճառով փակվել են Բանգալթը Անարատ հղության և Ներսեսյան-Երմոնյան նախակրթարանները: Ստորև մեջբերում ենք ներկայումս Ստամբուլում գործող հայկական կրթօջախների և աշակերտության 2009-2010 ուսումնական տարվա թվաքանակի մասին ամենաթարմ տվյալներ պարունակող մի աղյուսակ, որը պատրաստել է Ստամբուլի Կեղրոնական վարժարանի քազմամյա տնօրինութի Սիլվա Գույումջյանը⁸³.

⁸¹ T.C. Resmi Gazete, 8 Mart 2008, sayı: 26810.

⁸² Ակու, 14.12.2007:

⁸³ Գոյումճեան Ս., նշված աշխ., էջ 50: Աղյուսակում հանդիպող (-) նշանը ցույց է տալիս, որ տվյալ վարժարանը համապատասխանաբար չունի մանկապարտեզ, նախակրթարան կամ լիցեյ:

	Վարժարան	Մանկապարտեզ			Նախակրթարան			Լիցեյ			Ընդամենը		
		Աղջու	Տու	Ընուաններ	Աղջու	Տու	Ընդուռեց	Աղջու	Տու	Ընուաններ	Աղջու	Տու	Ընդուռեց
1	Սահակյան-Նության	22	27	49	104	94	198	117	56	173	243	177	420
2	Տատյան	38	35	73	163	152	315	-	-	-	201	187	388
3	Եսայան	10	11	21	59	61	120	116	65	181	185	137	322
4	Մխիթարյան	21	20	41	95	80	175	36	29	65	152	129	281
5	Կեղրոնական	-	-	-	-	-	-	138	99	237	138	99	237
6	Ծիլգուղ	31	19	50	91	84	175	-	-	-	122	103	225
7	Մերամերյան	17	19	36	79	85	164	-	-	-	96	104	200
8	Թարագյովյան	30	36	66	46	73	119	-	-	-	76	109	185
9	Թարգմանչաց	15	16	31	68	54	122	-	-	-	83	70	153
10	Արամյան-Ռևոլյան	24	13	37	66	45	111	-	-	-	90	58	148
11	Բեգյան	7	13	20	53	71	124	-	-	-	60	84	144
12	Անն Վարդուհյան	5	11	16	43	47	90	-	-	-	48	58	106
13	Գալֆայան Ճեմարան	3	6	9	55	22	77	-	-	-	58	28	86
14	Սամարիայի Անարատ հեղության	6	7	13	20	27	47	-	-	-	26	34	60
15	Սուրբ Խաչ Դպրությանք	-	-	-	-	-	-	27	23	50	27	23	50
16	Թոմոնթիի Մխիթարյան	1	-	1	5	18	23	-	-	-	6	18	24
Ընդհանուր գումարը		230	233	463	947	913	1860	434	272	706	1611	1418	3029

Պոլսահայ վարժարանների վիճակի աստիճանական անկումն ունի իր հիմնավոր պատճառները, որոնցից առանձնացնենք մի քանիսը.

1. Ամենամտահոգիչ խնդիրներից է հայ աշակերտների թվաքանակի տարեցտարի նվազումը⁸⁴. տարիներ առաջ հայ ծնողների մեծ մասը երեխաներին ուղարկում էր գոնե հայկական նախակրթարան, որտեղ ընդհանուր գիտելիքներին զուգահեռ սովորում էին նաև հայերեն⁸⁵: Սակայն այժմ պատկերն այլ է, և շատերը նախընտրում են իրենց երեխաներին տալ թուրքական, անգլիական, գերմանական դպրոցներ (լիցեյներ), որտեղ կրթական որակը բավական բարձր է⁸⁶ և զգալիորեն դյուրացնում է հետազայում համալսարաններ ընդունվելու հարցը:

Աշակերտների թվի նվազումն ուղղակիորեն կապված է նաև պոլսահայերի արտագաղթի հետ: Հարկ է շեշտել, որ Ստամբուլի հայկական դպրոցների աշակերտության թիվը պահպանվել կամ շեշտակի չի նվազել, օրինակ՝ 1960-ականներին, նաև շնորհիվ այն բանի, որ զավառներից բազմաթիվ հայեր սկսեցին տեղափոխվել Ստամբուլ ու իրենց երեխաներին ուղարկել հայկական դպրոցներ:

2. Հայկական դպրոցների կարևոր խնդիրներից են հայերեն դասագրքերի սակավությունն ու որակը: Բացի այդ, արգելվում է դասավանդումը արտերկրում (օրինակ՝ Հայաստանում) տպագրված դասագրքերով:

3. Կարևոր խնդիր է նաև դպրոցներում դասավանդող ուսուցիչների պատրաստվածության մակարդակը: Առօրյայում և ընտանիքում օրեցօր ծավալվող թուրքախոսության մակարդակը ևս ազդում է դպրոցների վրա, և ցավով պետք է նշել, որ հայոց լեզուն հայկական դպրոցներում շարունակաբար նահանջում է: Ուսուցիչները չեն տիրապետում հայերենին այն աստիճան, որ

⁸⁴Պոլսի Կեդրոնական վարժարանի տնօրինուիի Սիլվա Գույումջյանի ներկայացրած տվյալներն ի ցույց են հանում նաև վերջին տասը տարուն ստամբուլահայ աշակերտների թվաքանակի աստիճանական և, ցավոք, հաստատուն անկունը: Ստորև մեջբերում ենք այդ տվյալներն ըստ ուսումնական տարիների. 2000-2001 ուստարի՝ 3711 աշակերտ, 2001-2002՝ 3530, 2002-2003՝ 3401, 2003-2004՝ 3289, 2004-2005՝ 3210, 2005-2006՝ 3162, 2006-2007՝ 3099, 2007-2008՝ 3023, 2008-2009՝ 3045, 2009-2010՝ 3029: Տե՛ս Գույումճեան Ս., նշված աշխ., էջ 47:

⁸⁵Նույն տեղում, էջ 28:

⁸⁶Լոքմագյոյան Տ., Ստամբուլի հայկական դպրոցները, «Գլոբուս» Վերլուծական տեղեկագիր, Երևան, 2008, թիվ 3, էջ 22:

կարողանան դասավանդել մայրենիով, իսկ աշակերտության շրջանում մեծ նախանձախնդրություն չի նկատվում: Ինչպես նշում է Սիլվա Գույումջյանը. «Հայերէն լեզուի ուսուցումը այսօր իջած է այնպիսի մակարդակի մը, որ կարելի չէ այլևս հանդիպիլ՝ հայերէնի քաջատեղեակ երիտասարդի մը»⁸⁷: Գույումջյանը նշում է նաև, որ մինչև 1970-ական թվականները դասավանդել են լավ պատրաստված մանկավարժներ, ովքեր նաև լավագույնս տիրապետել են մայրենիին: Այդ սերնդին հաջորդած նրանց աշակերտներն արդեն զգալիորեն զիջել են մայրենիի տիրապետման մակարդակով, որն ազդում է նրանց դասավանդման որակի և աշակերտության վրա: Ուստի, հաճախ թերի հայերենով դասավանդելու փոխարեն ուսուցչութիւնները նախընտրում են թուրքերենով դասավանդումը: Այսօրվա Պոլսի հայկական դպրոցների ուսուցիչների մասնագիտական մակարդակի մասին չափազանց խոսուն է Սիլվա Գույումջյանի հետևյալ միտքը. «Այսօր, մասնատրաբար մեր նախակրթարաններում մէջ չունինք այր ուսուցիչներ. իսկ կիներ ընդհանրապէս իրենց տանտիկնութեան կողքին կ'ուսուցագործեն (ընդգծումը մերն է Ռ. Մ.):»⁸⁸: Հարկ է ավելացնել նաև, որ Թուրքիայի տարածքում գործող փոքրամասնությունների դպրոցներում իրավունք չունեն դասավանդել անձինք, ովքեր Թուրքիայի քաղաքացի չեն⁸⁹: Պետությունն օրենսդրուեն վերահսկողություն է սահմանում թե՛ դասավանդվող առարկաների, թե՛ դպրոցի դեկավարման և ուսուցիչների նշանակման ոլորտներում:

⁸⁷ Գույումճեան Ս., նշված աշխ., էջ 13:

⁸⁸ Նույն տեղում, էջ 19:

⁸⁹ Կրթության նախարարության մասնավոր կոթական հաստատությունների 26810 թվակիր հրահանգի 32-րդ հոդվածի Բ կետում նշվում է, որ «փոքրամասնությունների որոշ դպրոցներում նշակութային պայմանագրերի համաձայն կամ փոխադարձության սկզբունքի հիման վրա, նախարարության կողմից փաստաթղթերի ստուգման և դրական կարծիքի դեպքում կարող են պաշտոնավարել նաև օտարահպատակները» (T.C. Resmi Gazete, 8 Mart 2008, sayı: 26810), բայց գործնականում դա վերաբերում է միայն հունական և հրեական դպրոցներին՝ հաշվի առնելով Հունաստանի և Իսրայելի հետ կնքված նշակութային համագործակցության վերաբերյալ պայմանագրերը:

Վերջին տարիներին խնդիր է ծագել նաև Ստամբուլում ապօրինաբար բնակվող ՀՀ քաղաքացիների երեխաների՝ հայկական դպրոցներում ուսանելու հետ կապված: Խնդիրը հայ համայնքի ներկայացուցիչները բարձրացրել են Թուրքիայի վարչապետ Էրդողանի մոտ, որը խոստացել է ընթացք տալ: Սակայն մինչև խնդիրի լուծումը, այսօր Ստամբուլում, ըստ մեզ հասած տեղեկության, կա ոչ օրինական՝ ընդհատակյա հայկական վարժարան, որտեղ ուսանում է շուրջ 60 հայաստանցի երեխա, այնտեղ դասավանդում է 6-10 ուսուցչուհի:

Լեզվական խնդիրներ

Ստամբուլի հայ համայնքի ներկայիս կարեռը խնդիրներից է նաև հայոց լեզվի վիճակը. Պոլսում, որը համարվում էր արևմտահայերենի երրեմնի միջնաբերդը, հայախոսությունը շարունակաբար անկում է ապրում, սա կապված է տարբեր հանգամանքների հետ, սակայն կարեռը տեղ պետք է հատկացնել նաև պետության քաղաքականությանը, որը, մեղմ ասած, բարյացակամ չէ ոչ թուրքախոսության հանդեպ: Որպես պետական քաղաքականության դրսերում կարելի է հիշել հանրապետական Թուրքիայում տարբեր տարիներին բուռն ծավալում գտած «Հայրենակից, թուրքերեն խոսիր» ակցիաները, որոնց նպատակն էր հատկապես հասարակական վայրերում արգելել բացի թուրքերենից այլ լեզվի կիրառումը: Այս ամենն ուղեկցվում էր տարատեսակ հալածանքների դրսերումներով, դրա հետևանքներից է նաև այսօրվա պատկերը: Հասարակական վայրերում հայախոսության անկմանը հետևեց նաև տանը թուրքերենի գործածումը: Հայերենի մակարդակի անկման մասին ներհամայնքային մի քննարկման ժամանակ նույնիսկ կարծիք է հնչել, որ հայերենը վերածվել է «միջանկյալ լեզվի» կամ «մայրենի լեզվից թույլ, օտար լեզվից ուժեղ կարգավիճակի»: Նույնիսկ կարծիք կա, որ հայերենն այսօր «ոչ թե հայկական համայնքի, այլ ուսուցիչների լեզուն է»⁹⁰: Ներկայումս համայնքի

⁹⁰ Agos, 11.10.1996.

որոշ եկեղեցիներում երբեմն ստիպված քարոզը կարդացվում է նաև քուրքերեն՝ թրքախոս հատվածին հասկանալի լինելու համար: Թրքախոսների թիվը հատկապես շատ է զավառներից Ստամբուլ տեղափոխվածների (որն ունի իր օբյեկտիվ պատճառները) և երիտասարդության շրջանում:

Վերջերս Ստամբուլի հայ համայնքում կատարվել է հետազոտություն՝ ըստ տարիքային խմբերի հայերենի գործածման վերաբերյալ, և ունենք հետևյալ պատկերը.

Հստ տարիքային խմբերի՝ ամենաշատ կիրառվող լեզու⁹¹

Տարիքային խումբ	13-18	19-24	25-34	35-44	45-60	60+	Ընդհանուր
Հայերեն	26,7	8,8	17,5	22,4	22,2	33,3	18,4
Թուրքերեն	73,3	90,0	77,5	76,6	76,6	66,7	80,1

Ներկայացված աղյուսակից պարզ է դառնում, որ հայերեն կիրառում է համայնքի ընդամենը 18 տոկոսը, և ներկա գործընթացները հույս չեն ներշնչում, որ հայախոսների թիվը կավելանա: Ցավոք, ավելի իրատեսական են հակառակ կանխատեսումները:

⁹¹ Özdoğan G., Üstel F.,նշված աշխ., էջ 309.

ԿՈՍՏԱՆՈՒՊՈԼՍԻ ՀԱՅՈՑ ՊԱՏՐԻԱՐՔՈՒԹՅՈՒՆԸ 20-ՐԴ ԴԱՐՈՒՄ ԵՎ 21-ՐԴ ԴԱՐԻ ՍԿԶԲԻՆ

1461թ. հիմնադրված Պոլսոց Հայոց պատրիարքությունը մինչև օրս ունեցել է 84 զահակալ: Օսմանյան շրջանի վերջին Հայոց պատրիարքն է եղել Զավեն արքեպիսկոպոս Տեր-Եղիայանը, ում զահակալությունն ընթացել է երկու փուլով՝ 1913-1916 և 1918-1922թ.: Նրա պատրիարքության տարիները համընկել են ողջ հայության և, մասնավորապես, Օսմանյան կայսրությունում բնակվող հայերի պատմության, թերևս, ամենադժվար և ողբերգական շրջանին: Հայոց ցեղասպանության տարիներին Զավեն պատրիարքն ակտիվորեն աշխատել է իր հոտի փրկության ուղղությամբ, ինչն, անշուշտ, շոշափելի արդյունքներ չեր կարող տալ: Սակայն հիշատակության արժանի են պատրիարքի երբեմն հուսահատ ջանքերը՝ ինչ-որ կերպ ազդել ստեղծված իրավիճակի վրա, որի համար դիմել է և արտասահմանյան երկրների դեսպաններին, և Օսմանյան կայսրությունից դուրս ապրող հայությանը՝ խնդրելով միջամտել, որպեսզի կանխվի հայերի սպանող կամ օգնել արդեն տարագրվածներին: Բավական խոսուն է այն հանգամանքը, որ Զավեն պատրիարքն իր այդ ժամանակա հոգեվիճակն արտահայտել է նաև բազմաթիվ նամակների կամ դիմումների տակ թողած ստորագրություններով, օրինակ՝ «Նահատակ Թրքահայութեան վշտակիր Պատրիարք»⁹² կամ «Դժբախտ Պատրիարք Հայոց Թուրքիոյ»⁹³:

Օսմանյան իշխանությունները 1916թ. որոշում են փոփոխություններ կատարել 1863թ. ընդունված Հայոց Ազգային Սահմանադրությունում. 1916թ. օգոստոսի 10-ին շրջանառության մեջ մտած փոփոխությունների համաձայն՝ փակվում է Պոլսոց Հայոց պատրիարքությունը, նրա արխիվի մեծ մասը տեղափոխվում է

⁹² Զաւեն Արքեպս., Պատրիարքական Յուշերս. Վաւերագիրներ եւ Վկայութիւններ, Գահիրէ, 1947, էջ 136:

⁹³ Նույն տեղում, էջ 149:

Երուսաղեմ⁹⁴: Այդ ամենից հետո Զավեն պատրիարքը, կիսելով իր տարագիր ժողովրդի ճակատագիրը, աքսորվում է Բաղդադ: Սակայն իրավիճակը փոխվում է Առաջին համաշխարհային պատերազմում Օսմանյան կայսրության կրած պարտությունից հետո: 1918թ. սովորաբար ստորագրում է հրամանագիր 1863թ. Հայոց Սահմանադրությունը կրկին շրջանառության մեջ դնելու վերաբերյալ, և Պոլսո Հայոց պատրիարքությունը վերաբացվում է: 1918թ. փետրվարի 19-ին աքսորյալ Զավեն Սրբազնը վերադառնում է Պոլսո և կրկին ստանձնում պատրիարքի պարտականությունները: Այս շրջանում ստեղծված պայմանները բույլ են տալիս պատրիարքին ավելի ակտիվ և արդյունավետ աշխատանքներ տանել: Մասնավորապես, նա լծվում է ցեղասպանության ժամանակ մուսուլմանների կողմից առևանգված հայ կանաց և երեխանների վերադարձման գործին⁹⁵: Վիճակը փոխվում է քեմալական շարժման ծավալման և հաջողության հասնելուց հետո: Քեմալականները հենց սկզբից բացասական վերաբերմունք են դրսելորում Զավեն պատրիարքի նկատմամբ, անձամբ Մուսթաֆա Քեմալը 1919թ. օգոստոսի 22-ին Էրզրումի իր հայտնի ելույթում քննադատում է Հայոց պատրիարքին: Ավելի ուշ արդեն իշխանությանը տիրացած քեմալականները շարունակել են ընդգծված բացասական վերաբերմունք ունենալ Զավեն Սրբազնի հանդեպ: Նաև նրանց պարտադրանքով 1922թ. վերջին պատրիարքը ստիպված հեռանում է Թուրքիայից: Ցավալին այն է, սակայն, որ Զավեն պատրիարքի դեմ իշխանությունների հրահանգով և նաև նրանց դուր գալու մարմաջով այդ ժամանակ գործել են հայ համայնքի մի շարք ներկայացուցիչներ: Պատրիարքի հեռանալուց հետո, թեև նա հրաժարական չէր տվել, 1922թ. դեկտեմբերի 20-ին տեղապահ է ընտրվել Գևորգ Եպիսկոպոս Արալանյանը, որն այդ պաշտոնը վարել է մինչև 1927 թվականը⁹⁶:

⁹⁴ Bebiroğlu M., Cumhuriyet döneminde Ermeni Patrikleri ve önemli olaylar, - <http://www.hyetert.com/yazi3.asp?s=1&Id=442&Dilld=1>

⁹⁵ Այս մասին ավելի մանրամասն տես սույն գրքի «Պոլսո Հայոց պատրիարքարանի դիրքորոշումը Թուրքիայի բռնի կրոնափոխ հայերի վերաբերյալ» ենթագլխում:

⁹⁶ Bebiroğlu M., Cumhuriyet döneminde Ermeni Patrikleri ve önemli olaylar, - <http://www.hyetert.com/yazi3.asp?s=1&Id=442&Dilld=1>

Թուրքիայի Հանրապետությունում առաջին անգամ Հայոց պատրիարքի ընտրություններ տեղի են ունեցել 1927թ., և պատրիարք է ընտրվել Մեսրոպ արքեպիսկոպոս Նարոյանը (1927-1944թթ.): Սակայն ընտրությունից հետո թուրքական իշխանությունները իինգ տարի դե-յուրե չեն ճանաչել Նարոյան պատրիարքին: Նրա զահակալության տարիները համընկան քեմալական ազգայնականության ձեավորման ու զարգացման հետ, հենց այդ ժամանակաշրջանում տեղի ունեցավ Թուրքիայի փոքրամասնությունների կյանքում բախտորոշ մի քանի իրադարձություն: Արդեն 1920-ականների վերջերին պետական մակարդակով սկսեց կիրառվել փոքրամասնությունների լեզուների դեմ մի պայքար, որն անվանվեց «Հայրենակից, թուրքերեն խոսիր»: Թուրքական իշխանությունների այս լեզվաքաղաքականությունը չէր հանդուրժում թուրքերենից բացի այլ լեզուների կիրառում, և սա Թուրքիայում շարունակվեց նաև հետագայում: 1934թ. հունիսի 21-ին Թուրքիայում ընդունվեց, այսպես կոչված, «Ազգանվան մասին օրենք», որով արգելվեցին ոչ թուրքական ազգանունները և որոշ վերջածանցներ, ինչպիսիք են «յան», «պոլո», «փու» և այլն⁹⁷: Այդ ժամանակ հայկական ազգանունների մեծ մասը թուրքացվեց, միայն հատուկենու դեպքերում եղան բացառություններ, և պահպանվեցին «յան»-ով ավարտվող ազգանունները: Մեսրոպ պատրիարքի զահակալման տարիներին են անցկացվել նաև «20 դասակարգի զինակոչը», «Ունեցվածքի հարկը», այդ թվականներին են տեղի ունեցել զավառահայերի պարտադրված արտագաղթերը: Հարկ է նկատել, որ արդեն 1930-ականներին հայ համայնքում վախի և հալածանքի մքնոլորտը մեծ ծավալներ է ընդունում ու ստիպում ստամբուլահայերի մի մասին քայլեր կատարել ընդհանուր հայությունից տարանցատվելու և իրենց գոյությունը պաշտպանելու համար: Մասնավորապես՝ որս ամենացայտուն օրինակներից է այն, որ 1935թ. դեկտեմբերի 15-ին Քանգալթը հայոց եկեղեցում մի խումբ հայեր թուրքական պետության իրենց հավատարմությունն ապացուցելու համար ցու-

⁹⁷ Նույն տեղում:

ցաղրաբար այրում են «Մուսա լեռան քառասուն օրը» ստեղծագործությունը՝ այն պատճառով, որ զիքրը պարունակում էր «քորք ազգի մասին զրապարտություններ»⁹⁸:

1944թ. Մեսրոպ պատրիարքը վախճանվում է, և պատրիարքական գահը կրկին թափուր է մնում: Գևորգ Եպիսկոպոս Արւանյանը երկրորդ անգամ է դառնում տեղապահ (1944-1950թթ.): Բազմաթիվ աղբյուրներ նշում են, որ նրա երկրորդ տեղապահության տարիներին հայ համայնքում էլ ավելի են սրվել ներքին երկպառակությունները, բազմացել խնդիրները: Անհասկանալի պատճառով շուրջ յոթ տարի Հայոց պատրիարք ընտրելու թույլտվություն չի տրվել: Կարծիքներ կան, թե մեղավորը թուրքական իշխանություններն են, սակայն ենթադրելի է, որ այդ ամենում դեռ է խաղացել տեղապահ Գևորգ Եպիսկոպոսի անձնական շահախնդրությունը: Ինչեւ, համայնքում ստեղծված վիճակի դեմ բողոքի ալիք է բարձրանում, 1948թ. Հայոց պատրիարքության մի շարք հոգևորականներ նույնիսկ ընդվզում են տեղապահ Գևորգ Եպիսկոպոսի դեմ⁹⁹: Սկսված վեճերին միջամտել են Ամենայն Հայոց Գևորգ Զ. և Կիլիկիայի Գարեգին Ա. կարողիկոսները, ի վերջո, 1950 թվականի վերջին անց են կացվում պատրիարքի ընտրություններ: Պատրիարք է ընտրվում Գարեգին արքեպիսկոպոս Խաչատորյանը, որն այդ ժամանակ Լատինական Ամերիկայի Հայոց հոգևոր առաջնորդն էր: 1951թ. վերադառնալով Թուրքիա՝ մարտի 16-ին նա ստանձնում է պատրիարքի պարտականությունները: Գարեգին պատրիարքի գահակալման տարիները (1951-1961թթ.) համընկան Թուրքիայում միակուսակցական համակարգի վերացման և Ժողովրդա-հանրապետական կուսակցության պարտության հետ: Իշխանության եկած Դեմոկրատական կուսակցությունն արտաքուստ հոչակել էր Ժողովրդավարական արժեքներին հավատարմություն: Հայ համայնքում և պատրիարքությունում, օգտվելով դրանից, տեղի ունեցան որոշ փոփոխություններ: Նորընտիր Հայոց

⁹⁸ Նույն տեղում:

⁹⁹ Զաւէն Ա. քինյ. Արգումանեան, Թուրքիոյ Պատրիարքութիւնը, Ազգապատում, հատոր դ., գիրք բ., Նիւ Եորք, 1997, էջ 78:

պատրիարքը Արմաշի հայտնի հոգևոր դպրոցի սան էր և ծրագրել էր Ստամբուլում հիմնել նմանադիպ մի կրթական հաստատություն, որը կլիներ նաև Արմաշի դպրոցի շարունակությունը: Այս մտադրության մասին Գարեգին Խաչատուրյանը հայտնել էր համայնքի իր կողմնակիցներին նաև մինչև պատրիարքական ընտրությունները, և դա յուրահատուկ նախապայմանի բնույթ էր կրել¹⁰⁰: 1953թ. բացված Սուրբ խաչ Դավթեվանք հոգևոր դպրոցը կոչված էր նաև Թուրքիայի տարբեր զավառներում մնացած հայության բեկորներին վերադարձնել ակունքներին, այսինքն՝ պայքարել լիակատար ուժացման դեմ, և կարելի է ասել, որ Երջանկահիշատակ պատրիարքը նվիրումով է լծվել այդ գործին: Նրա նախաձեռնության շնորհիվ բազմաթիվ հայորդիներ վերադարձան իրենց արմատներին, հիմք դրվեց նաև հետազայում այս գործի շարունակության համար:

1961թ. հունիսի 22-ին Սրբոց Թարգմանչաց տոնի պատարագի ժամանակ սրտի տագնապի պատճառով եկեղեցում հոգին ավանդեց Գարեգին արքեպիսկոպոս Խաչատուրյանը: Երջանկահիշատակ Գարեգին պատրիարքի մահից հետո Պոլսու պատրիարք է ընտրվում Շնորհը արքեպիսկոպոս Գալուստյանը¹⁰¹, որն այդ աքոնի ամենաերկարակյաց զահակալներից էր (1961-1990թթ.): Հարկ է նկատել, որ Երուսաղեմի պատրիարքությունում հոգևոր ծառայություն իրականացնող Շնորհը Սրբազնը 1960թ. տեղափոխվում է Ստամբուլ հենց Գարեգին պատրիարքի հրավերով, այսինքն՝ կարելի է ենթադրել, որ Գարեգին պատրիարքի նախընտրելի իրավահաջորդն է եղել: Շնորհը Գալուստյան պատրիարքի ջանքերով համայնքային կյանքում աշխուժություն է նկատվում, շարունակվում են աշխատանքները գավառահայության վիճակի բարելավման և ուժացումից փրկելու ուղղությամբ: 1966թ. Մուշի Վարքո զավառում տեղի է ունենում երկրաշարժ, որից հետո այնտեղ բնակվող հազարավոր հայեր

¹⁰⁰ Նույն տեղում, էջ 82:

¹⁰¹ Ավելորդ չեղակալ որ Գարեգին պատրիարքի մահվան և Շնորհը արքեպիսկոպոս Գալուստյանի ընտրության ժամանակ Պոլսում ներա է գտնվել նաև Ամենայն Հայոց կաթողիկոս Վազգեն Ա-ն:

գաղթում են Ստամբուլ: Շնորհք պատրիարքի զիսավորությամբ ստեղծվում է «Գավառացի կարիքավորների օգնության հանձնաժողով», որը գրադարձ է տուժածների համար ապաստան և աշխատանք գտնելու գործով: 1967թ. Ստամբուլի մերձակա Քընալը կղզում պատրիարքը հայ Երեխաների համար բացում է կազուրման կայան-ճամբար¹⁰²: Շնորհք պատրիարքի գահակալությունը համընկնում է միջազգային ասպարեզում Հայոց ցեղասպանության խնդրի ակտիվացման ժամանակաշրջանի հետ, ինչը լրացուցիչ դժվարություններ է ստեղծում համայնքի և անձամբ պատրիարքի համար: Այսպես, 1965թ., Հայոց ցեղասպանության 50-ամյակին, թուրք լրագրողներն ուղղակիորեն հարցրել են Շնորհք պատրիարքին, թե արդյոք եղել է ցեղասպանություն: Շնորհք պատրիարքը խուսափողական պատասխան է տվել, թե ինքը պատմաբան չէ, թող պատմաբանները պատասխանեն: Սակայն երբ թուրք լրագրողները պնդել են իրենց հարցը, պատրիարքը տվել է հետևյալ հստակ պատասխանը. «1915-ին ես 7 տարեկան էի, մեր 70 հոգանոց գերդաստանից միայն ես ու մայրս ողջ մնացիմք: Արսորի ժամանակ մորս էլ կորցրի, քանի որ նա ստիպված ամուսնացավ մուտքման մի թուրքի հետ: Հիմա դուք ինձ պատասխան տվեք, թե ո՞ր են իմ ազգականները: Եթե դուք գտնեք այս հարցի պատասխանը, դրանով նաև պատասխանած կլինեք ցեղասպանությունը եղե՞լ է, թե՞ոչ հարցիմ»¹⁰³:

Շնորհք պատրիարքի գահակալության տարիներին ստեղծվել է պատրիարքության խորհրդակցական մարմին, որի կազմի մեջ են մտել համայնքի մտավորականներ և ճանաչված անձինք: Աշխարհիկ այս կառույցը մեծ նշանակություն և կարևորություն է ունեցել, սակայն, Շնորհք պատրիարքի մահից հետո փակվել է: Ավելորդ չեն նշել, որ նման կառույցի անհրաժեշտություն կա նաև մեր օրերում:

¹⁰² Bebiroğlu M., Cumhuriyet döneminde Ermeni Patrikleri ve önemli olaylar, - <http://www.hyetert.com/yazi3.asp?s=1&Id=442&Dilld=1>

¹⁰³ Ermeni Patriği Şinork Kalustyan'ın üvey kardeşi Diyanet işleri başkanı Lütfi Doğan, - www.angelfire.com/wy/yaw/Ermeniler/ermeniler.html

1990թ. Շնորհք պատրիարքի մահից հետո Պոլսոն Հայոց 83-րդ պատրիարք է ընտրվում Գարեգին արքեպիսկոպոս Քազանջյանը (1990-1998թթ.): Նա եղել է 1953թ. բացված Սուրբ խաչ Դպրեվանդի առաջին տնօրենը: Գարեգին պատրիարքի գահակալության տարիները համընկան Հայաստանի անկախության և հայ-քուրքական լարված հարաբերությունների նոր փուլի սկզբանավորման հետ:

Գարեգին Բ պատրիարքի վախճանից հետո՝ 1998թ. համայնքի առջև ծառանում է նոր պատրիարք ընտրելու խնդիրը: Հարկ է նկատել, որ քուրքական պետությունը տարատեսակ ըյուրուկրատական խնդիրներ է ստեղծում պատրիարքական ընտրությունների համար և դրան զուգահեռ լարվում է մքնոլորտը հենց հայ համայնքի ներսում: Պատրիարքական աթոռի հիմնական հավակնորդներն են Պոլսոն Հայոց պատրիարքության Կրոնական ժողովի նախագահ Մեսրոպ արքեպիսկոպոս Մութաֆյանը և Շահան արքեպիսկոպոս Սվաջյանը: Համայնքում ձևավորվում են երկու թեկնածուներին աջակցող թիմեր, որոնց միջև պայքարը գնալով խորանում է: Այս ամենից անմասն չի մնում նաև պոլսահայ մամուլը, և «Ակու» ու «Ժամանակ» թերթերը պաշտպանում են Մեսրոպ Մութաֆյանի, իսկ «Նոր Մարմարան»՝ Շահան Սվաջյանի թեկնածությունները: Հայոց պատրիարքի ընտրությունը դարձել էր նաև քուրքական առաջատար մամուլի քննարկման առարկա, և մի շաբթ թերթեր, վերլուծաբաններ անդրադարձել են խնդրին: Տարբեր փաստեր թույլ են տալիս պահել, որ նախընտրական շրջանում Մեսրոպ Մութաֆյանն ամենին չէր վայելում քուրքական պետության համակրանքը, ինչը ստիպում էր նաև համայնքի պահպանողական հատվածին պաշտպանել Շահան Մրբազանի թեկնածությունը: Մութաֆյանն ընկալվում էր որպես հոգևորականների երիտասարդ սերնդի ներկայացուցիչ, որը եռանդ ու ցանկություն ուներ լուծել հայ համայնքի առջև ծառացած խնդրները: Ի վերջո, 1998թ. հոկտեմբերի 14-ին ձայների գերակշիռ մեծամասնությամբ Մեսրոպ արքեպիսկոպոս Մութաֆյանն ընտրվում է Պոլսոն Հայոց 84-րդ պատրիարք՝ դառնալով նաև պատրիարքության

պատմության մեջ այդ արողի ամենաերիտասարդ զահակալը (42 տարեկան): Ընտրություններից հետո Մեսրոպ պատրիարքն իր հարցազրույցներով և հրապարակային գործունեությամբ փորձեց ապացուցել, որ ինքը Թուրքիայի Հանրապետությանը հավատարիմ քաղաքացի է և նախընտրական շրջանում նրա հանդեպ թուրքական պետության ունեցած անվտանությունը գուրկ է լուրջ իմբերից: Իր զահակալության շրջանում Մեսրոպ պատրիարքը որոշակի ոլորտներում ակտիվություն մտցրեց, սակայն, ցավոք, հենց այս շրջանում է, որ Պոլսոն Հայոց պատրիարքությունը չափից ավելի քաղաքականացվեց: Դա հատկապես դրսևորվեց Հայոց ցեղասպանության միջազգային ճանաչման գործընթացին զուգահեռ: Մեսրոպ պատրիարքը քանից ելույթներ և հայտարարություններ ունեցավ ցեղասպանության խնդրի առնչությամբ, որոնք մեծապես համապատասխանում էին թուրքական պաշտոնական տեսակետին: Այս ամենի հետևանքով էլ ավելի խորացան անջրապետները Պոլսոն պատրիարքության և Հայաստանի ու Սփյուռքի միջև: Ցավոք, անհամաձայնությունն ու անջրապետները զգացվեցին նաև Մայր արող Սուրբ Էջմիածնի և Պոլսոն պատրիարքության հարաբերություններում: Մեսրոպ պատրիարքի չափից ավելի քաղաքականացումը, ինչպես նաև համայնքային խնդիրներին նրա մոտեցումները լուրջ դժգոհություններ առաջացրին նաև համայնքի ներսում, և ընտրությունների ժամանակ նրան սատարած մարդկանց մի մասը բացահայտ անհամաձայնություն հայտնեց Մութաֆյանի գործունեությանը: Օրինակ՝ սրբեցին Հրանտ Դիմիքի և «Ակոս»-ի մերձավոր շրջապատի հարաբերությունները պատրիարքի հետ, որի իմանական պատճառներից էր համայնքի կառավարման աշխարհիկ կառույցի վերականգնման հարցը, ինչին դեմ էր Մութաֆյանը: Ստեղծված անառողջ մթնոլորտն էլ ավելի խորացրեց համայնքի ճահճացած վիճակը և պատճառ դարձավ նոր խնդիրների, որոնք այսօր էլ մնում են չլուծված: 2008թ. Մեսրոպ Մութաֆյանի մոտ հայտնաբերվեց իիշողության կորստի հետ կապված իիվանդություն, որն ավելի ծավալվեց, և, ի վերջո, պարզ դարձավ, որ դա անբուժելի է և, փաստորեն, անզործունյա է դարձրել պատրիարքությունը:

քին: Ներեկեղեցական կարգի համաձայն, ընտրված պատրիարքը, անկախ տարբեր հանգամանքներից, ցմահ կրում է այդ տիտղոսը, սակայն Մութաֆյանի առողջական խնդիրները լուրջ ազդեցություն են ունենում նաև համայնքային կյանքի տարբեր ոլորտների վրա, քանի որ շարունակելով օսմանյան «ավանդույթները»՝ քուրքական իշխանություններն այսօր ել հայ համայնքի դե-ֆակտո ղեկավար են ճանաչում պատրիարքին, որի փաստացի բացակայությունը ստեղծում է անկազմակերպ վիճակ:

Մութաֆյան պատրիարքի անգործունյա վիճակը ստիպեց պատրիարքությանն ու համայնքին ստեղծված վիճակից ելքի ուղիներ փնտրել, և հիմք ընդունելով Հայ Առաքելական եկեղեցու կանոնադրական որոշակի նորմեր՝ որոշում կայացվեց անցկացնել աթոռակից պատրիարքի ընտրություններ: Ըստ քուրքական օրենքների, պատրիարքի ընտրության քույլտվություն է տալիս Ստամբուլի նահանգապետարանը, որն ել իր հերթին դա ստանում է ներքին գործերի նախարարությունից: 2009թ. վերջին Պոլս Հայոց պատրիարքության անունից դիմում էր ներկայացվել Ստամբուլի նահանգապետարան՝ աթոռակից պատրիարքի կամ համապատրիարքի ընտրություններ անցկացնելու քույլտվության խնդրանքով, իսկ որոշ ժամանակ անց համայնքի անդամներից ձևավորված Նախաձեռնող մարմինն իր հերթին դիմել էր նահանգապետարան՝ խնդրելով պատրիարք ընտրելու քույլտվություն: Այսինքն՝ հայ համայնքի կողմից երկու տարբեր դիմումներ են ներկայացվել, որտեղ կար մի կարևոր իրավական տարբերություն՝ ընտրել պատրիարք, թե՝ աթոռակից պատրիարք: Այս հարցը որոշակի խնդիրներ ի հայտ բերեց համայնքում, և արդեն իսկ առկա տարածայնություններն ել ավելի խորացան, իսկ քուրքական իշխանություններն այս իրավական անորոշությունը պատրվակ համարելով՝ ամիսներ շարունակ անպատասխան թողեցին երկու դիմումներն ել: Հարկ է նկատել, որ համայնքային խնդիրները խորանում են նաև առկա լճացած պայմանների հետևանքով, և ձևավորված ստատուս քվոյի պահպանումը կարող է կործանարար լինել: Թուրքական իշխանութ-

յուններին, իհարկե, ձեռնոտու չեն ակտիվ հովվապետի ընտրությունն ու հայ համայնքի առողջացումը և կազմակերպվածությունը, ուստի կանխատեսելի էր, որ նրանք ամեն ինչ անելու էին ճահճացած իրավիճակի պահպանման համար:

Սկսված գործընթացը ենթադրում էր նաև թեկնածուների առաջարկում. ըստ Հայոց եկեղեցու և Թուրքիայի օրենքների՝ Հայ Առաքելական եկեղեցու միայն ութ բարձրաստիճան հոգևորական իրավունք ունեին հավակնել պատրիարքի աթոռին¹⁰⁴, որուցից հինգը հենց սկզբից իրաժարվեցին մասնակցել ընտրություններին: Մնացած երեքը՝ Գուգարաց թեմի առաջնորդ Սեպուհ Եպիսկոպոս Չուշյանը, Գերմանիայի թեմի առաջնորդ Գարեգին արքեպիսկոպոս Բեքչյանը և Պոլսի պատրիարքության Գերագույն հոգևոր խորհրդի նախագահ Արամ արքեպիսկոպոս Աքեշյանը, հայտարարեցին, որ մասնակցելու են ընտրություններին: Սկզբից ներ ակնհայտ էր, որ ըստ ձևավորված սովորույթի՝ քուրքական իշխանություններն անպայման միջամտելու էին այս խնդրին և փորձելու էին պատրիարքի գահին տեսնել իրենց նախընտրած թեկնածուին, որը, շատերի կարծիքով, Թուրքիայի քաղաքացի Արամ արքեպիսկոպոս Աքեշյանն էր: Սակայն սկսված քարոզարշավը հետաքրիր ընթացք ունեցավ, և թեկնածուների այցերն ու հանդիպումները համայնքի հետ էապես փխեցին քուրքական իշխանությունների նախատեսած սցենարը: Գարեգին և Սեպուհ Սրբազններն այցելեցին Ստամբուլ և հանդիպումներ ունեցան համայնքի հետ, որոնք հետաքրիր և քաղմամբ էին: Հատկապես տպավորիչ հանդիպումներ ունեցավ Գուգարաց թեմի առաջնորդ Սեպուհ Սրբազնը, որը համարձակ, սկզբունքային գաղափարներով ու հայացքներով նոր խորաց և նոր շունչ հաղորդեց քարոզարշավին: Այս ամենի արդյունքում համայնքում լուրջ ոգևորություն առաջացավ, և, կարելի է ասել, հենց հայաստանցի թեկնածուն էլ դարձավ ընտրությունների հավանական ֆավորիտը:

¹⁰⁴ Պոլսու Հայոց պատրիարքի աթոռին իրավունք ունեն հավակնելու այն հոգևորականները, ովքեր կամ Թուրքիայի քաղաքացի են, կամ ծնունդով Թուրքիայից են:

Համայնքում արողակից պատրիարքի ընտրության հետ կապված սպասողական վիճակը տևեց մի քանի ամիս, և միայն 2010թ. հունիսի 29-ին Թուրքիայի ներքին գործերի նախարարությունը Ստամբուլի նահանգապետարանի միջոցով, ի վերջո, պատասխանեց իայ համայնքի դիմումներին: Նշվում էր, որ իշխանությունները նպատակահարմար չեն գտնում ո՞չ պատրիարքի և ո՞չ էլ արողակից պատրիարքի ընտրությունները, այլ թույլտվություն են տալիս ընտրել պատրիարքի ընդհանուր փոխանորդ: Նկատենք, որ արդեն իսկ կար պատրիարքի փոխանորդ ի դեմս Պոլսու արողի ամենատարեց հոգևորական Շահան արքեպիսկոպոս Սվաջյանի, որը հիշյալ պատասխանից անմիջապես հետո հրաժարական տվեց, և մի քանի ժամ անց պատրիարքության հոգևոր խորհուրդը հապշտապ պատրիարքի ընդհանուր փոխանորդ ընտրեց Արամ արքեպիսկոպոս Աքեշյանին: Սակայն այստեղ կա նաև հստակ իրավական խնդիր. պատրիարքական ընդհանուր փոխանորդին նշանակում է հենց ինքը՝ պատրիարքը, այլ ոչ թե ընտրում է հոգևոր խորհուրդը: Այսինքն՝ թույլ է տրվել օրենքի խախտում: Այս ամբողջ գործընթացն ապացուցում է, որ թուրքական իշխանությունները մեծապես հետաքրքրված են և ուղղակի միջամտեցին հարցին: Մյուս կողմից, նրանց քայլերի տրամաբանությունը հուշում է, որ փոխանորդ ընտրելու թույլտվության որոշմանը նրանք գնացել են այն քանից հետո, երբ հասկացել են, որ առկա ռեսուրսները քավարար չեն իրենց նախընտրելի քեկնածուին համահամայնքային ընտրություններում հաղթելու համար:

Այս ամենը քավական քացասական ազդեցություն ունեցավ Թուրքիայի հայության վրա, և այն ոգևորությունը, որ նկատվում էր համայնքում նախընտրական քարոզարշավի ժամանակ, անմիջապես տեղը զիջեց հուսախարությանն ու անորոշությանը: Քացի այդ, ներհամայնքային երկպառակությունները և խմբավորումների միջև պայքարն էլ ավելի սրվեցին: Այսօր էլ համայնքում պատրիարքի ընտրության հետ կապված խմբումները չեն դադարել, ընդհակառակը, մեծ քափ են ստանում. մասնավորապես՝ ընթանում է ստորագրահավաք, որով պահանջում են հա-

մապատրիարքի ընտրություններ և իրենց բողոքն են հայտնում փոխանորդության դեմ:

Ավելորդ չեղտել, որ նմանատիպ վիճակ, երբ արգելվել է ընտրել Հայոց պատրիարք, Թուրքիայում ստեղծվել է երկու անգամ. առաջինը՝ երբ իշխանության եկան քեմալականները և ծավալվեց քեմալական ազգայնականությունը, և երկրորդը՝ 1940-ական թվականներին, երբ երկրում աճում էին ազգայնամոլությունն ու պանթուրքիզմը: Երկու դեպքում էլ համայնքում հետընթաց, խնդիրների սրում և երկպառակության խորացում արձանագրվեցին: Կանխատեսելի է, որ նմանատիպ ապագա է սպասվում համայնքին նաև երրորդ փոխանորդության շրջանում:

* * *

Լոգանի պայմանագրից սկսած մինչև օրս Պոլսի Հայոց պատրիարքության իրավական կարգավիճակը հստակեցված չէ, օրենքի տեսակետից այդ կառույցն իրավաբանական անձ չի հանդիսանում և սեփականության իրավունք չունի: Օրենսդրության Պոլսի պատրիարքությունը Քումբավիլի Մայր եկեղեցուն կից հաստատություն է: Այդ իսկ պատճառով այն իրավունք չունի անշարժ և շարժական գույք գնել, և գնված սահմանափակ գույքը գրանցվում է պատրիարքի անունով: Օրենսդրության խնդիր գոյություն ունի նաև Պոլսի պատրիարքի հանգամանքի կամ կարգավիճակի հետ, որը հանդիսանում է հայ առաքելական համայնքի հոգևոր առաջնորդը:

Պոլսի Հայոց պատրիարքի ընտրությունները կանոնակարգվում են 18.09.1961թ. ընդունված Թուրքիայի Հանրապետության նախարարների խորհրդի թիվ 5/1654 որոշմամբ, որով սահմանվում են համայնքի կողմից երկաստիճան ընտրություններ: Ընտրությունից հետո Թուրքիայի նախարարների խորհուրդը շնորհավորական նամակ է հղում նորընտիր պատրիարքին, և դա համարվում է ընտրության արդյունքի պաշտոնական ճանաչում: Այդ նամակից հետո նորընտիր պատրիարքը, համաձայն 1934թ. ընդունված 259 թվակիր տարագի (սքեմի) մասին օրենքի, իրա-

վունք ունի եկեղեցու տարածքից դուրս և կրել կրոնական հանդերձանք՝ բացառիկ իրավունք, որից օգտվում են մուսուլմանների Կրոնական գործերի նախազահը, իույն պատրիարքը և իրեա համայնքի կրոնապետը:

Համայնքի կարևոր խնդիրներից է հոգևոր բարձրագույն կրթական հաստատության բացակայությունը (հոգևորական պատրաստող Սուրբ Խաչ Դպրեվանքի 1969թ. փակումից հետո), ինչի պատճառով զգացվում է հայ հոգևորականների պակաս: Թուրքիայի օրենսդրությունն արգելում է օտարահպատակին հոգևորական պաշտոն զբաղեցնել: Մի քանի տարի առաջ Պոլսի Հայոց պատրիարք Մեսրոպ Մութաֆյանը բարձրացրել է այս հարցը՝ առաջարկելով նույնիսկ համալսարաններից մեկում համապատասխան ֆակուլտետ ստեղծել: Պոլսի պատրիարքությունը հոգևոր կրթություն ստանալ ցանկացողներին գործուղում է Երուսաղեմ կամ Էջմիածին, սակայն, այնուամենայնիվ, հոգևորականների պակաս գոյություն ունի: Այդ իսկ պատճառով մի հոգևորական ստիպված է մի քանի եկեղեցի սպասարկել: Ստամբուլում այսօր քիչ չեն այն քաղամասերը, որոնց եկեղեցիները գործում են տարին կամ ամիսը մեկ օր: Ավելի անմիտքար վիճակ է տիրում գավառների հայ եկեղեցիներում, որտեղ տարվա որոշակի ամիսներին է միայն հոգևորական գործուղվում Ստամբուլց: Նշենք, որ հոգևոր դպրոցի խնդիրը վերաբերում է ոչ միայն Թուրքիայի հայ համայնքին, այն ավելի սուր է արտահայտվում հունաց համայնքի պարագայում: 1971թ. զինվորական միջամտությունից հետո փակվել է Հեյքելի կղզում գտնվող հունական հոգևոր դպրոցը, ինչի հետևանքով այսօր Հունաց տիեզերական պատրիարքությունը չի կարողանում հոգևորականներ պատրաստել: Հունական համայնքի հոգևորականների առաջացած տարիքը և երիտասարդ սերնդի փաստացի բացակայությունն օրինական վիճակ են ստեղծել Հունաց պատրիարքության համար, ուստի և պատրիարք Բարդուղիմեոսը հնարավոր բոլոր ատյաններում բարձրացնում է այս հարցը: Կարելի է ասել, որ հունական հոգևոր դպրոցի հարցը այսօր բուրք-հունական միջպետական հարաբերություններում զբաղեցնում է ամենակարևոր տեղերից մեկը: Այս

ամենին զուգահեռ Հայոց պատրիարքությունը և բարձրածայնում և օրակարգում է պահում հայկական Սուրբ խաչ Դպրեվանք հոգեսոր դպրոցի վերաբացման հարցը, որն անհամեմատ ավելի քիչ պրոբլեմային կարող է լինել:

* * *

Արդեն 17-րդ դարի սկզբին Պոլսո պատրիարքությանն էին պատկանում Օսմանյան կայսրության տարածքում գոյություն ունեցող բոլոր առաքելական վանքերն ու եկեղեցիները¹⁰⁵: 1900-ական թվականների սկզբին պատրիարքությունն ունեցել է 1181 եկեղեցի և 132 վանք¹⁰⁶: Այսօր Պոլսո պատրիարքության իրավասության տակ է գտնվում ընդհանուր առմամբ 43 եկեղեցի, որոնցից 42-ը՝ Թուրքիայում, մեկը՝ Կրետե կղզում¹⁰⁷: Թուրքիայի 42 հայկական եկեղեցիներից 6-ը գտնվում են Ստամբուլից դուրս՝ Կեսարիայում՝ Սուրբ Գրիգոր Լուսավորիչ, Դիարբեքիրում՝ Սուրբ Կիրակոս, Մարտին-Դերիքում՝ Սուրբ Գևորգ, Խոբենդերունում՝ Սուրբ Քառասուն մանուկանց, Քըրըքհանում՝ Սուրբ Գրիգոր Լուսավորիչ (կիսականգուն) և Սամանդաղ Վաքրֆլում՝ Սուրբ Աստվածածին¹⁰⁸:

Պոլսո Հայոց պատրիարքության խնամքի ներքո են գտնվում Ստամբուլի 16 հայկական գերեզմանատները՝ Բաղլարբաշը Սուրբ խաչ և Սուրբ Կարապետ, Քաղըքյոյում, Քընալլ կղզում, Քուրուչեշմեռում, Բալըքլում, Էղիրնեքափըռում, Հալքջողոլուում (Հասքյոյ), Բաքըքյոյում, Օրթարյոյում, Ռումելիիսարի Բօյաջըքյոյում, Յենի քյոյում, Բույուքդերեռում, Քանոիլիում, Շիշլիում¹⁰⁹: Ի դեպ, Շիշլիի հայկական գերեզմանատան պանթեոնում են հանգչում Հայոց պատրիարքներ, մտավորականներ և մշակույթի գործիչներ, համայնքի հայտնի անձինք:

¹⁰⁵ Հայ Սփյուռք հանրագիտարան, Երևան, 2003, էջ 183:

¹⁰⁶ Նոյն տեղում, էջ 184:

¹⁰⁷ Bebiroğlu M., Patrik, cemaat ve vakıflar, - www.hyetert.com/prnyazi3.asp.

¹⁰⁸ Ulu C., Աշված աշխ., էջ 350:

¹⁰⁹ Özdoğan G., Üstel F.,..... Աշված աշխ., էջ 536:

Բացի Ստամբուլից, Թուրքիայի այլ վայրերում հայոց գերեզմանատները կամ ավերված են, կամ խսպառ ոչնչացված, կամ էլ գտնվում են անխնամ վիճակում. դրանք չունեն նաև իրավական կարգավիճակ: Այսօր Թուրքիայում հայկական գերեզմանատներ պահպանվել են Կայսերիում (Կեսարիա), Մալաթիայում, Վարժիլում, Սեբաստիայում, Արարկիրում:

* * *

Պոլսու հայությունն ունի նաև երկու հիվանդանոց, որոնցից մեկը պատկանում է առաքելական, իսկ երկրորդը՝ կաթոլիկ համայնքին: Պոլսու հայկական հաստատությունների մեջ առանձնահատուկ տեղ ունի Սուրբ Փրկիչ հիվանդանոցը, որը կառուցվել է 1832-33թթ. Գազագ Արքին (Հարություն) ամիրա Բեզօյանի կողմից, իսկ գործունեությունը սկսել է 1834 թվականից: Շենքը գտնվում է Յեղիքովեում, որը 19-րդ դարի սկզբին դուրս էր Ստամբուլի վարչական տարածքից, իսկ այսօր քաղաքի քաղամասերից մեկն է: Հիվանդանոցի շենքի ճարտարապետերն են հոչակավոր Կարապետ Պալյանը և նրա փեսա Օհանես բեյ Սերվերյանը¹¹⁰: Հիվանդանոցը, համալրված լինելով լավագույն սարքավորումներով և մասնագետներով, համարվում է Ստամբուլի կարևոր առողջապահական հիմնարկներից մեկը, որի ծառայություններից օգտվում են ոչ միայն հայ համայնքը, այլև տարբեր ազգերի ներկայացուցիչներ: Սուրբ Փրկիչ հիվանդանոցն այսօր ունի հիվանդների համար նախատեսված 280 մահճակալ, մեկ պոլիկլինիկա, դեղատուն և, բացի այդ, հիվանդանոցին կից կա ծերանոց (270 հոգու համար) ու հոգեմտավոր խանգարում ունեցողների կայան: Յեղիքովեի Սուրբ Փրկիչ հիվանդանոցը նաև հայ համայնքի ամենամեծ և հարուստ հաստատությունն է (կալվածքը): Հիվանդանոցի բակում է գտնվում Սուրբ Փրկիչ մատուռ-եկեղեցին:

¹¹⁰ Նույն տեղում, էջ 538:

Հայ կաթոլիկ համայնքին է պատկանում Ստամբուլի Էլմաղաղ քաղամասում գտնվող Սուրբ Հակոբ հիվանդանոցը, որն ուներ հիվանդների համար նախատեսված 50 մահճակալ և ծերանոց, ուր կարող էին ապաստանել 50 հոգի: Այս հիվանդանոցը կառուցելու նախաձեռնությունը պատկանում է մի շարք հայ կաթոլիկ բարեգործների՝ Գրիգոր Քըլըչյանի զիսավորությամբ: 1836թ. սկսված շինարարությունն ավարտվում է 1837-ին, և հենց նույն տարի էլ բացվում է Սուրբ Հակոբ հիվանդանոցը: 1949թ. հիվանդանոցի կառավարման խորհուրդը որոշում է ընդունում արդիականացնել առողջապահական հաստատությունը, և 1953թ. քանդելով 19-րդ դարի փայտաշեն կառույցը՝ սկսում են նոր շենքի շինարարությունը: Սակայն ֆինանսական խնդիրների պատճառով շինարարությունը տևում է 10 տարի. 1963թ. բացվում է ծերանոցը, իսկ 1968-ին՝ ամբողջ համալիրը: Նորակառույց հիմնարկանի շենքի ճարտարապետն է Արամ Տեր-Հակոբյանը: Սուրբ Հակոբ հիվանդանոցն այսօր ունի հարյուր հիվանդասենյակ, պոլիկլինիկա, ծերանոց, դեղատուն և լաբորատորիա¹¹¹:

Պոլս Հայոց պատրիարքության ղիոքորոշումը Թուրքիայի բռնի կրոնավոխ հայերի վերաբերյալ

Կոստանդնուպոլսի Հայոց պատրիարքությունը, բացի հոգևոր-կրոնականից, ունեցել է և ունի նաև աշխարհիկ-քաղաքական գործառություններ՝ կապված Թուրքիայում ապրող հայության հետ: Օսմանյան կայսրությունում և այնուհետև Թուրքիայի Հանրապետությունում բնակվող հայության տարբեր խնդիրների նկատմամբ Պատրիարքության կեցվածքին և արած քայլերին զուգահեռ՝ հետաքրքրիր է ղիտարկել նաև նրա մոտեցումներն ու քաղաքականությունը հատկապես Հայոց ցեղասպանության ժամանակ բռնի խլամացված հայերի հարցի վերաբերյալ:

Առաջին համաշխարհային պատերազմից հետո, պարտված Օսմանյան կայսրության ղեկավարության առջև Անտանտի ուժերի աջակցությամբ բարձրացվել է Հայոց ցեղասպանության

¹¹¹ Նույն տեղում, էջ 541-42:

տարիներին առևանգված և բռնի խալամացված հայերի խնդիրը: Մասնավորապես, պահանջվել է մուսուլմանների կողմից առևանգված հայ կանաց և երեխաներին վերադարձնել իրենց ընտանիքներին, իսկ ծնողազուրկներին ու ընտանիք չունեցողներին՝ հայկական կամ քրիստոնեական կազմակերպություններին: Այս հարցում լուրջ դերակատարում է վերապահվել Պոլս Հայոց պատրիարքությանը, որը դարձել է Հայոց մնացորդաց փրկության գործի առաջամարտիկը: Մասնավորապես, ստեղծվել են հանձնախմբեր, որոնք ուսումնասիրել և տեղեկություններ են հավաքել այդ տարիներին առևանգված ու բռնի կրոնափոխված հայերի բնակության վայրերի և կարգավիճակների մասին, որից հետո սկսվել է այդ բեկորների փրկության, այն է՝ մուսուլմանական ընտանիքներից ազատելու գործընթացը:

Հայ որբերի և կանաց ազատելու հետ կապված աշխատանքներն առավել ակտիվ սկսվում են 1919թ., Պոլս պատրիարք Զավեն Տեր-Եղիայանի երկրորդ գահակալության տարիներին: Այն ժամանակվա օսմանյան կառավարությունը, ի դեմս ներքին գործերի նախարարության, 1919թ. փետրվարի 5-ին հատուկ իրաման է ուղարկում նահանգներ, որտեղ ասվում էր. «Մուսուլման ընտանիքների մոտ գտնվող հայ կանաց և երեխաներին հանձնել հայերից կազմված հանձնաժողովին»¹¹²: Այս իրամանը, որը ներկայումս էլ պահպան է Թուրքիայի վարչապետի աշխատակազմի օսմանյան արխիվում, ոչ թե կառավարության բարի կամքի դրսերումն էր, այլ արտաքին ճնշման և պարտադրանքի արդյունք: Ուշագրավ է, որ անդրադառնալով այս իրամանին՝ շատ քուրք գիտնականներ այն քննադատում և համարում են ժամանակի կառավարության թուլության ապացույց:

Իհարկե, հայության բեկորներին փրկելու գործընթացը բախվում էր մի շարք խոչընդոտների, որոնցից էր, օրինակ, այն, որ շատ հայուիհներ երեխաներ էին ունեցել իրենց առևանգիչներից (քուրք, քուրդ, արար) և կանգնած էին բարդ երկրներանքի առջև՝ քողնել երեխային և վերադառնալ ակունքներին, թե՝

¹¹² Atnur İ., Türkiye'de Ermeni kadınları ve çocukları meselesi (1915-1923), Ankara, 2005, s. 189.

մնալ մուսուլմանական ընտանիքում: Պետք է նշել, որ այդ ժամանակաշրջանում եղել են դեպքեր, երբ որոշ թվով հայուհիներ, անչափահաս հայ աղջիկ երեխաներ ամոթից ու նաև մերժվածությունից և պարսավաճրից խուսափելու համար նախընտրել են մնալ իրենց առևանգիշների հետ: Հենվելով այս հանգամանքի վրա՝ թուրքական մի շարք աղբյուրներ անհեթեթ պնդում են, որ այդ հայուհիները կամովին էին ընտրել իրենց ամուսիններին, և հանձնաժողովը բռնանում էր նրանց կամքի վրա ու ստիպողաբար վերադարձնում դեպի հայկականություն:

Ինչևէ, ստեղծված հանձնախմբերի չորսամյա (1919-1922թթ.) գործունեության արդյունքում հազարավոր հայեր են ազատվում մուսուլմանական ընտանիքներից և վերադառնում իրենց ակունքներին ու կրոնին: Ամփոփելով աշխատանքների այդ փուլը՝ 1921թ. սկզբին Պոլսոն Հայոց պատրիարքությունը պատրաստել է զեկույց, որի անգլերեն տարբերակն ուղարկվել է ԱՄՆ արտաքին գործերի նախարարություն: Ըստ այդ զեկույցի, 1921թ. դրությամբ մուսուլմանների ընտանիքներում դեռևս մնում էին 63.000 հայ որբեր¹¹³:

Հայոց ցեղասպանության տարիներին բռնի խլամացված հայ երեխաների և կանանց հարցով զբաղվել է նաև Ազգերի լիգան, որի որոշումով ստեղծվում է հետաքննող հանձնաժողով: Վերջինիս պատրաստած զեկույցում նշվում է հայ երեխաներին և կանանց մուսուլմանական ընտանիքներից ազատելու հետ կապված տարատեսակ խոչընդոտների առկայության մասին, տրվում է նաև դրա բացատրությունը. «Այդ հանցանքին մեղսակից էր ողջ ժողովուրդը»: Ավելորդ չեն նշել, որ այդ տարիներին հայ որբերի փրկության գործով զբաղվող միսիոներական և բարեգործական ընկերությունները, բազմաթիվ հայ երեխաների փրկելով մուսուլմանական ընտանիքներից, նրանց տեղափոխում էին արտասահման, հիմնականում Եվրոպա, ԱՄՆ:

Գավառներում մնացած և ուժացման տարբեր մակարդակներում գտնվող հայերի հարցը, այս կամ այն չափով,

¹¹³ Özdemir H., Çiçek K., Turan Ö., Çalık R., Halaçoğlu Y., Ermeniler. Sürgün ve Göç, Ankara, 2004, s. 120, 122-123.

եղել է Պոլսոն Հայոց պատրիարքության ուշադրության կենտրոնում նաև հետազայում: Մասնավորապես, կրոնափոխ հայերի խնդրի ուսումնասիրման և նրանց իրենց ակունքներին վերադարձնելու աշխատանքներ են կատարվել Գարեգին Խաչատուրյան պատրիարքի օրոք: Այդ տարիներին սկսում են Թուրքիայի արևելյան զավառներից քրդախոս հայ Երեխաներ բերել Ստամբուլի հայկական կրթօջախներ: 1961թ. Պոլսոն Հայոց պատրիարք ընտրված Շնորհք Գալուստյանը ոչ միայն ակտիվորեն զբաղվում է ուժացած հայության հարցերով, այլև գիտական հետազոտության է ենթարկում խնդիրը, տալիս Թուրքիայում բնակվող հայության խմբային բաժանումներ, որոնք մինչև այժմ ել օգնում են քեմայով զբաղվողներին: Այսպես, 1980թ. Երուսաղեմում խոսելով Թուրքիայում բնակվող զավառահայության մասին՝ Երջանկահիշատակ պատրիարքը նրանց բաժնում է չորս խմբի:

«ա. Հայեր, որոնք գիտակցարար եւ կամացոր կերպով իսլամացել են, խզուել են հայութիւնից եւ ապրում են քորքերի մէջ: Մրանք են, որ մինչեւ միլիոնի հասնում են իրենց քուով:

բ. Հայեր, որոնք երեք սերունդ առաջ իսլամացել են եւ քրդական աշխրեքական ծեւերով ապրում են մեկուսի եւ չեն խառնում: Խնուսի շրջանում հարիսր ընտանիքներ կան այդպիսիներից, որ գիտեն, թէ հայ են, գիտակցարար իրենց մէջ ամուսնում են եւ փափագում են վերադառնալ իրենց պապերի կրօնին, եթէ իրենց պայմանները ներեն:

գ. Կամայ թէ ակամայ իսլամացած հայեր, որոնք իրենց հայկական զզացումը պահել են եւ Պոլսու հաստատուելուն պէս՝ դատարանի միջոցով իրենց անձնազրի վրայի «իսլամ» գրությունը «էրմենի»-ով են փոխարինում:

դ. Բուն զաւառահայերը, որ պատիս իրենց՝ հակառակ բոլոր զզալի եւ անզզալի դժուարութիւններին՝ հայ են մնացել եւ այսօր

Ստամբուլի հայութեան մեծագոյն մասը նրանցից է քաղկանում»¹¹⁴:

Հատկանշական է, որ հենց Շնորհը պատրիարքի զահակալության տարիներին և մեծապես նրա ջանքերով է «Վարքո Էրմենի աշխրեթի» անվամբ հայտնի քրդախոս հայերի ցեղախումբը տեղափոխվում Ստամբուլ, սկսում շփուկ հայ համայնքի հետ: Հետագայում այդ ցեղախումբը տեղափոխվում է Բելգիա, և այժմ հիմնականում բնակվում են այնտեղ: Ի դեպ, Վարքո ցեղախումբի անդամ է նաև Հրանտ Դինքի կինը՝ Ռաքել Դինքը:

Պոլսո պատրիարք Մեսրոպ Մութաֆյանը ևս բազմից անդրադել է իսլամացված հայության խնդրին: 2007թ. մայիսի 30-ին, օրինակ, մի հանդիպման ժամանակ նա հայտարարել է. «Պետք չէ մոռնալ նաեւ, որ տեղահանութեան ընթացքին, տեղահան ըլլալէ փրկուելու համար, մեծ թիւով հայեր մահմետականութիւնը ընդունեցին: Մենք զանոնք եւս մեզմէ կը նկատենք»¹¹⁵:

Թուրքիայի իսլամացված հայերի խնդրին է անդրադել նաև ներկայումս Պոլսո պատրիարքի ընդհանուր փոխանորդ Արամ արքեպիսկոպոս Աքեշյանը: Թուրքական հայտնի «Հյուրիյեթ» թերթին տված հարցազրույցում Արամ Արքազանն ասել է, որ իսլամացումներ տեղի են ունեցել նաև հանրապետական շրջանում, որից զերծ չի մնացել նաև իր ընտանիքը: Մասնավորապես, նրա քույրն ու փեսան 1950-ական թվականներին ստիպված ընդունել են իսլամ և այսօր էլ ապրում են Դիարբեքիրում՝ որպես մուսուլման: Լրագրողի այն հարցին, թե քիստոնեության և իր արմատներին վերադառնալ ձգտող էթնիկ հայերի նկատմամբ ինչպիսին է պատրիարքության վերաբերմունքը, Աքեշյանը պատասխանել է. «Թուրքիայում ցանկացած քաղաքացի կարող

¹¹⁴ Ալիք. Թեհրան, 18.12.1980, նույնը տես նաև Խանլարեան Կ., Հայ բնակչութեան էթնոկրօնական վերակերպումները Թուրքիայի Հանրապետութիւնում (1923-2005), Անթիլիաս, 2009, էջ 27:

¹¹⁵ Մասունեան Յ., Ի՞նչն է Մեսրոպ պատրիարքին քաղաքական յայտարարութեանց դրդապատճառը, - Ազդակ, Բեյրութ, 08.06.2007, նույնը տես նաև Վարդանյան Ս., Կրոնափոխ համշենահայերի բարբառը, բանահյուսությունը և երգարվեստը, Երևան, 2009, էջ 32:

է դիմել անձնագրային բաժին և փոխել իր կրոնը: Սակայն չի նշանակում, որ քրիստոնեություն ընդունած մարդը մեր կողմից միանգամից հայ է ընկալվում: Դրա համար բավական ժամանակ է պահանջվում: Կա վեցամյա դասընթաց, որի ընթացքում նայում ենք, թե նա ինչքան է հավատարիմ իր արմատներին, և եթե տեսնում ենք իր արմատներին վերադառնալու հաստատակամություն, ապա պատրիարքությունը տալիս է համապատասխան փաստաթուղթ, որով տվյալ անձը կարող է գնալ անձնագրային բաժանմունք և փոխել կրոնը՝ ընդունելով քրիստոնեություն: Այնուհետև այդ մարդը կնքվում է և դառնում Հայ Առաքելական Եկեղեցու անդամ»¹¹⁶:

Այնուամենայնիվ, հարկ է հաշվի առնել, որ քուրքական իշխանություններն ու հասարակությունն անհանդուրժող և խիստ բացասական վերաբերմունք ունեն քրիստոնեություն վերընդունողների նկատմամբ, և շատերը, ցանկության դեպքում էլ, վախենում են նման քայլի դիմել:

¹¹⁶ Konuralp O., Türkiye Ermenilerinin gizli kalmış travması, - Hürriyet, 22.11.2009.

ԽԱՌԱՄՈՒՄՈՒԹՅՈՒՆԵՐԸ ԵՎ ՆԵՐՁԻՆ ԱՄՈՒՄՈՒԹՅՈՒՆԵՐԸ ԹՈՒՐՁԻԱՅԻ ՀԱՅՈՒԹՅԱՆ ԾՐՁԱՆՈՒՄ

Խառնամուսնությունների և ներքին ամուսնությունների երևոյթները հարկ է դիտարկել Թուրքիայի հայության երկու տարբեր խմբերի օրինակով՝ առաքելադավան և բռնի կրոնափոխ:

Հայության շրջանում էնդոգամիան (ներքին ամուսնությունները) լայն տարածում ունի, և փորձ է արվում դա հատկապես պահպանել Հայաստանի Հանրապետության սահմաններից դուրս: Պոլսի համայնքում ևս էնդոգամիային մեծ ուշադրություն է հատկացվել, սակայն տեղի ունեցող մի շարք գործընթացներ իրենց ազդեցությունն են քողել նաև այս երևոյթի վրա, և այսօր համայնքում խառնամուսնությունները հետզհետեւ շատանում են, նույնիսկ հնչում են տեսակետներ, թե որանք հասել են 40-50 տոկոսի: Այս ամենը մտահոգիչ է. հարցին պետք է մոտենալ նաև այն տեսանկյունից, որ խառնամուսնություններն իրենց հետ բերում են մի շարք խնդիրներ, մասնավորապես՝ այդ ամուսնություններից ծնված երեխաների կրոնական պատկանելության և ազգային ինքնազիտակցության հարցերը:

Փաստենք, որ և «քնիկ» պոլսահայերը, և հատկապես տարբեր տարիներին Ստամբուլ տեղափոխված զավառահայերը նախկինում խստորեն պահպանում էին ներքին ամուսնությունների սովորույթը, և կարելի է ասել, որ մի քանի տասնամյակ առաջ համայնքում խառնամուսնություններ գրեթե չկային կամ էլ փոքր թիվ էին կազմում: Բացի այդ, կարևոր էր այն հանգամանքը, որ պոլսահայ համայնքն ինքը հանդուրժողական չէր խառնամուսնությունների նկատմամբ, ինչը ևս կանխարգելիչ դեր էր խաղում: Հայ համայնքի անդամներն անգամ չէին էլ մասնակցում այդօրինակ հարսանյաց հանդեսներին: Հայոց պատրիարքությունը՝ ի դեմս եկեղեցու, նույնպես ընդգծված բացասական վերաբերմունք ուներ խառնամուսնություններին: Սակայն այժմ վիճակը փոխվել է, տարբեր հանգամանքներ, ինչպիսիք են՝ համայնքի կենսակերպի և մտածելակերպի փոփոխումը, ավանդական կյանքի ձևի աղճատումը, պատրիարքության դերի թուլա-

ցումը և պասիվ աշխատանքը, գլոբալզացիան և այլն, ազդել են էթնոպահպանիչ այդ հանգամանքի՝ ներքին ամուսնությունների վրա: Սրան զուգահեռ, փոխվում է նաև համայնքի վերաբերմունքը խառնամուսնությունների խնդրին, որն առավելապես ունի հարկադրված քնույթ: քանի որ խառնամուսնությունների թիվն այսօր մեծ ծավալներ է ընդգրկում, ուստի համայնքը ստիպված է համակերպվել որան:

Ուշագրավ է և, միևնույն ժամանակ, կարեռ, որ Թուրքիայի հայության մեկ այլ շերտում, որն առավելապես հայտնի է ծպտյալ հայեր անվամբ, պահպանվել են ներէթնիկ ինքնազիտակցության հետաքրքիր դրսերումներ, որոնցից է նաև ներքին ամուսնությունների սովորույթը: Նախ նշենք, որ ծպտյալ հայերը Թուրքիայում իրենց գոյությունը պահպանած այն մարդկանց սերունդներն են, որոնք Հայոց ցեղասպանության ժամանակ արտաքուստ ընդունել են իսլամ, սակայն զաղտնի շարունակել են հայկական-քրիստոնեական մի շարք սովորույթներ: Այսօր էլ ծպտյալ հայերն արտաքուստ մուսուլման ներկայանալով՝ ոչ միայն զաղտնի շարունակում են ազգային-կրոնական որոշ սովորույթներ, այլև ձգտում են ամուսնանալ իրենց նման ծպտյալ հայերի հետ: Ընդ որում՝ ներքին ամուսնությունների ժամանակ երկրորդ պլան են մղվում տարիքային, դասակարգային, սոցիալական և այլ խոչընդոտներ: Այսինքն՝ ծպտյալ հայերը, կարելի է ասել, էթնիկ ինքնապահպանաման քնազդով ձգտում են պարտադիր ամուսնանալ հայի հետ: Ներքին ամուսնությունների ինստիտուտը ենթադրում է նաև ծպտյալ հայերի շրջանում որոշակի ցանցի առկայություն, որը բույլ է տալիս նրանց, թեկուզ հեռակա, ճանաչել միմյանց: Երբեմն այս վարկածի օգտին է խոսում նաև ներքին ամուսնությունների աշխարհագրությունը, երբ քավական հեռու գյուղերի բնակիչներ ամուսնանում են իրար հետ: Օրինակ՝ Գերմանիա տեղափոխված մշեցի ծպտյալ հայ Հաջի Մեհմեթ Դեմիրչիզիլը նշում է. «Արեւմտեան Հայաստանի բոլոր դաւանափոխ հայերը լաւապէս ճանաչում են մէկը միւսին»¹¹⁷:

¹¹⁷ Խանլարեան Կ., Հայ բնակչութեան էթնոկրօնական վերակերպումները Թուրքիայի Հանրապետութիւնում (1923-2005թթ.), Անթիլիաս, 2009, էջ 153. մեջբերված է www.hetq.am կայքէջից:

Ծպտյալ հայերի մեջ տարածված ներքին ամուսնությունների սովորույթի և փոխադարձ ճանաչման հնարավոր ցանցի գոյության որոշ փաստերի ենք հանդիպում նաև հայկական թեմատիկայով գրված ժամանակակից թուրքական փաստագեղարվեստական գրականության մեջ: Օրինակ, գերմանաբնակ թուրք գրող Քեմալ Յալչընի «Քեզնով է ուրախանում սիրտս» փաստագեղարվեստական գրքում քյահթացի ծպտյալ հայի զավակ, Գերմանիայում բնակվող Հաջը Իբրահիմը, խոսելով ներքին ամուսնությունների մասին, ասում է. «*Մեր մօռ ամուսնութիւնը միշտ «մերիններուն»*» (ծպտյալ հայեր- Ռ.Մ.) միջեւ տեղի կ'ունենայ: *Դուրս ոչ աղջիկ կը տրուի, ոչ ալ դուրսէն աղջիկ կ'առնուի»¹¹⁸:* Իսկ երբ նրանց դրացի քուրդը խնդրել է Հաջը Իբրահիմի քրոջ ձեռքը, նրա հայրը մերժել է, սակայն վախենալով, որ կարող են աղջկան փախցնել, ամուսնացրել է «մերոնցից» ճանատ, տգեղ, աղքատ և որբ մի հովվի հետ: Քեմալ Յալչընի նույն գրքում ծպտյալ հայուհի Սուլթան Բարլրջըգիլը պատմում է, որ իր պապը չորս տղաներին էլ ամուսնացրել է ծպտյալ հայերի հետ, իսկ 12-ամյա աղջկան, վախենալով, որ քրդերը կփախցնեն, ամուսնացրել է 30-ամյա ծպտյալ հայի հետ, դրանով իսկ, ըստ իրեն, փրկել աղջկան¹¹⁹: Պատահական չե, որ ծպտյալ հայերի շրջանում տարածված ներքին ամուսնությունների սովորույթը շարժել է նաև թուրք գիտնականների հետաքրքրությունը, և նրանք այդ հարցն ուսումնասիրել են՝ ձեռքի տակ ունենալով բազմաթիվ հնարավորություններ և փաստեր:

Հայ ճարտարապետության պատմության մասնագետ Սամվել Կարապետյանը, անդրադառնալով ներքին ամուսնությունների խնդրին, նշում է. «*Արևմտյան Հայաստանում մահմեղական հայերը, եթե իրենք գտնում են, որ հայ են, միշտ խնդիրներ ունեն տեղի քրդերի հետ՝ նույնիսկ արյունահեղության մակարդակի: Քրդերը նեղվում են, որ մահմեղական հայերն իրենց աղջիկ չեն տալիս, աղջիկ վերցնում են, բայց չեն տալիս»¹²⁰:*

¹¹⁸ Եալչըն Ք., Հոգիս քեզմով կը խայտայ, Երևան, 2003, էջ 350:

¹¹⁹ Նույն տեղում, էջ 359:

¹²⁰ Հարցազրույց Սամվել Կարապետյանի հետ

<http://www.javakhk.net/forum/lofiversion/index.php/t748.html>

Ստամբուլի Գեղիկփաշա քաղամասի Հայ Ավետարանական եկեղեցու հովիպ, վերապատվելի Գրիգոր Աղաբալօղլուն և տվյալներ է փոխանցում խլամացված, ծպտյալ հայերի շրջանում առկա ներքին ամուսնությունների մասին. «Կը յիշեմ, ասկէ քանի մը տարի առաջ, Խարբերդի շրջանէն այցելու մը ունեցանք, որ եկած էր մեզ մօտ վկայելու, թէ Խարբերդի շրջանին մէջ կան երկու զիւղեր, որոնք ծագումով ամբողջութեամբ հայ են, եւ յայտնեց, թէ զիւղին զաւակները իրարու հետ ամուսնութիւն կը կնքեն պարզապէս իրենց արիւնը հայ պահելու համար»¹²¹:

Չարմանալի և, միևնույն ժամանակ, ուշագրավ է, որ ներքին ամուսնությունների սովորույթը պահպանվում է ոչ միայն ծպտյալ հայերի շրջանում, այլև այդ մասին վկայող փաստերի երբեմն հանդիպում ենք նաև խլամացված, ուժացած հայերի և նրանց հետնորդների մէջ: Օրինակ, թուրք հայտնի լրագրողներից Ամբերին Չամանը խոսելով Թոքարի խլամացված հայության և նրա խնդիրների մասին՝ առանձնացնում է նաև ներքին ամուսնությունների հարցը: Ըստ հողվածագրի, Թոքարի խլամացված հայերի ուժացած հետնորդները, ձգտելով պահպանել ներքին ամուսնությունները, հաճախ բախվում են լուրջ խնդիրների, քանի որ հայության այդ սակավաթիվ հետնորդների մեծ մասն ազգականներ են, իսկ նրանց շրջանում խստորեն պահպանված «յոթ պորտի» սովորույթը թույլ չի տալիս ազգականների միջև ամուսնությունները¹²²: Ավելորդ չեն նշել, որ Թոքարի խլամացված հայերը համարվում են իրապես թուրքացած, ուժացած, արմատներից հեռացած, սակայն փաստորեն նրանց մեջ նույնապես նկատվում են ներեթնիկ ինքնազիտակցության տարրեր:

Ստամբուլի «Ակու» թերթի լրագրող Բագրատ Էսդուզյանը նույնապես նշում է, որ իրենց հայկական ծագումը մերժողներն անգամ պահպանում են ներքին ամուսնություններ. «Հանկարծ չինի, որ ուրիշ գերդաստանից աղջիկ առնեն, տղերքը պետք է նույն գերդաստանի աղջկա հետ ամուսնանան: Նրանք մտածում են, որ իրենք տարբեր են, ուրիշներին չպետք է խառնվեն: Ան-

¹²¹ Հարցազրոյց վերապատուելի Գրիգոր Աղաբալօղլուի հետ

<http://www.dnforum.am/showpost.php?p=14426&postcount=20>

¹²² Zaman A., Tokat'ta utanç manzarası, Taraf, 11,7,2008.

նը հստակ չէ, իա՞յ ենք, քրիստոնյա՞ ենք, թէ՞ այն ենք, թէ՞ այս ենք, բայց նրանք իրենց տարբեր են համարում»¹²³:

Վերապատվելի Գրիգոր Աղաբալօղլուն «Զայն համշենական» թերթի գլխավոր խմբագիր Սերգեյ Վարդանյանին տված հարցազրույցում, անդրադառնալով իսլամացված հայերի միջև ներքին ամուսնություններին, ասում է. «(Հայերի-Ռ.Մ.) մէկ մասն ալ Անատոլիա կ'ապրին, իսլամացած են, կ'ըսեն մեր զիտը իայ է, միս զիտն ալ իայ է, մենք իրարու աղջիկ կուտանք, որ դուրսէն մարդ չըստնէ մեր մէջ»¹²⁴:

Ծպտյալ հայերի մեջ շարունակվող ներքին ամուսնությունների հետ կապված մի նրբերանգ ենք վերջերս գրանցել անձնական շփումների արդյունքում: Այսպես, Խարբերդի գյուղերից մեկից Ստամբուլ տեղափոխված մի կրոնափոխ հայ կնոջ հետ զրույցի ընթացքում պարզվեց, որ նա ցանկանում է ամուսնացնել երկու որդիներին և հարսնացու է փնտրում: Մեր հարցին, թե արդյոք ցանկանում է հայ հարսնացուներ գտնել, նա պատախանեց. «Ոչ, հայերը մեզ հետ չեն ամուսնանա»: Այդ դեպքում, հարցրի, երևի մուտքման քուքը կամ քուրդ հարսնացու է փնտրում, որին հետևեց նրա պատասխանը. «Ոչ, ցանկանում եմ մեզ նման ընտանիքներից հարսնացուներ գտնել»: Փաստորեն, կարող ենք ասել, որ կրոնափոխ հայության շրջանում ներքին ամուսնությունների դրդող ազդակներից մեկը հնարավոր է համարել հայության մյուս խմբերի հետ ինտեգրված չլինելու փաստը: Անգամ Ստամբուլում հաստատված կրոնափոխ կամ կրոնադարձ (քրիստոնեություն վերընդունած) հայերը, չինտեգրվելով պոլսահայությանը, ստիպված կամ ենթագիտակցորեն ձևավորել են (կամ գտնվում են դրա ճանապարհին) մի առանձին ազգագրական խումբ, որն իրեն տարբեր է համարում թե՛ հայերից և թե՛ քուքերից: Միզուցե հենց ինտեգրված չլինելու հետևանքով է նաև, որ այսօր Թուրքիայի մուտքման համշենահայերի մի մասն իրեն լրջորեն համարում է «հեմշին» ազգի ներկայացուցիչ, իսկ

¹²³ Հարցազրույց Բագրատ Էսդուգյանի հետ, <http://www.hetq.am/arm/society/8217/>

¹²⁴ «Մայրիկ, մենք իա՞յ ենք», հարցազրույց Վերապատվելի Գրիգոր Աղաբալօղլուի հետ (գրույցը վարեց Սերգեյ Վարդանյանը), «Զայն համշենական», Երևան, 2007, թիվ 34-35:

հայերենի այն բարբառը, որով խոսում է՝ «համշեներեն»¹²⁵: Փաստ է նաև այն, որ մուսուլման համշենահայերի մեջ առկա նման դրսեորումներն այս կամ այն կերպ նկատվում են կրոնափոխաված հայերի տարբեր խմբերի և սերունդների շրջանում ևս:

Ամփոփելով՝ նշենք, որ այսօրվա հայկական Սփյուռքի կարևոր հիմնախնդիրներից է խառնամուսնության երևույթը, որը, ցավոք, աճելու բացահայտ միտում ունի: Ենդոզամիայի (ներքին ամուսնությունների) պահպանմանն ու շարունակմանը խոչընդոտում են նաև ներկայումս տեղի ունեցող համաշխարհային տարատեսակ զարգացումները: Հայտնի գրող Լևոն Շանթը, անդրադառնալով խառնամուսնություններին և ոյրանց բացասական ազդեցությանը, հիրավի դիպուկ պատկերել է խառնամուսնություններից ծնվածների հոգեվիճակը. «Եւ ամենէն դժբախտը խառնազգի ամուսնութիւններուն մէջ՝ տիրող ու իպատակ ազգերու միջեւ կայացածն է. որովհետեւ տիրողի արհամարհանքը, մեծամտութիւնը ու վերէն նայիլը, ինչպէս եւ տիրուածի վիրատր, բողոքող ու խայրող հոգին յաճախ կը բախին իրարու ընտանեկան սեղանին վրայ... Եվ այս տեսակի յարկի մը տակ մեծող սերունդը երկկենցաղ էակ մըն է, զորի ու ցամաքի վրայ միաժամանակ ապրող, բայց ոչ զորին մէջ լողալ զիտէ, ոչ ցամաքի վրայ մարդավարի քալել. Եւ յաճախ կը վերջանայ անով, որ զուրն ալ կ'ատե, ցամաքն ալ, թէեւ իր հոգիին խորքը լուռ տեսչանք մը կը մնայ միշտ վառ՝ կամ զորինը ըլլալու, կամ ցամաքինը»¹²⁶:

¹²⁵Ի դեպ, հարկ է նշել, որ հայության տարբեր խմբերի կողմից իսլամացված համշենահայերին վանելու փաստեր արձանագրվել են ոչ միայն Թուրքիայում, այլև, օրինակ՝ 1944-ին Աջարիայից Միջին Ասիա աքսորված կրոնափոխ համշենահայերի պարագայում ևս: Ինչպես փոխանցում է համշենահայերի խնդիրներով տասնամյակներ զբաղվող բանահավաք Սերգեյ Վարդանյանը, ԽՍՀՄ տարիներին Միջին Ասիայի իսլամացված համշենահայերի ձգտումները՝ վերինտեգրվելու հայությանը, հանդիպում էին անտարբերության և սառնության վերջիններիս կողմից, և 1980-ականներին այդ վայրերը այցելած Վարդանյանին կրոնափոխ համշենահայերն ասել են, թե ինքն առաջին հայն է, որն իրենց համարում է հայ:

¹²⁶Շանթ Լ., Ազգութիւնը հիմք մարդկային ընկերութեան, Երևան, 2008, էջ 43:

ԹՈՒՐԳԻԱՅԻ ՀԱՅՈՒԹՅԱՆ ՓՈԽԱԴԱՐՁ ԸՆԿԱԼՄԱՆ ԽՆԴԻՐԸ

Հայտնի է, որ հայությանը ներսից պառակտող ամենավտաճակոր երևույթներից է փոխադարձ անհանդուրժողականությունը, միմյանց հանդեպ խորքության, կասկածամտության արգահատելի «սովորույթը», որը ժամանակ առ ժամանակ էլ ավելի ցայտուն է զգացվում: Այս երևույթի անքակտելի մասն են կազմում հայության բաժանումներն ըստ ծագման, բնակության վայրի, դաշտանաբարյան, կրոնական, կուսակցական պատկանելության, ֆինանսական կարողությունների: Աշխարհասփյուռ հայության տարբեր հատվածներում այս ամենն ունի ինչպես ընդհանրություններ, այնպես էլ յուրահատկություններ՝ ըստ շրջապատող միջավայրի և հանգամանքների: Հարկ է նշել, որ այս երևույթն իր տարբեր դրսերումներով տարածված է ոչ միայն հայության, այլև շատ այլ ազգերի մեջ:

Վերը թվարկվածից անմասն չէ նաև Թուրքիայի հայությունը, ինչը երբեմն ձեռք է բերում սրված բնույթ: Ստեղծված իրավիճակն ավելի լավ պատկերացնելու համար հարկ է համառոտ անդրադառնալ Ստամբուլի հայ համայնքի ոչ հեռավոր անցյալի որոշ մանրամասներին:

Ինչպես նշվեց, տարբեր տարիներին Ստամբուլի հայերի արտագաղթի հետևանքով առաջացած բացը պոլսահայ համայնքը լրացրել է զավառներից տեղափոխված հայության բեկորների շնորհիվ, ընդ որում՝ ներգաղթած հայերը միշտ չեն, որ ունեին «իսկական հային» բնորոշ բոլոր հատկանիշները: Սակայն, տարբեր շերտերից բաղկացած պոլսահայության մեջ տարածված են եղել և այժմ էլ պահպանվում են ըստ ծագման վայրի հայերի բաժանումները կամ «իսկական պոլսահայ»-զավառահայ բաժանումները: Ընդ որում՝ իսկական պոլսահայ նշանակում է ավելի քաղաքակիրք, ավելի մակարդակով, իսկ զավառացի՝ ցածր մակարդակի, հետամնաց, զավառական տարբեր բարքերի կրող և այլն: Սակայն եթե իրատես լինենք, ապա ներկայիս պոլսահայ համայնքն իրականում կազմված է տարբեր տարիներին

Ստամբուլ գաղթած զավառացի հայերի սերունդներից և, ըստ այդմ, փոխադարձ ընկալման խնդիրը նկարագրելիս ավելի ճիշտ կլիներ օգտագործել ոչ թե պոլսահայ-զավառահայ, այլ՝ ավելի վաղ Ստամբուլ տեղափոխված զավառահայ և ավելի ուշ տեղափոխված զավառահայ «քաժանարար» բառեզրերը։ Իսկ պոլսահայ տերմինն ավելի նպատակահարմար է օգտագործել կամ պայմանական, կամ դրա տակ հասկանալ ավելի շատ ստամբուլաբնակ հասկացությունը։ Երևոյթը, սակայն, ամենին չտարածելով ողջ պոլսահայության վրա՝ հարկ ենք համարում նշել, որ մշակութային և այլ կարգի տարբերությունների վրա հիմնված փոխադարձ խորթությունը ցայտուն երևում է նաև ստամբուլաբնակ և հայաստանցի հայերի (որոնք Թուրքիա են գնում աշխատանք գտնելու համար) միջև։

Մեր անձնական դիտարկումները թույլ են տալիս պնդել, որ ներկայումս այս անջրպեսի ամենակարևոր պատճառներից է դասակարգային տարբերությունը։ Այսինքն՝ կարող ենք ասել, որ Ստամբուլում «տեղային ազգայնականությանը» զուգահեռ տարածված և, միգուցե, նաև առաջնային է «դասակարգային ազգայնականությունը»։ Հենց դասակարգային տարբերությունն է հաճախ խոչընդոտ հանդիսանում, որպեսզի ստամբուլաբնակ հայության տարբեր խմբեր կարողանան ազատ շփվել միմյանց հետ, քանի որ նրանց կենցաղը, ապրելակերպը, մտածելակերպը և անզամ խոսվածքը տարբեր են։ Այս ամենը ցույց է տալիս, որ նրանց մեջ առկա տարատեսակ անջրպետները տասնամյակներն անզամ դեռ չեն կարողացել հաղթահարել։

Թուրքիայի հայության միջև հաստատված խնդրահարույց հարաբերությունները ժամանակ առ ժամանակ սրվում և ձեռք են բերում հրապարակային քննություն։ Ստորև ներկայացնում ենք նմանատիպ մի օրինակ, որը լավագույնս ի ցույց է հանում խնդրի տարբեր կողմերը։ Այսպես, 2009թ. մարտի 22-ին Ստամբուլի Սուլթան Երրորդություն եկեղեցու հիմնադրամի ղեկավար կազմի ընտրություններն էին։ Հարկ է նշել նաև, որ հիշյալ հիմնադրամը տիրապետում է քավական լայն ֆինանսական միջոցների, և քննական է, որ սպասվելու էր լարված պայքար։ Թեկնա-

ծուներից մեկը ներկայացնում էր «պոլսահայերին», մյուսը՝ զավառահայերին (սասունցիներին): Նշենք, որ նախընտրական շրջանում արդեն նկատվող լարվածությունն ուղեկցվում էր փոխադարձ մեղադրանքներով, սակայն «պոլսահայ» կողմի կիրառած ամենատարածված հակաքարոզությունն այն էր, որ մրցակիցները հայախոս չեն, անգամ հայ էլ չեն, այլ քուրդ, և պետք չէ եկեղեցին հանձնել քրդերի կառավարմանը: Նմանատիպ մտքերի կիրառումը քարոզական տեխնոլոգիաներում ցույց է տալիս, որ, այնուամենայնիվ, կա մի զանգված, որի վրա էլ հենց պետք է ազդեցություն բողնեին վերոնշյալ մտքերը: Երկու կողմերի քանավեճը լայնորեն արտացոլվեց համայնքային կյանքում և առաջ բերեց համակիրների քանակներ, որոնց շրջանակներում էլ շարունակվեց պայքարը: Ավելին՝ Սուրբ Երրորդություն իիմնադրամի ընտրությունների շուրջ քարձրացած աղմուկը դուրս եկավ համայնքային շրջանակներից, դրան անդրադարձան նաև քուրքական քերթերը: Օրինակ՝ «Հյուրիյեթն» իր «Թուրքերով, քրդերով հայկական ընտրություններ» վերնագրով հոդվածում մանրամասնորեն նկարագրում էր իրավիճակը¹²⁷:

Ինչպես իրավացիորեն նշում է «Ակօս»-ի հեղինակներից Ռոբեր Քոփթաշը. «Հնտորությունները մեզ դեմ հանդիման հանեցին հայ համայնքի ներսում եռացող խորականության հետ»¹²⁸: Կրկին ըստ Քոփթաշի, զավառներից համեմատաբար ավելի ուշ Ստամբուլ տեղափոխվածների՝ ավելի հին ստամբուլաբնակ հայերի կողմից չընդունվելու համար, քացի դասակարգայինից, նաև այլ կենցաղային հանգամանքներ կան: Այս ամենը հայության մի շերտի համար շատ կարևոր է, քանի որ ըստ տարածված տեսակետի, հայերը միայն քաղաքակիրք, քարձրաշխարհիկ պետք է լինեն, և զավառահայերը լուրջ վնաս են հասցնում արդեն ձևավորված հայի կերպարին¹²⁹: Այստեղից է ծագում նաև նրանց քուրդ անվանելով «փսկական հայի» կերպարը մաքուր պահելու ձգտումը:

¹²⁷ Türklü, Kürtlü Ermeni seçimi, - Hürriyet, 04. 05.2009.

¹²⁸ Koptaş R., Mağdur Ermeni, gaddar Ermeni, - Agos, 03.04.2009.

¹²⁹ Koptaş R., Güç siyaseti, - Agos, 03.04.2009.

Կարելի է ասել, որ այդ ընտրությունների հետևանքով համայնքում խորացան երկփեղկված տրամադրությունները: Օրինակ՝ «Ակոս» շաբաթաթերթը, որն ակտիվորեն լուսաբանում էր հիմնադրամի շուրջ ընթացող զարգացումները և քննադատում զավառացի հայ ու պոլսահայ քաժանումները, արժանացավ համայնքի տարբեր անդամների քննադատությանը, թե իբր նրանք խիստ չափազանցված և միտումնավոր են ներկայացնում հայության միջև եղած անջրապետներն ու հրահրում արհեստական լարվածություն¹³⁰: Ուշագրավ է հատկապես այն, որ երկու կողմերն ել դեմ էին արտահայտվում պոլսահայ և զավառացի հայ խորական սահմանումներին և դա համարում համայնքի շահերին դեմ: Պոլսահայ Արեք Յամանն իր հողվածում փոքր-ինչ հուտորական հարց է առաջ քաշում, որը ևս մտորելու տեղիք է տալիս: Այսպես, նա իրավացիորեն հարցնում է, թե ինչու մինչև այժմ համայնքում նման վեճեր և խորականություն չեն եղել, իսկ իմա դա որոշ թերթեր (նկատի ունի «Ակոսը») տիրաժավորում են¹³¹: Իհարկե, մենք այստեղ համաձայն չենք հեղինակի հետ, քանի որ այդ խորական տրամադրությունները հաճախ են եղել Պոլսի հայ համայնքի մի հատվածի մեջ, ուղղակի նման հնչեղություն դեռ չեին ստացել: Այդպիսի խորական վերաբերմունքի ցայտուն օրինակներ կարող ենք հանդիպել տարբեր տարիներին զավաներից Ստամբուլի հայկական դպրոցներ սովորելու եկած հայերի մեջ: Հարկ է նկատել նաև, որ այս երեսույթը փոխադարձ է, և հաճախ զավառահայերի կողմից ել խորական վերաբերմունք է ցուցաբերվում ավելի հին ստամբուլաբնակների նկատմամբ:

Հայ Առաքելական եկեղեցու Գուգարաց թեմի առաջնորդ Սեպուհ Եպիսկոպոս Չուլջյանը, որը ծագումով Մալաթիայից է, մեզ պատմել է իր ընտանիքի օրինակի մասին, որը խորությամբ պատկերում է հայության մեջ տարածված խորականության

¹³⁰Çiçekeker A., Sunî gündem: Beyaz Ermeni-taşralı Ermeni aygımı, - www.hyetert.com/yazi3.asp?s=3&Id=434&Dilld=1; Yaman A., Beyaz Ermeni tartışmaları, - www.hyetert.com/yazi3.asp?s=2&Id=436&Dilld=1.

¹³¹ Yaman A., Beyaz Ermeni tartışmaları, www.hyetert.com/yazi3.asp?s=2&Id=436&Dilld=1.

տարբեր դրսեորումներ: Այսպես, ըստ նրա. «*Մեզ Մալաթիայում շրջապատի մուսուլմանները ասում էին «զյավուր» հայեր, երբ տեղափոխվեցինք Ստամբուլ, հայկական դպրոցում, որ հաճախում էինք, մեր համադասարանցիները մեզ ասում էին «քրողեր»: Տարիներ հետո տեղափոխվեցինք Հայաստան, որ մեզ ասում էին «ախապարներ», իսկ հետագայում, երբ ընտանիքիս մի մասը հաստատվեց ԱՄՆ-ում, նրանց սկսեցին անվանել «հայաստանցիներ»»»:*

Անկասկած է, որ հայության տարբեր խմբերի միջև փոխադարձ ընկալումը և լավ հարաբերությունները կարող են օգուտ բերել հենց հայությանը, իսկ նոր բաժանարար գծեր և հանգամանքներ գտնելն ու դրանք քարոզելը խաթարում են մեր առանց այն էլ երերուն միասնականությունը:

ԱՍԱԲՈՒԼԱՀԱՅ ՀԱՍԱՅՆՔԻ ՏՆՏԵՍԱԿԱՆ ԿՅԱՆՔԸ¹³²

Երիտրուրքերի՝ հայերի և հույների նկատմամբ վարած քաղաքականության նպատակներից մեկը նրանցից տնտեսական լծակները խլելն էր և բռնազրավված տնտեսական կարողության հիման վրա ազգային՝ թուրքական բուրժուազիա ձևավորելը: Երիտրուրքական կուսակցությունում այդ քաղաքականության իրականացումը հանձնարարված էր կուսակցության ամենազդեցիկ անդամներից մեկին, հետագայում՝ 1919-1923թթ. Թուրքիայում ծավալված ազգայնական (քեմալական) շարժման առաջնորդներից Քարա Քեմալին¹³³:

Ներկայում Թուրքիայում բազմաթիվ հայտնի գործարար տների կարողության հիմքը Հայոց ցեղասպանության տարիներին հայերից բռնազրավված հարստությունն է: Նման գործարարների թվին են պատկանում Թուրքիայում խոշոր ընկերությունների հիմնադիրներ, ինչպիսիք են Սաքը Սաքանջըն, Էյուփ Սաքը Թունջերը և ուրիշներ: Օրինակ՝ Սաքանջըն է անցել Աղանայի հայերի, մասնավորապես Մանուկյան ընտանիքի ունեցվածքը: Հայերի հարստության բռնազավթման և հավանական փոխհատուցման խնդիրները որոշակի դեր ունեն Թուրքիայի կողմից Հայոց ցեղասպանության ժխտման քաղաքականության մեջ: Սի շարք թուրք գիտնականներ նույնիսկ պնդում են, որ միայն տարիներ անց, եթե հայերից խլած ունեցվածքը վերջնականապես կփոշիանա, Թուրքիան կարող է ճանաչել 1915թ. ցեղասպանությունը:

1915թ. Հայոց ցեղասպանության հետևանքով ոչնչացվեց և բուրքացվեց Փոքր Ասիայում ապրող հայերի կապիտալը, սակայն ստամբուլաբնակ հայերին հաջողվեց մասամբ պահպանել իրենց ունեցվածքը: Ցեղասպանությունից շատ չանցած՝ նրանք դարձան արդեն հանրապետական Թուրքիայի իշխանությունների դաժան քաղաքականության թիրախ¹³⁴ և, ինչպես

¹³² Այս գլխի հեղինակն է պ.գ.դ. Արսեն Ավագյանը: Այն, փոքր-ինչ ավելի ընդարձակ ծևով, տեղ է գտել Ավագյան Ա., Մելքոնյան Ռ., Ստամբուլի հայ համայնքի արդի իրավիճակը, Երևան, 2009, գրքի 87-95 էջերում:

¹³³ Tunaya T., Türkiye'de siyasal partiler, cilt III, İttihat ve Terakki, bir çağın, bir kuşağın, bir partinin tarihi, İstanbul, 2000, s. 408-411.

¹³⁴ Okutan Ç., Tek parti döneminde azınlık politikaları, İstanbul, 2004, s. 109-154.

նշվեց առաջին գլխում, 1942թ. «Ունեցվածքի հարկ»-ի հետևանքով նույնապես ունեզրկվեցին ու սնանկացան:

Ավելի ուշ՝ 1950թ. Դեմոկրատական կուսակցության իշխանության գալով և տնտեսական քաղաքականության որոշ ազատականացմամբ փոքր-ինչ տանելի պայմաններ ստեղծվեցին ստամբուլահայ համայնքի տնտեսական զարգացման համար: Թուրքիայի վարած քաղաքականության պայմաններում, երբ համայնքային կրթօջախներին և հաստատություններին որևէ պետական աջակցություն չի ցուցաբերվում, համայնքի տնտեսական կայունությունը, գործարարների և բարձր եկամուտ ունեցողների առկայությունը, որոնք կարող են նվիրատվություններ անել, ունի նաև համայնքապահպան նշանակություն: Համայնքի դպրոցների բյուջեների պակասի լրացումը, եկեղեցիներին կամ համայնքին պատկանող սրահների վերանորոգումը, երկու մարզական ակումբների (Շիշլի և Թաքսիմ) գործունեությունն իրականացվում են նվիրատվությունների շնորհիվ:

Ինչպես վերը նշվեց, 1960-90-ական թթ. բազմաթիվ ունեոր պոլսահայ ընտանիքներ արտագաղթեցին Եվրոպա և ԱՄՆ, իսկ զավառներից Ստամբուլ տեղափոխված հայերը նյութական կարողություններից զուրկ էին, սակայն նրանցից մի քանի ընտանիքներ երկարամյա ջանքերի շնորհիվ կարողացան որոշակի կապիտալի տեր դառնալ: Ուշագրավ է, որ ֆինանսական ասպարեզում հաջողության հասած զավառահայերի մի մասը, որն օրյեկտիվ պատճառներով այդքան էլ ծանոթ չէ հայկական մշակույթին, երբեմն հայախոս էլ չէ, հաճախ առատ նվիրատվություններ է անում համայնքային խնդիրների լուծման համար:

Զգալի հարստության տերերի թվին է պատկանում Թուրքիայում մեծ համբավ ծեռք բերած Մաթիլդ Մանուկյանը (1914-2001թ.), որը մի քանի տարի անընդմեջ Ստամբուլի ամենաբարձր անհատ հարկ վճարողն էր: Խոշոր հարկատու լինելու շնորհիվ նա մի քանի անգամ շահել է համապատասխան մրցանակ, որը պետք է հանձնեին երկրի բարձրագույն դեկավարները, որոնք էլ (Թուրքութ Օզալ, Սուլեյման Դեմիրել) հրաժարվել են դա անել: Խնդիրն այն է, որ չնայած Մաթիլդ Մանուկյանն ունեցել է մի շարք բիզնեսներ՝ անշարժ գույքի առևտուր, հյուրանոց-

ներևած և այլն, սակայն հասարակության մեջ նա ճանաչում է գտել նրանով, որ տնօրինել է հասարակաց տների:

Ներկայումս Ստամբուլի հայ համայնքի խոշոր գործարար ների կամ մեծ քիզին ունեցողների թիվը չի անցնում 30 հոգուց: Պոլսահայ համայնքի մի շարք խոշոր գործարարներ ընկերություններ ունեն նաև արտերկրում. Եվրոպայում և Ամերիկայում կան հայտնի հայկական գործարար տներ, որոնց հիմնադիրները ծագումով Պոլսից կամ Փոքր Ասիայի երբեմնի հայաշատ բնակատեղերից են, նրանցից է, օրինակ, Գ.Գյուլբենկյանը¹³⁵:

Սակայն համայնքում գերակշռում են մանր և միջին գործարարությամբ զբաղվողները, որոնցից են Ստամբուլի Փակ շուկայի ոսկերչական մասում ավանդաբար գտնվող հայ ոսկերիչները: Ավելորդ չեն նշել, որ ընդհանրապես, Թուրքիայում «հայկական ոսկերչությունն ու արծաթազործությունը» մեծ համբավ ունեն, սակայն վերջին տարիներին հայերն այդ ասպարեզում իրենց դիրքերը զիջել են ասորիներին և քրդերին, որոնք մեծ մասամբ արհեստը սովորել են հայ վարպետներից:

Այսպիսով, Թուրքիայի ընդհանուր տնտեսական կյանքում, քացի մի քանի խոշոր գործարարներից, պոլսահայությունը զգալի ներգրավվածություն չունի: Ի տարբերություն հրեա համայնքի, որին հաջողվել է պահպանել դիրքերը Թուրքիայի տնտեսական կյանքում, հայ և հույն գործարարները թուրքական իշխանությունների վարած քաղաքականության արդյունքում կորցրել են երբեմնի դիրքերը:

Ներկայումս ստամբուլահայ համայնքի ներդրումները Հայաստանում մեծ թիվ չեն կազմում, սակայն երկու երկրների միջև հարաբերությունների կարգավորման դեպքում դրանք կավելանան: Հայաստան-Թուրքիա հարաբերություններում առկա խնդիրները ստիպում են թուրքահայ խոշոր գործարարներին ձեռնպահ մնալ Հայաստանում մեծ ներդրումներ կատարելուց կամ աշխատանքեր հիմնելուց:

¹³⁵ Գալուստ Գյուլբենկյանը. Ինչպես նաև հայտնի հույն գործարար Օնասիսը ծնվել են Կայսերի (Կեսարիա) քաղաքում:

ՍԱՍՔՈՒԼԻ ՀԱՅ ՍԱՄԻԼԸ, ՄՇԱԿՈՒՅԹՆ ՈՒ ՍՊՈՐՏՆ ԱՅՍՈՐ. ՀԱՍԱԽԾ ԱԿՆԱՐԿ

Ինչպես հայտնի է, Հայոց ցեղասպանության ժամանակ առաջին թիրախը եղել են Օսմանյան կայսրության տարածքում բնակվող հայ մտավորականները, որոնց գերակշիռ մասը զոհվել է: Ցեղասպանությունը ծանր հարված է հասցրել նաև պոլսահայ մշակույթին, սակայն Թուրքիայի Հանրապետության առաջին տարիներին արդեն Պոլսու հայ համայնքում սկսել են որոշ քայլեր կատարվել մշակույթի վերազարթոնքի ուղղությամբ:

Արդեն 1920-ականների կեսերից սկսել են հրատարակվել մի քանի պարբերականներ, որոնցից են կրոնական և գրական ուղղվածությամբ «Հայ խոսք» հանդեսը (1924-1930թթ.) և «Նոր լուր» թերթը, որն ունեցել է քաղաքական և առևտրական բնույթ: Բացի սրանցից, սկսել են տպագրվել մի շարք այլ թերթեր և հանդեսներ, ինչպես, օրինակ՝ Բազարատ Թևյանի «Երջանիկին տարեցույցը» (1928թ.), Ավետիս Ալեքսանյանի «Նոր օրը», գրող Ռուբեն Մաշոյանի «Դեպի լույսը» (1950թ.), «ճակատամարտը» (1927-1937թթ.), «Պատկերը» (1931-1945թթ.), «Արևելը» (1932-1938թթ.), «Աստղաբերդը» (1951-1953թթ.), «ճառագայթը» (1947-1952թթ.)¹³⁶: Ստամբուլահայ մամուլի, ինչպես նաև Թուրքիայի քատերական արվեստի պատմության մեջ կարևոր դեր է ունեցել քատերագետ Հակոբ Այվազի «Կովկաս» քատերական ամսագիրը, որը հրատարակվել է 50 տարի շարունակ՝ 1946-1996թթ: Բացի վերոնշյալ պարբերականներից, Ստամբուլում գործող տարբեր հայկական հաստատություններ ևս ունեցել են և ունեն իրենց պարբերականները, որոնցից են, օրինակ, Սուրբ Փրկիչ հիվանդանոցի համանուն հանդեսը, Պոլսու Հայոց պատրիարքության «Շողակաթ» հանդեսը, 1996թ. սկսել է հրատարակվել պատրիարքարանի մյուս պաշտոնական հանդեսը՝

¹³⁶ Pamukciyan K., İstanbul'da yayınlanan bazı Ermeni gazete ve dergileri hakkında ansiklopedik bilgiler, İstanbul/ yazıları: Ermeni kaynaklarından tarihe katkılar- I, İstanbul, 2002, s.189-191.

«Լրաբերը»: Կեղրոնական վարժարանի շրջանավարտների միությունը 1948 թվականից սկսել է հրատարակել «Հանդես Մշակույթի» ամսագիրը, որը որոշ ժամանակ անց փակվել է և վերաբացվել 1993-ին «Հոքինա» անունով, որն այսօր արդեն չի տպագրվում¹³⁷: 1991 թվականից սկսած հրատարակվում է համայնքի միակ մանկական հանդեսը՝ «Ժայռ»: Հարկ է նշել, որ վերոհիշյալ ամսագրերը համայնքային կյանքում մշակույթի և գրականության զարգացման գործում բավական նշանակալից դեր են ունեցել:

Այսօր Ստամբուլի հայ համայնքի հիմնական թերթերը երեքն են՝ «Ժամանակ», «Նոր Մարմար» օրաթերթերը և «Ակոս» շաբաթաթերթը, որը երկլեզու է՝ հայերեն-թուրքերեն:

«Ժամանակ»-ը ստամբուլահայ մամուլի ամենահին օրգան-ներից է, հիմնադրվել է 1908թ. և առաջօր առանց ընդհատումների տպագրվում է: Հիմնադրման առաջին տարիներին թերթին թղթակցել են ժամանակի հայ անվանի մտավորականները՝ Երվանդ Օսյանը, Զապել Եսայանը, Արշակ Չոպանյանը, Վահան Թերեյանը: Թերթի տպաքանակը եղել է 15 հազար¹³⁸: 1920թ. այն միավորվել է «Ժողովրդի ճայն» թերթի հետ և որոշ ժամանակ (մինչև 1924-ը) կոչվել է «Ժողովրդի ճայն-Ժամանակ», իսկ 1935թ. մի քանի ամիս կոչվել է «Ժամանակ-Թուրքիա»¹³⁹: Այսօր թերթի տպաքանակը 1500 օրինակ է և տարածվում է Ստամբուլի հայաբնակ քաղամասերում և Սփյուռքում, խմբագիրն է Արա Քոչունյանը:

«Նոր Մարմար» թերթը հիմնադրվել է 1940թ. Սուրեն Շամլյանի կողմից «Մարմար» անունով, 1967 թվականից խմբագիրն է պոլսահայ մտավորական, գրող Ռոբեր Հատտեզյանը (Հադելեր): 1967-ից թերթը վերանվանվել է «Նոր Մարմար»: Թերթը հայերեն է, սակայն 2001 թվականից շաբաթական մեկ անգամ նրան կցվում է նաև թուրքերեն հավելված, տպաքանակն այսօր

¹³⁷ Özdogan G., Üstel F.,նշված աշխ., էջ 214:

¹³⁸ Նույն տեղում, էջ 215:

¹³⁹ Ramukciyan K., նշված աշխ., էջ 192:

1500 օրինակ է, տարածվում է Ստամբուլի հայաքնակ թաղամասերում և Սփյուռքում:

«Ակու» երկլեզվյա շաբաթաթերթը հիմնադրվել է 1996թ., մինչև 2007թ. գլխավոր խմբագիրն է եղել Հրանտ Դինքը: «Ակու»-ը որոշակի տարբերություններ ունի համայնքի ավանդական մյուս թերթերից: 24 էջանոց թերթի միայն 4 էջն է հայերեն: Երկլեզու թերթի հիմնումը ևս մեկ ապացույցն է համայնքում հայախոսության մակարդակի անկման, բացի այդ, Դինքի նպատակն է եղել նաև համայնքային խնդիրները քուրք ընթերցողին հասու դարձնելը: Թերթին քղթակցում են այսօրվա Թուրքիայի հասարակական կյանքում բավական հայտնի մտավորականներ, վերլուծաբաններ, այն ունի նաև ինտերնետային կայքեջ, այսօր տպաքանակը հասնում է մոտավորապես 5000-ի, որի մի մասը տարածվում է նաև ԱՄՆ-ում, Եվրոպայում, ինչպես նաև Հայաստանում: Ավելորդ չեն նշել, որ թերթը կարևոր աղբյուր է ժամանակակից Թուրքիայում հայության խնդիրների ուսումնասիրության համար:

Ստամբուլահայ գրականության կյանքում կարևոր դեր է խաղում 1993թ. հիմնադրված «Արա» հրատարակչությունը, որը գրադարձ է ինչպես հայերեն գրքերի հրատարակմամբ, այնպես էլ հայ գրականության թուրքերեն թարգմանությամբ և տպագրմամբ:

* * *

Հայ գրականության պատմության ծիրում լուրջ և նշանակալից դեր ունի պոլսահայ գրականությունը, որը ևս զգալի հարված ստացավ 1915-1923թթ. ցեղասպանության ընթացքում: Հարկ է հիշել, որ 1915-ի ապրիլի 24-ին ձերբակալված, աքսորված և կոտորված հայ մտավորականների մեջ էին նաև ժամանակի հայտնի գրողները: Հանրապետական Թուրքիայում որոշակի վակուումից հետո հայ համայնքում կրկին սկսում է ձեւավորվել գրական կյանքը: 20-րդ դարի պոլսահայ գրականության մեջ կարևոր տեղ է գրադեցրել գյուղական թեմատիկան. Թուրքիայի

տարբեր գավառներում վերապրած հայ գյուղացու կյանքին և կենցաղին նվիրված ստեղծագործություններով են հանդես եկել Հակոբ Մնձուրին, Սկրտիչ Մարկոսյանը: Պոլսահայ գրականության հայտնի անուններից են Զահրատը, Զավեն Բիբերյանը, Ռուբեն Մաշոյանը, Վարդ Շիկահերը, Զարեհ Խրախոսին, Ռոբեր Հատտեզյանը, Երվանդ Գոբելյանը, Գրիգոր Զեյհանը և ուրիշներ: Այսօր պոլսահայ գրողների առավել երիտասարդ սերնդի աշքի ընկանող ներկայացուցիչներից են Մարրուի Հակոբյանը, Ժակին Չելիքը, Կարին Քարաքաջլըն, Վերջիհան Զիֆլիոլուն¹⁴⁰ և ուրիշներ:

Երաժշտական արվեստի տարբեր ճյուղեր Ստամբուլի հայ համայնքում բավական բարձր մակարդակի վրա են գտնվում: Պոլսահայ շատ երաժիշտներ կարևոր դեր են խաղացել նաև Թուրքիայի Հանրապետության երգարվեստի զարգացման գործում: Օրինակ՝ թուրքական օպերայի կայացման մեջ զգալի է հայազգի երաժիշտներ Ալիս Մանուկյանի, Ալիս Քիթափջըյանի, Հակոբ Թոփուզի, Ժակին Չարքչը, Անան Շենցանի, Այլին Արեշի, Նուրար Բեյվերդյանի, Պետրոս Գույումջյանի և ուրիշ հայազգիների նպաստը: Ավելորդ չեն նշել, որ Անկարայի օպերային թատրոնը որոշ ժամանակ ղեկավարել է հայազգի Վեդար (Վահե) Գյուրբենը¹⁴¹: Օպերային սիմֆոնիկ նվազախմբում ևս բավական թվով հայազգի երաժիշտներ են աշխատել՝ Վահագն Ասլանյանը (առաջին ջութակ), Մուշեղ Աղազարյանը, Հերման Գալֆայանը¹⁴²: Ստամբուլի քաղաքային օրկեստրում երկար տարիներ աշխատել է ջութակահար Հարություն Հանեսյանը (առաջին ջութակ): Պոլսահայ համայնքում երաժշտության ապարեգում հայտնի անուններ են կոմպոզիտոր Սիրվարդ Կարամանուկը, պոպ երաժշտության մեջ՝ Օննո Թունչըրոյաջյանը, Արտոն Թունչըրոյաջյանը, Կարո Մաֆյանը: Այսօրվա թուրքական ոոք երաժշտության ամենահայտնի ներկայացուցիչներից է Հայկ Զեպքինը, իսկ ջազի մեջ՝ Արքո և Տիգրան Խաչատրյան եղկանը:

¹⁴⁰ Özdogan G., Üstel F.,նշված աշխ., 77:

¹⁴¹ <http://www.bolsohays.com/?part=ekler&gorev=oku&id=18&sid=418414041>

¹⁴² Աղայան Ծ., Հայերը Թուրքիայում, Երևան, 1994, էջ 33:

բայրները: Հանրապետական Թուրքիայում ժողովրդական երգարվեստի ասպարեզում ևս տարբեր տարիներին ներկայացված են եղել են հայազգի երաժշտներ՝ Քեմանի Սարգիս, Արշակ Չոմլեքչյան, Սահակ Հոջասար, Ուղի Հրանտ և ուրիշներ:

Պոլսում եկեղեցիներին կից գործում են երգչախմբեր (շուրջ երկու տասնյակ), որոնցից են Գողթան Դպրաց դաս, Սահակյան Դպրաց դաս, Կելլրոնական, Թարգմանչաց Դպրաց դաս, Սայաթ-Նովա Դպրաց դաս, Քառասուն մանկանց Դպրաց դաս, Սուրբ Հոփիսիմյանց երաժշտասիրաց և այլ երգչախմբերը¹⁴³: Ավելորդ չեն նշել որ Պոլսում, շնորհիվ դպրաց դասերի, հայ եկեղեցական և ժողովրդական երգարվեստը պահպանվում ու զարգանում է:

Պոլսահայ համայնքը ներկայացված է նաև պարարվեստում, օրինակ՝ Թուրքիայում բալետի առաջին պարողը եղել է Միհրան Էբեյանը¹⁴⁴: Համայնքում ներկայումս գործում է «Մարալ» պարի համույթը: Հայ համայնքի ջանքերով նաև տարբեր մշակութային խմբեր, պարային համույթներ, երգչախմբեր և երգիչներ են հրավիրվում Հայաստանից¹⁴⁵:

Թուրքական (օսմանյան) թատրոնի ստեղծման ու կայացման գործում զգալի և որոշիչ դեր է խաղացել Հակոբ Վարդովյանը՝ հետազայում Գյուլու Ազոփի (1840-1902թթ.): Նրա ջանքերով Օսմանյան կայսրությունում 19-րդ դարի վերջին քառորդին ստեղծվում են թատերական խմբեր, իրականացվում տարբեր բեմադրություններ: Թուրք հայտնի մշակութաբան Մերին Անդը իր «Օսմանյան թատրոնը» ուսումնասիրության մեջ մեծ ակնաձանքով է խոսում Հակոբ Վարդովյանի մասին՝ համարելով նրան «թուրքական թատրոնի պատմության մեջ շատ կարևոր մի անձ»: Ինչպես նշված է տարբեր աղբյուրներում, Հակոբ Վարդովյանը հետազայում խլամ է ընդունում և փոխում անունը՝

¹⁴³ <http://www.bolsohays.com/?part=ekler&gorev=oku&id=17&sid=418414041>

¹⁴⁴ Özdogan G., Üstel F.,նշված աշխ., 93:

¹⁴⁵ Իրենց հերթին, Պոլսի երգի, պարի համույթները ելույթներ են ունենում Հայաստանում, օրինակ՝ Ստամբուլի Ս. Գրիգոր Լուսավորիչ դպրաց դասը, Սայաթ-Նովա երգի-պարի համույթը:

դառնալով Սեհմեք Յաքովի, սակայն նա ավելի հայտնի է Գյուլլու Ազովի անվամբ:

Հանրապետական շրջանում ևս թատերական ասպարեզում հայ համայնքն ունեցել է հայտնի անուններ. օրինակ՝ 1937թ. Գրիգոր-Լուսի Ազովիյան (Զանդաշ) զույգը, որը հիմնել է «Արևելյան թատրոնը», Նուբար Թերզիյանը, Սամի Հազինսեսը, Թոք Քարաջան և ուրիշներ: Սակայն քուրքական իշխանությունների ազգայնական տրամադրություններն արտահայտվել են նաև այս ոլորտում, և Թուրքիայի նախագահ Իսմեք Ինենյուն արգելել է հայերենով թատերական ներկայացումների անցկացումը¹⁴⁶: Մրա հետևանքով տեղի է ունեցել դերասանների արտազադք, որոնցից, օրինակ՝ Վահրամ Փափազյանը, Հրաչյա Ներսիսյանը տեղափոխվել են Հայաստան:

Թուրքական կինոարվեստում նույնապես հայազգի գործիչների ենք համույպում՝ Քամեք Սադրյան, Քենան Փարս, Նիշան Հանչեր, Ֆանի Արդան, որը Թուրքիայի ազգային կինոփառատոնում ստացել է ամենալավ դերասանուհու կոչումը¹⁴⁷:

Ստամբուլի հայ համայնքը նշանավոր անուններ ունի նաև նկարչության ոլորտում՝ Էրոլ Սարաֆյան, Արադ Հակոբ, Արմեն Ասպետ, Սյուզան Աղիլ, Ստեփան Ազայան, Հակոբ Էգոյան, Արշո Գասպարյան, Արթին Դեմիրջի, Բաֆֆի Օհանողլու: Համայնքում ծաղկում է նաև ծաղրանկարչության ճյուղը, և այսօր այդ ոլորտի առավել աչքի ընկնող անուններից են Սարգիս Փաշաջըն¹⁴⁸, Արեք Գըջըրը, Օհանը (Օհաննես Շաշրալ): Հատկապես Սարգիս Փաշաջըն մեծ ճանաչում ունի նաև քուրքական շրջանակներում, նրա ծաղրանկարները տպագրվում են մի շարք հայտնի ամսագրերում:

¹⁴⁶ Özdogan G., Üstel F.,նշված աշխ.. 90:

¹⁴⁷ Onur H., Ertmeni Portreleri, İstanbul, 1999, s. 17.

¹⁴⁸ Սարգիս Փաշաջըն հայտնի է նաև նրանով, որ Ստամբուլի կենտրոնում՝ Խսթիքյալ պողոտայում, բացել էր «Գրիգոր Նարեկացի» անվամբ սրճարան, որը հիշեցնում էր Եվրոպական «Art-Cafee»-ները: Այնտեղ արգելված էր թուրքական երաժշտությունը, ինչում էր Եվրոպական և առավելապես հայկական երաժշտություն, պատերին փակցված էին Հայաստանը, հայությունը և 1915թ. ցեղասպանությունը, հաճախ այլաբանորեն, խորհրդանշող տարբեր իրեր: Ցավոք, 2008թ. այդ սրճարանը տարբեր պատճառների հետևանքով փակվեց:

Լուսանկարչության ասպարեզում ևս պոլսահայերը որոշիչ դերակատարում ունեն, և առանց կասկածի կարելի է ասել, որ այսօրվա Թուրքիայի, թերևս, ամենահայտնի լուսանկարիչը Արա Գյուլերն է: Մեծահամբավ լուսանկարչի կողքին կան ավելի երիտասարդ սերնդի ներկայացուցիչներ, որոնցից է Անի Չելիք Արևյանը¹⁴⁹:

Առանց կասկածի կարող ենք նշել, որ Օսմանյան կայսրության ճարտարապետության կայացման մեջ թելադրող են եղել հայազգի վարպետները: Սինչև այժմ էլ թուրքական ճարտարապետության հիմնադիր է համարվում վարպետ Սինանը (1489-1588թթ.), որը հեղինակ է բազմաթիվ կոթողների, որոնցից ամենահայտնիներից են Սուլեյմանի մզկիթը Ստամբուլում և Էղիոնեի Սելիմի մզկիթը, որը համարվում է նրա վարպետության գլուխգործոցը: Ճարտարապետ Սինանն ունի հայկական ծագում և մեկն է այն հազարավոր քրիստոնյա երեխաներից, ում տիրահոչակ դեշիրմեհ (մանկահավաքի) համակարգը վաղ տարիքում խլել է ընտանիքից: Ստանալով իսլամական և ուազմական կրթություն՝ Սինանը համալրել է ենիշերիական զորամիավորումը և մասնակցել տարբեր արշավանքների: Պատերազմական զործողություններից մեկի ժամանակ ի հայտ են եկել նրա ճարտարապետական հմտությունները, ինչի հետևանքով էլ զրավել է սուլթանի ուշադրությունը, իսկ ավելի ուշ դարձել է արքունական ճարտարապետ: Սինանի ծագման հարցը դարձել է թուրք ազգայնականների մտահոգության առարկա նաև, այդ պատճառով կառավարության որոշումով 1930-ական թվականներին մի խումբ թուրք և եվրոպացի մասնագետներ նշանավոր թուրքերի գանգերի թանգարան ստեղծելու պատրվակով քանդում են ճարտարապետի գերեզմանն ու այնտեղից հանում գանգը, որպեսզի չափեն, թե արդյոք այն համապատասխանում է թյուրքական ուսաւյին բնորոշ չափանիշներին: Նախատեսվել է, որ չափումից հետո Սինանի գանգը տեղափոխելու էին վերոհիշյալ թանգարան, սակայն, ըստ երևույթին, չափման արդյունքները չեն գոհացրել ուսխատներին, քանի որ գանգն այդպես էլ իր

¹⁴⁹ Onur H., նշված աշխ., էջ 17:

տեղը չի վերադարձվել և գտնվելու վայրն անհայտ է: Սինչև օրս էլ քուրքերի համար Սինանի հայկական ծագման հարցը մնացել է բաց և շարունակում է առիթ տալ տարատեսակ քննարկումների և մեկնաբանությունների, որոնք երբեմն հանդիպում են նաև քուրքական մամուլի էջերում:

Թուրքական ժխտողականությունը չի սահմանափակվում միայն ճարտարապետ Սինանի պարագայով, այլև տարածվում է հայկական ճարտարապետական մի ողջ գերդաստանի՝ Պալյանների վրա: Հանրահայտ փաստ է, որ Պալյան ընտանիքի տարբեր ներկայացուցիչներ եղել են արքունական ճարտարապետներ, և հենց նրանց ստեղծագործություններն են, որ սկիզբ են դրել Օսմանյան կայսրությունում ճարտարապետության մեջ եվրոպական ավանդույթների ներմուծմանը: Կարապետ Պալյանի ճարտարապետական տաղանդի գլուխգործոց համարվող Ստամբուլի Դոլմաբահչեի պալատը շատ աղբյուրներում համարվում է «քուրքական Վերսալ»: Բազմաթիվ են Պալյան վարպետների ձեռամբ կառուցված ճարտարապետական գոհարչերը, սակայն ներկայումս էլ պետական մակարդակով թուրքիան անտեսում կամ ուղղակի կեղծում է ճարտարապետական դինաստիայի հայ լինելը: Այսօր էլ Ստամբուլ այցելող զբոսաշրջիկների հիմնական վայրերից մեկը հանդիսացող Դոլմաբահչեի պալատում զբոսավարը, ներկայացնելով պալատը, միտումնավոր կամ չի նշում Պալյան եղբայրների անունը, կամ նշելիս նրանց անվանում է Պալյանի և մեկնաբանում, որ նրանք իտալացիներ են:

‘Թուրքիայի Հանրապետությունում ևս ճարտարապետության բնագավառում հանդիպում են բավական ճանաչված հայոցի մասնագետներ՝ Արա Արթուր Լատուֆյանը, Լևոն և Նուրիան Թնգրյան եղբայրները¹⁵⁰, Զաքարիա Սիլդանօղլուն, Նազար Բինարթլըն:

Զանդակագործության ասպարեզում ներկայացված հայ վարպետների մեջ առանձնահատուկ է Մարի Գերեքմեզյանը (1913-1947թթ.), որը Թուրքիայի առաջին կին քանդակագործն է: Այսօր էլ

¹⁵⁰ Աղայան Ը., նշված աշխ.., էջ 34:

կերպարվեստի տարբեր ճյուղերում կան հայազգի գործիչներ, օրինակ՝ գրաֆիկայի ոլորտում քավական հայտնի անուն է Վարդան Փաշաջըն, որը նաև դասավանդում է «Սիմար Սինան համալսարանում»:

Գիտության տարբեր ասպարեզներում ևս պոլսահայ համայնքը տվել է աչքի ընկնող մի շարք անուններ, որոնցից առանձնացնենք լեզվաբան Հակոբ Մարթայանին (Դիլաչար), հանրագիտարանների հեղինակ Բարսեղ Թուղլաջյանին (Բարս Թուղլաջը), հետազոտող Գևորգ Փամուքչյանին: Թուրքերեն լեզվի բարեփոխման գործում ներդրած անուրանալի նպաստի համար 1934թ. Թուրքիայի նախագահ Քեմալ Աքարտուրքը Հակոբ Մարթայանին է տվել «Դիլաչար» ազգանունը, որը թուրքերեն նշանակում է «զեզու ստեղծող/բացող»: Սակայն, չնայած դրան, թուրքական պետական քաղաքականությունը ձգտել է անտեսել մեծ լեզվաբանի հայ լինելը, նրա բազմաթիվ գրքերում չի գրված անձնանունը, այլ միայն դրա առաջին տառը, որպեսզի Հակոբ անունը ընթերցողին անմիջապես չհուշի հեղինակի ծագման մասին: Ուշագրավ է նաև, որ հենց Հակոբ Մարթայանի առաջարկությամբ է Մուսթաֆա Քեմալին տրվել Աքարտուրք՝ թուրքերի հայր ազգանունը¹⁵¹:

* * *

Պոլս հայ համայնքում սպորտին համապատասխան ուշադրություն է դարձվում, և գործում են նաև սպորտային ակումբներ՝ Թարսիմը, Շիշլին: Ընդհանրապես պետք է նշել, որ հայկական սպորտը Օսմանյան կայսրությունում գտնվել է բարձր մակարդակի վրա¹⁵², սակայն Թուրքիայի Հանրապետությունում ևս հայազգի մարզիկները քավական հաջող ներկայացված են այդ երկրի սպորտային կյանքի տարբեր ճյուղերում:

Թուրքիայում ֆուտբոլի ասպարեզում քավական հայտնի են հայազգի Վարուժան Ասլանյանը, որը խաղացել է Թարսիմ

¹⁵¹ Հակոբ Մարթայանի և Քեմալ Աքարտուրքի հարաբերությունների հետաքրքիր դրվագների մասին ավելի մանրամասն տես Աղայան Ծ., նշված աշխ., էջ 52-64:

¹⁵² Այս մասին մանրամասն տես Ղեմոյան Հ., Հայկական սպորտը և մարմնամարզությունը Օսմանյան կայսրությունում, Երևան, 2009:

ակումբում և 1 տարի՝ Գալաթասարայում¹⁵³, Նուբար Համամջյանը, ով խաղացել է Շիշլի այնուհետև՝ Գալաթասարայ ֆուտբոլային ակումբներում, իսկ նրա որդին՝ Կարո Համամջյանը, խաղացել է Թաքսիմ ակումբում¹⁵⁴: Թուրքական ֆուտբոլում լեգենդար անուն է Կարպիս Խաթանբուլօղլուն՝ Թենեքեզի (թիթեղագործ) մականվամբ: Նա խաղացել է Վեֆասփոր, այնուհետև Թաքսիմսփոր ֆուտբոլային ակումբներում և ընդգրկված է եղել Թուրքիայի ազգային հավաքականի կազմում: Կարպիս Թենեքեզին մեծ հռչակ է ձեռք բերել 1953թ., Թուրքիա-Շվեյցարիա հանդիպման ժամանակ խփելով երկու գնդակ՝ նա ապահովել է Թուրքիայի հավաքականի հաղթանակը¹⁵⁵:

Բոնցքամարտում հայտնի անուններ են Գալուստ Զարչըն (Սոսկալի Գալուստ մականվամբ), Կարպիս Զաքարյանը, որը 1948, 1949 և 1950թթ. եղել է Թուրքիայի բոնցքամարտի չեմպիոն¹⁵⁶:

Ուշագրավ է, որ շախմատի ասպարեզում ևս հայազգի մարզիկները որոշիչ դեր են խաղում նաև Թուրքիայում: Այսպես, Ժիրայր Զարչը Օհանյանը եղել է Թուրքիայի շախմատի ֆեդերացիայի նախագահ և ՖԻԴԵ-ի դատավոր, բացի այդ, նա շախմատ է դասավանդել Գալաթասարայի համալսարանում¹⁵⁷:

Սպորտի այլ ճյուղերում ևս հանդիպում ենք հայտնի հայազգի մարզիկների: Այսպես, Պարետ Ավետիքյանը 1994-95թթ. խաղացել է Թուրքիայի ջրագնդակի ազգային հավաքականում և մասնակցել Եվրոպայի ու աշխարհի առաջնություններին, բակետբոլիստ Կարպիս Փալազյան, որը խաղացել է Շիշլիի բակետբոլի ակումբում, վոլեյբոլի մարզիչ Արթին Հանչերը, մարմարգ Հրանտ Պարսամյանը, որը Շիշլի սպորտային ակումբի հիմնադիրներից է: Այսօր էլ Թուրքիայի մարմնամարզիկների հավաքականում ընդգրկված է երիտասարդ մարզիկ Թորու Փիլիքոլուն, որը մասնակցում է միջազգային մրցումներին:

¹⁵³ Onur H., Աշված աշխ., էջ 21:

¹⁵⁴ Նույն տեղում, էջ 76:

¹⁵⁵ <http://arsiv.sabah.com.tr/2001/09/01/g08.html>

¹⁵⁶ <http://webarsiv.hurriyet.com.tr/2001/01/29/288070.asp>

¹⁵⁷ Onur H., Աշված աշխ., էջ 137:

ՎԵՐՋԱԲԱՆ

Այսպիսով, տեսնում ենք, որ Հայոց ցեղասպանությունից հետո Թուրքիայում գոյատևած հայության նկատմամբ Թուրքիայի Հանրապետության պետական քաղաքականությունը իր բնույթով շարունակել է մնալ խորական: Սակայն շարունակական հալածանքի և ճնշումների պայմաններում անզամ հայերն իրենց ներդրումն են ունեցել թուրքական պետության տարբեր բնագավառներում:

Հանրապետական Թուրքիայում կազմակերպված հայ համայնք շարունակեց մնալ միայն Ստամբուլում, որը տարբեր տարիներին համալրվեց զավառներից եկած հայերի հաշվին: Իսկ Թուրքիայի զավառներում հայկական համայնքային կյանք այդպես էլ չձևավորվեց (թերևս, որոշ բացառություն է միակ հայկական Վաքըֆլը գյուղը):

Ստամբուլի և ընդհանրապես Թուրքիայի վերապրած հայերի շրջանում արտագաղթերը կրել են շարունակական բնույթ և նաև դրանց հետևանքով է, որ ներկայումս Թուրքիայում կա 55-60 հազար հաշվող հայ համայնք, որն այսօր կանգնել է մի շարք խնդիրների առաջ: Այդ խնդիրներից մի քանիսը հատկապես վտանգավոր են, քանի որ անմիջականորեն սպառնում են համայնքի շարունակականությանը և ապագային: Մասնավորապես, կորստի եզրին է հասնում Պոլսու արևմտահայերենը, փակվել է հայկական դպրոցների մի մասը, համայնքում աճում են խառնամուսնությունները, անորոշ են համայնքային տարբեր իրավական խնդիրներ: Սակայն, այս ամենին զուգահեռ, ցավոք, համայնքում առավելապես նկատվում է պասիվություն ազգային և կրոնական խնդիրների նկատմամբ: Նման ընթացքի պարագայում և միջոցներ չձեռնարկելու դեպքում խնդիրներն ել ավելի են սրվելու:

Ներկայումս պոլսահայ համայնքում տեղի ունեցող գործընթացներն ուսումնասիրելիս՝ զալիս ենք այն եզրակացության, որ ըստ համայնքային կյանքի և խնդիրների նկատմամբ իրենց ունեցած դիրքորոշումների՝ Պոլսի հայությանը կարելի է բաժնել մի քանի պայմանական խմբերի.

1. *Անտարքեր խումբ* - այս խումբը գրեթե չի հետաքրքրվում համայնքային, ազգային խնդիրներով, լծված է կենցաղային հարցերին, և նրա անդամակցությունը հայ համայնքին ավելի շատ կրում է խորհրդանշական բնույթ:

2. *Համակերպվող խումբ* - այս խումբը, որը մեծամասնություն է կազմում, տասնամյակներ տևած քուրքական հալածանքի քաղաքականության հետևանքով դարձել է հարմարվող, երբեմն՝ վախեցած:

3. *Ակտիվ խումբ* - այս խումբը, որն ամենասակավաթիվն է, հիմնականում կազմված է մարդկանցից, որոնք ցանկանում են փոփոխություններ: Սակայն կարեռ է նշել, որ այս խմբում տեղ գտած անձինք հիմնականում ծախակողմյա գաղափարախոսության կրողներ են, և նրանց համար հաճախ առաջնային է պայքարը որոշակի նպատակների համար, իսկ ազգայինը երբեմն ստորադասվում է:

Հարկ է նկատել, որ Հայաստանի Հանրապետության դիրքորոշումն ու վերաբերմունքը Թուրքիայի քրիստոնյա հայության նկատմամբ պետք է տարբերակված լինի, քանի որ նրանց զգալի մասն ինքն իրեն չի համարում սփյուռքահայ, և դրա համար կան նաև հիմնավորված պատճառաբանություններ, որոնցից ամենատարածվածն այն է, որ իրենք ապրում են մի երկրում, որի կազմում է պատմական Հայաստանի մեծ մասը: Միևնույն ժամանակ, նկատենք, որ Հայաստանի ուշադրությունը և հետաքրքրվածությունը Թուրքիայի հայերի համայնքային, հոգեստ, մշակութային կյանքով նույնքան բնական է, ինչքան ցանկացած պետության հետաքրքրվածությունն իր երկրի սահմաններից դուրս բնակվող ազգակիցներով (օրինակ՝ Թուրքիայի հետաքրքրվածությունը Եվրոպաբնակ թուրքերով): Ուստի, կարելի է ենթադրել որ Հայաստանի և Թուրքիայի միջև բնականոն հարաբերությունների հաստատումը կնպաստի նաև հայ համայնքի առջև կանգնած որոշ խնդիրների լուծմանը:

Ruben Melkonyan, Review of History of the Armenian Community in Istanbul (1920-till present days).

SUMMARY

The presence of Armenians in the Byzantine Empire, as well as in the capital city of Constantinople has a history of centuries. Armenians played an important role in the military, political system of the Empire. It is worthy of mentioning that the dynasty of emperors of Armenian origin ruled in the Byzantine Empire from 867 till 1056. After the conquest of Constantinople by Turks in 1453 and in the course of the following centuries the Ottoman Sultans made Armenians move to the renamed city of Istanbul. In 1461 the Armenian Patriarchate of Constantinople was established and Sultan Mohamed II invited **Archbishop Joachim of Bursa** and became the head of the Patriarchate. Thus the Armenian Patriarchate of Constantinople became the spiritual centre of Armenians belonging to Apostolic Church and an important hub of governance. In the Ottoman Empire, the Armenians, along with Greeks and Jews were granted a status of "millet" (nation) and thus in the capital city of Istanbul a strong Armenian community was developed which, in the course of its history created a unique culture, literature, founded churches, schools etc.

The Ottoman Empire was a multinational, multi-confessional and multiethnic state. However due to various developments, genocides, ethnic cleansings, displacement of population, the Turkish Republic inherited a country where the majority of population is Muslim and the number of people of other faith is very small. By the **Treaty of Lausanne** signed in 1923 all three communities of people belonging to different religion - the Armenian, Greek and Jewish communities were recognized as an ethnic minority. It is necessary to mention that other ethnic and religious groups in Turkey such as Assyrians, Lazi people etc did not enjoy special rights and were not granted a status. It is necessary to point out that in Republican Turkey the attitude towards non-Muslim minorities remained hostile and the persecutions continued attaining new forms.

The historic sources testify, that in the beginning of 19th century the number of Armenians living merely in Istanbul reached 150 thousand, and in 1880-ies this number had reached 250 thousand. According to the official statistics now there are around 60 thousand Apostolic Christian Armenians which live mainly in Istanbul. It worth to be mentioned that at present there are few Christian Armenians living outside Istanbul. There are several reasons for the radical decline in the number of Armenians living in Turkey. Among the most important and decisive ones is the policy of persecutions and discrimination which leads to migration.

Currently the Armenian community of Istanbul faces several problems, which relate to the patriarchate, property of community, schools, language preservation, mixed marriages etc.

Maintaining the Ottoman traditions, the leadership of Turkish Republic too, recognizes the Armenian Patriarch as a de-facto leader of Armenian community. However, in 2008 an incurable disease related with the memory has been diagnosed with Mesrob Mutafyan, the present Patriarch, and because of the illness he is not able to perform his duties. As a result of the existing situation, the community has been rendered leaderless, the state of ambiguity and the set of problems intensify. In such cases, the regulation of Armenian Apostolic Church allows to conduct elections of a co-patriarch, who will undertake also the functions of a community leader. However, the Turkish authorities under various pretexts do not endow an election, which makes the problems existing in the community more complicated.

During the first year of establishment of the Turkish Republic there were 47 Armenian schools in Istanbul, however in 1972-73 academic year this number had reduced to 32, with 7366 students, in the academic year 1999-2000 the number of schools was reduced 18 with 3786 students and in 2009-2010 there were only 16 schools with 3029 students. The decline of Armenian colleges in Istanbul has profound reasons, among which are continuous reduction of the number of students, lack of textbooks and their quality, proficiency of teachers.

One of the key problems of the Armenian community in Istanbul is the state of the Armenian language. Number of people speaking Armenian is continuously reducing. This is determined by various reasons, however, an important role here plays the policy run by the country, which, to put it mildly, is not very favorable. At present the

number of people speaking Armenian has reduced so drastically that in some churches sermons are preached in Turkish too. Recently a survey on use of the Armenian language was conducted among the Armenian community of Istanbul. The results showed that only 18 percent of the community is using Armenian.

The Armenian Genocide has destroyed also the culture of Armenians of Istanbul, however, during the first years of establishment of the Turkish Republic, Armenian community of Istanbul made certain steps for the rebirth of its culture, and this has given its positive results. We can state that today the Armenians of Istanbul, are presented in various fields of culture and science. The Armenian community is best represented in sports too.

Analyzing the current processes going on in the Armenian community of Istanbul we can conclude that the Armenians living in Istanbul can be divided into three conditional groups, according to their attitude towards the community life and existing problems.

4. *Indifferent group*- this group of people is not much interested in the community life, national problems, it is absorbed in domestic problems and its association with the Armenian community has merely symbolic character.

5. *Conforming group* – This group constitutes a majority. During the decades of Turkish policy of oppressions, persecutions they have become very conforming and even sometimes frightened.

6. *Active group* – This group, which is the smallest in number, mainly consists of people who seek for changes. However it is necessary to point out that people engaged in this group are basically supporters of left-wing ideology, thus very often the struggle for achievement of specific goals is of prior importance for them and the national issues are being neglected sometimes.

It is necessary to mention, that the interest of the Republic of Armenia in the spiritual, cultural and community life of the Armenians living in Turkey is as natural as the interest of any other country with the compatriots living abroad (e.g. interest of Turkey in the life of Turks people living in European countries.) Thus, we can assume that the establishment of normal relations between Turkey and Armenia will contribute to the solution of certain problems which the Armenian community currently faces.

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ *Գրքեր*

1. Աղայան Ծ., Հայերը Թուրքիայում, Երևան, 1994:
2. Գույումճեան Ս., Ակնարկ մը՝ ստանպուլահայ վարժարաններու իրականութեան, Ստանպուլ, 2010:
3. Դեմոյան Հ., Հայկական սպորտը և մարմնամարզությունը Օսմանյան կայսրությունում, Երևան, 2009:
4. Զաւէն Արքեպս., Պատրիարքական Յուշերս. վաւերագիրներ եւ վկայութիւններ, Գահիրէ, 1947:
5. Խանլարեան Կ., Հայ բնակչութեան էքսուլունական վերակերպումները Թուրքիայի Հանրապետութիւնում (1923-2005), Անթիլիս, 2009:
6. Համայնապատկեր Վիեննական Մխիթարեան հայրերու կրթական գործունեութեան, Խրանպուլ, 2008, հ. Ա, ուսումնասիրությամբ Հ. Եփրեմ Վրդ. Պողոսեանի, աշխատասիրությամբ Հ. Արիստակէս Վրդ. Պոհճալեանի, Հ. Գաբրիէլ Վրդ. Այանեանի, Հ. Սարգիս Վրդ. Երմէնի, Հ. Յակովըս Վրդ. Զօփուրեանի:
7. Հայ Սփյուռք հանրագիտարան, Երևան, 2003:
8. Մելքոնյան Ռ., Հայերի բոնի իսլամացումը ցեղասպանության տարիներին. ընթացքը և հետևանքները, Երևան, 2010:
9. Շանթ Լ., Ազգութիւնը հիմք մարդկային ընկերութեան, Երևան, 2008, էջ 43:
10. Սիմոնյան Հ., Թուրք-հայկական հարաբերությունների պատմությունից, Երևան, 1991:
11. Սիրունի Յ., Պոլիս եւ իր դերը, հ. 1, Պեյրութ 1965, հ. 3՝ Անթիլիս, 1987, հ. 4՝ Անթիլիս, 1988:
12. Վարդանյան Ս., Կրոնափոխ համշենահայերի բարբառը, բանահյուսությունը և երգարվեստը, Երևան, 2009:
13. Վիճակացոյց Գավառական Ազգային Վարժարանաց Թուրքիոյ, տետր ա., Կ. Պոլիս, 1901, տետր բ., Կ. Պոլիս, 1903:
14. Akar R., Aşkale yolcuları (varlık vergisi ve çalışma kampları), İstanbul, 2006.
15. Aktar A., Varlık vergisi ve “Türkleştirme” politikaları, İstanbul, 2000.
16. Atnur İ., Türkiye’de Ermeni kadınları ve çocukları meselesi (1915-1923), Ankara, 2005.
17. Başyurt E., Ermeni evlâthıklar, İstanbul, 2006.
18. Cemaat vakıfları. Bugünkü sorunları ve çözüm önerileri, İstanbul Barosu, İnsan Hakları Merkezi, Azinlik Hakları Çalışma Grubu, İstanbul, 2006 .
19. Cumhuriyet dönemi İstanbul istatistikleri, İstanbul, 1998.

20. Çerkezyan S., *Dünya hepimize yeter*, İstanbul, 2003.
21. Çetinoğlu A.S., *Varlık Vergisi 1942-1944: Ekonomik ve Kültürel Jenosid*, İstanbul, 2009.
22. Dündar F., *Türkiye nüfus sayımlarında azınlıklar*, İstanbul, 1999.
23. Dünden bugüne İstanbul Ansiklopedisi, İstanbul, 1994.
24. Haydaroğlu P., *Osmanlı İmparatorluğunda yabancı okullar*, Ankara, 1990.
25. Hoffman T., *Armenians in Turkey today (second edition)*, Uppsala, 2003.
26. Kaplan S., *1915-te ne oldu ?*, 2-inci baskı, İstanbul, 2005.
27. Koçoğlu Y., *Hatırlıyorum Türkiye'de gayrimüslim hayatları*, İstanbul, 2003.
28. Koçoğlu Y., *Azınlık gençleri anlatıyor*, İstanbul, 2004.
29. Macar E., *Cumhuriyet döneminde İstanbul Rum patrikhanesi*, İstanbul, 2003.
30. Okutan Ç., *Tek parti döneminde azınlık politikaları*, İstanbul, 2004.
31. Onur H., *Erməni Portreleri*, İstanbul, 1999.
32. Özdemir H., Çiçek K., Turan Ö., Çalık R., Halaçoğlu Y., *Ermənilər. Sürgün ve Göç*, Ankara, 2004.
33. Özdoğan G., Üstel F., Karakaşlı K., Kentel F., *Türkiye'de Ermənilər: Cemaat-Birey-Yurttaş*, İstanbul, 2009.
34. Pamukciyan K., *İstanbul yazıları: Erməni kaynaklarından tarihe katkılar- I*, İstanbul, 2002.
35. Tunaya T., *Türkiye'de siyasal partiler, cilt III, İttihat ve Terakki, bir çağın, bir kuşağın, bir partinin tarihi*, İstanbul, 2000.
36. Ulu C., *Türkiye Cumhuriyeti'nde Ermənilər*, Ankara, 2009.
37. Walker C., *Armenia: The survival of a nation*, London, 1980.
38. Аванесов С., *Положение национальных меньшинств в Турции*, Ереван, 1963.

Հոդվածներ պարբերականներում

1. Զաւէն Ա. քինյ. Արգումանեան, Թուրքիոյ Պատրիարքութիւնը, Ազգապատում, հասոր դ., գիրք բ., Նիւ Եռք, 1997:
2. Լոքմազյովյան Տ., Ստամբուլի հայկական դպրոցները, «Գլոբուս» Վերլուծական տեղեկագիր, Երևան, 2008, թիվ 3:
3. Հովյան Վ., Թուրքիայի հայ բողոքական համայնքը, «Գլոբուս» Վերլուծական տեղեկագիր, Երևան, 2010, թիվ 3:
4. Սասունեան Յ., Ի՞նչն է Մեսրոպ պատրիարքին քաղաքական յայտարարութեանց դրդապատճառը, Ազդակ, Բեյրութ, 08.06.2007:

5. Սասունյան Հ., Հայերը պետք է խիզախ և կանխարգելիչ քայլեր ծեռնարկեն թշնամական գործողություններին հակազդելու համար, www.7or.am/hy/news/2010-06-23/15456/
6. Սիմավորյան Ա., Թուրքիայի հայ կաթոլիկները, «Գլոբու» վերլուծական տեղեկագիր, Երևան, 2010, թիվ 1:
7. S. Մեպուհ Եպիսկոպոս Չուզյան, Ուխտագնացություն Արևմտյան Հայաստան, Ազգ (մշակույթ հավելված), 12. 09. 2009:
8. AIHM'den Türkiye'yle ilgili iki kritik karar, - Hürriyet, 02.02.2010.
9. Azınlık malları geri verilecek, - Yeni Asır, 22.02.2008.
10. Azınlıklar, Vakıflar yasası'nı 'ileri' buldu, - Referans, 22.02.2008.
11. Bali R., "Yirmi kura ihtiyaçları" olayı, - Tarih ve Toplum, 1998, sayı 175.
12. Başaran E., Azınlık ezilirse özgürlük olmaz, - Hürriyet, 15.06.2009.
13. Başaran E., Asimilâsyon utancımız, - Hürriyet, 18.06.2009.
14. Dışişleri: Azınlık sayısı 89 bin, - Milliyet, 12.12.2008.
15. Erdoğandan samimi çıkış, - Agos, 29.05.2009.
16. İhanet değil, vallahi adalet, - Hürriyet, 22.02.2008.
17. Kılıç E., 6-7 Eylül yağma olayları bir MİT organizasyonu, - Sabah, 01.02.2009.
18. Kireçburnu Savaşında ikinci raund, - Taraf, 06.12.2007.
19. Konuralp O., Türkiye Ermenilerinin gizli kalmış travması, - Hürriyet, 22.11.2009.
20. Koptaş R., Güç siyaseti, - Agos, 03.04.2009.
21. Koptaş R., Mağdur Ermeni, gaddar Ermeni, - Agos, 03.04.2009.
22. Lozan kanunla değişemez, - Cumhuriyet, 22.02.2008.
23. Matur B., Diyarbakır'ın son Ermeni'si, - Zaman, 02.12.2008.
24. 'Mübadele olmasa, milli devlet olabilir miydik?' - Hürriyet, 11.11.2008.
25. Resmi Gazete, tarih: 13/6/1935, sayı: 3027, tertip:3, cilt: 16.
26. Resmi Gazete, 27.02.2008.
27. Resmi Gazete, 27.09.2008.
28. Sorgun T., Yeni Vakıflar Kanunu tamam. Dönelim mi 9 Haziran 1919'a? - Ortadoğu, 22.02.2008.
29. Türklu, Kürtlü Ermeni seçimi, - Hürriyet, 04.05.2009.
30. Vakıflar Yasa tasarısı tazminatın onunu açar, - Referans, 06.12.2007.
31. Vakıflar Kanunu ileri adım, ama hala eksikler var, - Referans, 22.02.2008.

Համացանցային կայքեր

32. Bebiroğlu M., Patrik, cemaat ve vakıflar, -
www.hyetert.com/prnyazi3.asp
33. Bebiroğlu M., Vakıflar ve cemaat vakıfları – Faaliyette bulunan vakıflar, - www.hyetert.com/prnyazi3.asp?s
34. Bebiroğlu M., Cumhuriyet döneminde Ermeni Patrikleri ve önemli olaylar, - <http://www.hyetert.com/yazi3.asp?s=1&Id=442&Dilld=1>
35. Çiçekkeker A., Sunî gündem: Beyaz Ermeni-taşralı Ermeni ayrimi, - www.hyetert.com/yazi3.asp?s=3&Id=434&Dilld=1
36. Ermeni Patriği Shinork Kalustyan'ın üvey kardeşi Diyanet işleri başkanı Lütfi Doğan, -
www.angelfire.com/wy/yaw/Ermeniler/ermeniler.html
37. Kılıç R., Osmanlı Türkiye'sinde azınlık okulları (19. yüzyıl), -
<http://www.hyetert.com/yazi3.asp?s=1&Id=374&Dilld=1>
38. Unutmak mı, asimilasyon mu? Türkiye'nin eğitim sisteminde azınlıklar, -
<http://www.hyetert.com/yazi3.asp?s=1&Id=409&Dilld=1>
39. Yaman A., Beyaz Ermeni tartışmaları, -
www.hyetert.com/yazi3.asp?s=2&Id=436&Dilld=1

ԲՈՎԱՆԴԱԿՈՒԹՅՈՒՆ

ԵՐԿՈՒ ԽՈՍՔ	5
ԱՌԱՋԱԲԱՆ.....	7
ՍՏԱՄԲՈՒԼԻ ՀԱՅ ՀԱՍՏԱՏԵԼ ՀԱՆՐԱՊԵՏԱԿԱՆ ԹՈՒՐՖԻԱՅՈՒՄ.	
ՊԱՏՄԱԿԱՆ ՀԱՍԱՌՈՏ ԱԿՆԱՐԿ	9
ՍՏԱՄԲՈՒԼԻ ՀԱՅ ՀԱՍՏԱՏԵԼԻ ԱՅՍՈՐՎԱ ԽՆԴԻՐՆԵՐԸ.....	31
Համայնքային սեփականության և դրա տնօրինման հետ կապված խնդիրներ.....	32
Կրթական խնդիրներ.....	39
Լեզվական խնդիրներ.....	47
ԿՈՍՏԱՆԴՆՈՒՊՈԼՍԻ ՀԱՅՈՑ ՊԱՏՐԻԱՐքութՅՈՒՆԸ	
20-ՐԴ ԴԱՐՈՒՄ ԵՎ 21-ՐԴ ԴԱՐԻ ՍԿԶԲԻՆ.....	49
Պոլսո Հայոց պատրիարքության դիրքորոշումը Թուրքիայի բռնի կրոնափոխ հայերի վերաբերյալ.....	64
ԽԱՌԱՍՏԻՄՆՈՒԹՅՈՒՆՆԵՐԸ ԵՎ ՆԵՐՁԻՆ ԱՍՏԻՄՆՈՒԹՅՈՒՆՆԵՐԸ ԹՈՒՐՖԻԱՅԻ ՀԱՅՈՒԹՅԱՆ ԾՐՁԱՆՈՒՄ.....	70
ԹՈՒՐՖԻԱՅԻ ՀԱՅՈՒԹՅԱՆ ՓՈԽԱԴՐՉ ԸՆԿԱԼՍԱՆ ԽՆԴԻՐԸ.....	76
ՍՏԱՄԲՈՒԼԱՀԱՅ ՀԱՍՏԱՏԵԼԻ ՏՆՏԵՍԱԿԱՆ ԿՅԱՆՔԸ.....	81
ՍՏԱՄԲՈՒԼԻ ՀԱՅ ՍԱՄՈՒԾ, ՄԵՍԱԿՈՒՅԹՆ ՈՒ ՍՊՈՐՏՆ ԱՅՍՈՐ.	
ՀԱՍԱՌՈՏ ԱԿՆԱՐԿ.....	84
ՎԵՐՋԱԲԱՆ.....	94
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....	99

Ո.ՈՒԲԵՆ ՍԵԼՋՈՆՅԱՆ
ԱԿՆԱՐԿ ԱՏԱՄԲՈՒԼԻ
ՀԱՅ ՀԱՍՎՅՆՔԻ ՊԱՏՄՈՒԹՅԱՆ
(1920-ականներից մինչև մեր օրերը)

Յրատարակչության տնօրեն
ՎԱՀՐԱՄ ՄՆԱՑԱԿԱՆՅԱՆ

Սրբագրիչ՝
ԽՈՆԱՐԴԻԿ ՔԱՐԱՊՈՂԱՆՅԱՆ

Յամակարգչային շարվածքը՝
ՅԵՐՄԻՆԵ ՎԱՐԴԱՆՅԱՆԻ

Զեւսպում և էջադրումը՝
ԱՍՏՈՒԿ ՎԱՐԴԱՆՅԱՆԻ

Կազմի ձեւավորումը՝
ԴԻԱՆԱ ԱՎԱԳԱՅՆԻ

Չափսը 60x84, 1/16: Ծավալը՝ 6.5 տպ. մամուլ:
Թուղթը՝ օֆսեթ-80: Տպաքանակը՝ 300 օրինակ:
Յանձնված է տպագրության 10.09.2010թ.: Պատվեր՝ 10/9-1:

Տպագրվել է «ՎՄՎ-ՊՐԻՆՏ» ՍՊԸ հրատարակչության տպարանում
Հասցեն՝ Ազատության 24, հեռ. 28 54 28
E-mail: vmv_print@yahoo.com
www.vmv-print.am

[1000.դ.]

ԳԱԱ Հիմնարար Գիտ. Գրադ.



FL0174730

A
96093